

## **Ion tiratna Kam Wemban Laŋ Outna kam**

Ionna tiratna Kam wemban laŋa ma gaindopatna, “Kamma ma eacrena. Na Kamma ma Raraŋ Aetaniacap eacrenan, na Kamma ma ndo ŋgoinna Raraŋ Aetaniac.” Aintik Ionna toŋgorinanna, meikramtaira Raraŋ Aetaniacna Nuoc Iesusmo ripacna, na mina gaind ndamŋirina, Iesusa ma an ramoot, Raraŋ Aetaniaca babuca ma aimo mac nda aŋgina nakiprina ramoot. Na Ionna ma gaind ndamŋirina, meikramtaira Iesusmo ripacrenan, mina iarwarna eteacna wat laŋ aŋginandet. Ainda moca ma ndona timbigta kapca tiratna. Na u sapta 20 wes 31na inikca wat.

Out ŋgoinna Ionna aimo gaindopatna, Iesusa ma an, “Kamma atu, atu ŋgoinna ma Raraŋ Aetaniacap eacrina.” Na iŋmbaia Ionna Iesusa moatna ŋgagatracarta nininiar mamoot, te, aia wat rapacna, Iesusa ande an ramootta Raraŋ Aetaniaca babuca mbagirica kipca aimo mac nda aŋgina ramoot, na ma Raraŋ Aetaniacna Nuoc. Na Ionna an ŋgagatracara Iesusa moatnanna miniŋmo aimo mbopatna, na aia watrinanna meikramtair ndeida Iesusmo ripaca manmo ranŋaiatna. Na meikramtair ndeida manmo ripacna karirina.

Na u sapta 13na tikca taŋi sapta 17na minna wat, Ionna an mouŋ ndaruatna reikta nininia moatna. Na Iesusa ma ndona iŋa ranŋairena

ramtairap eaca ma minmo kamb lainj wit nearina. Ri, inmbaia puɲnangepca manmo utingja ritri waparaca morina, na mina manmo ik naangica keracatna. Na an nininina mamamaia, an nininina kambca ma Iesusmo mac nda ngeprina kambapa mana inja rangairena ramtaira manmo watrina nininiap.

Na reik ndeida mandeaca aia gan Ionna timbigta kapna kidrik witta tikca watrenanna, anna meikramtairta ra, ra ndeacrena eteacna watna reikmo anjirena kam ndoprena, minmo Iesusa ritipacna eteacna watna kam roora ndoprena. Ainda moca aia watnandet, an kamb rour ndeacrenan, anna watna kam, na pukna kam, na tapacna kam, na memetacna kam, na wain ngatikna kammapa sipsipna nginaɲa morena ramootna kammap.

## **An Kamma ma ramoot ndaruca ma tanja meikramtairta rik ndeacrina**

(1.1-51)

*Kamma anna eteacna watap, na ma ramoot toc ngoin ndaruatna*

<sup>1</sup> Atu, atu ngoinna reikca gan tiacarpaikmo laru ngocor ndeacri. Kamma ma eacrena. Na Kamma ma Raranj Aetaniacap eacrenan, na Kamma ma ndo ngoinna Raranj Aetaniac.\*

---

**1:1** ML 8.22, na 8.30, na In 17.5, na Pil 2.6, na Kol 1.17, na 1 Io 1.1-2, na KIEK 1.2, na 19.13 \* **1:1** Ionna tiratna kam wemban laɲa ma gaindopatna, "Jesus, ma ndo Raranj Aetaniacna Kam, na ma ramoot ndaruca ma aina rik ndeacrina."

<sup>2</sup> Aintik atu, atu ngoinna Kamma ma Raraŋ Aetaniacap eacrina.

<sup>3</sup> Na an Kam niŋgik mbuŋa Raraŋ Aetaniaca reikmo muruŋcamiŋa moa larurina. Na reac ianna kabena taup ian ndiŋa mba laruri. Wanaiŋ ngoin. Reikca muruŋa larurinanna, anna Kamma ndo moa larurina.

<sup>4</sup> Na eteacna watta manap eacrenan, na an eteacna watta ma meikramtairta memetac.

<sup>5</sup> Na an memetaca ma neaupā metaca eacrenan, na neaupā manmo mba wiŋga kitacrenanna.

<sup>6</sup> Na ramoot ianna larurinan, na mana ia Ion. Na Raraŋ Aetaniaca manmo mbagiŋrica ma kipiŋa.

<sup>7</sup> Na ma kam wiwitina kipiŋa. Na ma an memetacna kammo wiwiti te, meikramtaira muruŋa mana an kammo waraca, mina riŋpacnandet.

<sup>8</sup> Na ma ndo, ma an memetaca wanaiŋ. Ma an memetacna kam niŋgik wiwitina kipiŋa.

<sup>9</sup> Na an memetaca ma memetac gidik, na ma meikramtairmo muruŋcamiŋa memetac neaŋrena, na ma gan tiacarŋaik nakiŋa memetac.

<sup>10</sup> Ainda moca Kamma gan tiacarŋaik ndeacrena. Na an Kam mbuŋa Raraŋ Aetaniaca gan tiacarŋaikca moa laruatna. Na gan

---

**1:2** RL 1.1    **1:3** In 1.10, na 1 Ko 8.6, na Epe 3.9, na Kol 1.16-17, na Ib 1.2    **1:4** In 5.26, na 8.12, na 9.5, na 1 Io 5.11    **1:5** In 3.19  
**1:6** Mt 3.1, na Mk 1.4, na Lk 1.13-17, na 1.76, na 3.1-2, na In 1.33  
**1:7** Up 19.4    **1:8** In 1.20    **1:9** Ais 49.6, na In 1.4, na 8.12, na 1 Io 2.8    **1:10** In 1.3, na 17.25, na Ib 1.2, na 11.3

tiacarpaikna meikramtaira manmo mba watta rapacrena.

<sup>11</sup> Na ma ndona auŋ miniŋa taŋrinanna, na mana barna wiwitnanna manmo mba aca tikatke.

<sup>12</sup> Ainda moca kabena barna meikramtairta wiwitta mammo aca tikrina, ande an meikramtair tiŋgikca mana ia ripacrena. Na ma mimo ia aniac neaŋrina, te, mina Raraŋ Aetaniacna mombonik tarunandet.

<sup>13</sup> Na mina Raraŋ Aetaniacna mombonik tarurinanna, mina ndorita aemaetna racaind puŋga mba laruri, na tikna toŋtoŋ mbuŋa mba laruri, na ramootna iro mbuŋa mba laruri, wanaiŋ. Raraŋ Aetaniaca ndo mimo larapaca mina mana mombonik tarurina.

<sup>14</sup> Na Kamma ma ndo ramoot ndaruca, ma kipca aina rik ndeacrina. Na aia mana memetacna tac aniacapa i aniac watrina. Na anna an Moonŋnuoc kabe niŋgikna memetacna tac aniacapa i aniac, Aetta mandaca kiprina. Na kakadmaiapa kam gidik laŋa manmo miŋ ŋgoin.

<sup>15</sup> Ainda moca kitac puk neaŋrena ramoot Ionna ma meikramtairmo gaind ŋgaca mbopatna kam, “Anna an ramoot ŋgaua aku nenmo, mana moca mboprina. Na aku gaindopatna, ‘Ramootta aukna iŋmbai nakipna ramoot, ma aukmo out ŋgoin, na ma tamuŋmbai. Na anna miniŋa gaind, ma atu

---

**1:11** Lk 19.14, na Up 3.26, na 13.46      **1:12** Ro 8.15, na Gal 3.26, na 2 Pi 1.4, na 1 Io 3.1      **1:13** In 3.3-6, na Ie 1.18, na 1 Pi 1.23

**1:14** Ais 60.1-2, na Mt 1.16, na 1.20, na Lk 9.32, na In 2.11, na Ro 1.3-4, na Gal 4.4, na Pil 2.7, na Kol 1.19, na 1 Ti 3.16, na Ib 2.11-16

**1:15** Mt 3.11, na Lk 3.16, na In 1.27-32, na 8.58, na Kol 1.17

ngoin ndeacrena, an minna aukna aemma aukmo mir ngocor ndeacri.' ”

<sup>16</sup> Na kakadmaia an ramootmo min ngoinna tikca eacrena, na mana an kakadmai mbuņa ma aimo muruņcamiņa laņ ngoinna morena.

<sup>17</sup> Na anna gidik, aia Raraņ Aetaniacna Tip Wandikmo Moses ndambuņa tikca anģirina. Na Iesus Karais mbuņa aia kakadmaiapa kam gidik laņ anģirina.

<sup>18</sup> Na ramoot ianna Raraņ Aetaniacmo mba watri. Wanaiņ, wanaiņ ngoin. An Raraņ Aetaniacna Nuoc kabe ngoin, ma ndo Raraņ Aetaniac, na ma Aetmo rambuņ ngoin ndeacrena, ma ndo kabe ngoinna aimo Raraņ Aetaniaca wandacrina.

*Kitac puk neaņrena ramoot Ionna kam wiwiti-atna*

*(Matu 3.1-12 na Mak 1.7-8 na Luk 3.15-17)*

<sup>19-20</sup> Ri, Iudanagepca ndorita taup ndamtairapa Liwaiarmo mbagirica mina Ierusalem auņ aniacmo tikcarica mina kipca Ionmo gaimda digirina, “U mandai ngoin?” Ainda moca ma minmo kam ianna mba anģira inģorocatke, ma minmo wandoņa gaimda wiwitia mbopatna. Na ma gaimdopatna, “Aku an ramootta Raraņ Aetaniaca babuca mbagirica kipca aimo mac nda anģina ramootta wanaiņ.”

---

**1:16** In 3.34, na Epe 1.6-8, na Kol 1.19, na 2.9-10    **1:17** NA 34.28, na TW 4.44, na In 8.32, na Ro 3.24, na 6.14, na 10.4    **1:18** NA 33.20, na Mt 11.27, na Lk 10.22, na In 6.46, na 1 Ti 1.17, na 6.16, na 1 Io 4.9, na 4.12, na 4.20    **1:19-20** Lk 3.15-16, na In 3.28, na 5.33, na Up 13.25

<sup>21</sup> Ri, mina Ionmo madigiat, “Kaia? U Elaia ki?” Na ma aindopatna, “Wanaiŋ.” Na mina gaind mac digiatna, “U aina lambirena ramma morena ramoot ki?” Ri, ma mina kammo nda rutica aindopatna, “Wanaiŋ.”

<sup>22</sup> Ainda moca mina manmo gaind mac digiatna, “U mbop, u mandai ŋgoin? Te, mandaibinna aimo mbagirica aia kiprinanmo, aia an kamna rurutia minmo nda aŋgi taŋca minmo mbopna. U mandai ŋgoin?”

<sup>23</sup> Ainda moca Ionna gaindopatna, “Aku an ramtair kocorta taupca ramoot ianna kamma, gaind ŋgaca mboprina, ‘Kacootna taup matau.’ Na anna ramma morina ramoot Aisaia mboprina kamna kirar toc.”

<sup>24</sup> Na an ramtairmo Parisina ramtaira minmo mbagirica mina kipatna.

<sup>25</sup> Ri, mina Ionmo gainda digiatna, “Na u an ramootta Raraŋ Aetaniaca babuca mbagirica kipca aimo mac nda aŋgina ramootta wanaiŋ ecte, na u Elaia wanaiŋ ecte, na u an ramma morina ramootta wanaiŋ ecte, kaina moca u meikramtairmo kitac puk neaŋrena?”

<sup>26</sup> Karica Ionna mina kambmo gainda rutirina, “Aku minmo puk mbuŋa kitac puk neaŋrena. Na nena rikna ramoot ianna maeacreke, na ne manmo mba lamŋireke.

<sup>27</sup> Anna an ramootta aukna iŋmbai nakiprenan. Ma i aniacap, na ma aukmo kunda tamuŋmbai, na aku wanaiŋ.”

---

**1:21** TW 18.15-18, na Mal 4.5, na Mt 11.14, na 17.10-13, na In 6.14, na 7.40     **1:23** Ais 40.3, na Mt 3.3, na Mk 1.3, na Lk 3.4

**1:25** Mt 21.25, na In 1.33     **1:27** In 1.15, na 1.30, na Up 13.25, na 19.4

28 Na Ionna Betani auŋ tekera tikca mbopatna kamb, anna Iodan ocmo waŋembai. Na an taupca tikca ma meikramtairmo kitac puk neaŋrena.

### *Iesusa ma Raraŋ Aetaniacna Sipsip Nuoc*

29 Na iŋmbaina ra mbuŋa, kitac puk neaŋrena ramoot Ionna watrinanna, Iesusa man ndambuŋ nakiprina. Na ma aindoprina, “Ne wat! Anna Raraŋ Aetaniacna Sipsip Nuoc. Na ma kiprinanna, ma gan tiacarpaikna meikramtair muruŋna tipemb ŋgorikta makukara mo kecarina kiprina.

30 Na anna an ramootta ŋgaua aku mana kambmo gainopatna, ‘Ramootta aukna iŋmbai nakipna ramoot, ma aukmo out ndeacnandet, na ma aukmo tamuŋ ŋgoin. Na anna miŋiŋa gaind, ma atu ŋgoin ndeacrina, an miŋna aukna aemma aukmo mir ŋgocor ndeacri.’

31 Na aku ndo, manmo mba garacri, ma mandai ŋgoin. Na aku kiprinanna, aku meikramtairmo puk mbuŋa kitac puk neaŋrena, te, Israelna meikramtaira an ramootmo lamjina.”

32 Karica Ionna gaind mac mbopatna, “Aku watrinanna Neronŋ Ratta tamuŋna auŋ tikcarica ŋgorac riŋnaina kirar toc ŋgirikrina. Na ma taŋga man nambatta eacri.

---

**1:28** Mt 3.6, na In 10.40    **1:29** NA 12.3, na Ais 53.6-7, na 53.11, na In 1.36, na Up 8.32, na 1 Ko 15.3, na 1 Pi 1.19    **1:30** In 1.15, na 1.27    **1:32** Mt 3.16, na Mk 1.10, na Lk 3.22

<sup>33</sup> Na aku ndo manmo lamŋi ŋgocor. Raraŋ Aetaniaca ndo aukmo mbagirica aku meikramtairmo puk mbuŋa kitac puk neaŋrena, na an kirara ma aukmo ŋgaua aindopatna, 'U wat te, Ŋeroŋ Ratta kipca iriki ramoot ian ndambuŋ ndeac te, ande an ramoot, ma meikramtairmo Ŋeroŋ Rat mbuŋa kitac puk neaŋnandet.'

<sup>34</sup> Na aku ndo mbuŋa watca mana kammo gaimda wiwitrinan, anna Raraŋ Aetaniacna Nuoc."

*Ramtair mbonkaca Iesusna iŋa raŋgairena ramtair taruatna*

<sup>35</sup> Na iŋmbaina ra mbuŋa, Ionna mac witikca eacri, na mana iŋa raŋgairena ramoot mbuniŋ toco manap witikca eacrina.

<sup>36</sup> Na ma watrinanna, Iesusa taŋrena. Ri, ma aindoprina, "Ne wat! Mona Raraŋ Aetaniacna Sipsip Nuoc."

<sup>37</sup> Ri, an mana iŋa raŋgairena ramootniŋa man mboprina kamma waraca maniŋa taŋga Iesusna iŋ maraŋgariat.

<sup>38</sup> Ainda moca Iesusa uriraca watrinanna maniŋa mana iŋ nakipri, ma maniŋmo gaimda digirina, "Oŋgo kaina reacna ŋgorere?" Na maniŋa manmo madigiat, "*Rabai*, u tenna kac ndeacrena?" Na an i, "*Rabai*," mana miniŋa gaimd, "Riripti."

<sup>39</sup> Ainda moca Iesusa maniŋmo gaimdopatna, "Oŋgo kipca wat." Ri, maniŋa taŋga man



eacrena kaca watrina. Na an ra, maniņa manap eacrinan, na anna miniņa, rana nğanğanğia paur mamoot, na ra mai ndambuņa tikri.

<sup>40</sup> Na Andru, ma Saimon Pitana lap, ma toco ma anna ramoot ianna Ionna kam mbaraca tanğa Iesusna iņa ranğairina.

<sup>41</sup> Na ma Iesus tikcarica ma tanğa ndona kaka Saimonna moca orena matanğat. Na ma manmo aindopatna, “Aia Mesaiano watrina.” Na an i, “Mesaia,” mana miniņa gaind, “Raraņ Aetaniaca babuca mbagirica kipca aimo mac nda anğina ramoot.”

<sup>42</sup> Aında moca ma Saimonmo Iesus ndambuņa anğica tanğina. Ri, Iesusa Saimonna watca ma aindopatna, “U Saimon u Ionna nuoc. Na inğbaia mina unmo gan i Kepasa tiknandet.” Na an i, “Kepas” ma an i kabe, “Pita” nakirar. Na mana miniņa gaind, “Anna waut.”

### *Iesusa Pilipapa Natanielmo acrina*

<sup>43</sup> Karica inğbaina ra mbuņa Iesusa Galilia tanğa mori. Ma tanğa Pilipmo watatke, ma manmo gaindopatna, “U kipca aukmo ranğai.”

<sup>44</sup> Na Pilip, ma Betsaidana ramoot, na anna Andruapa Pitana auņ miniņ.

<sup>45</sup> Aında moca Pilipa tanğa Natanielmo watca manmo gaindopatna, “Atua Mosesa Tip Wandikna timbigta kapca tirca eacrenanapa rambca morina ramtairta turrina timbigta kapca

---

**1:40** Mt 4.18-20    **1:41** 1 Sml 2.10, na Npaj 2.2, na In 4.25    **1:42** Mt 16.18, na Mk 3.16    **1:43** Mt 8.22, na Mk 2.14    **1:45** RL 3.15, na 49.10, na TW 18.18, na Ais 7.14, na 9.6, na Ier 23.5, na Esi 34.23, na Sek 6.12, na Mt 2.23

eacrenanna, an ramootmo aia manmo watrinan. Na ma Nasaret auņna Iesus, na ma Iosepna nuoc.”

<sup>46</sup> Ri, Nataniela manmo gaimda digiatna, “Ainta auņ Nasaretmo reac laņ ianna laruit ki?” Na Pilipa manmo gaimdoprinan, “U kipca wat.”

<sup>47</sup> Karica Iesusa watrinanna Nataniela man ndambuņ nakiprinan, na ma aindoprina, “Ne wat. An ramootta kiprenan, ma Israelna ramoot gidik ņgoin. Na paparuna kamb, co paparuna tipna kirar ianna manap eac ņgocor.”

<sup>48</sup> Ainda moca Nataniela Iesusmo ainda digiatna, “Titoca tikca u aukmo lamņiatna?” Ri, Iesusa mana kambmo gaimda rutirina, “An minna Pilipa umo ac ņgocora eacri, aku umo ņgaņin ikna miniņna kaņgaukca eacrinanna watrinan.”

<sup>49</sup> Ainda moca Nataniela an kamb mbaraca aindopatna, “Riripti, u Raraņ Aetaniacna Nuoc. Na u Israelna gagrirta ramoot paņan.”

<sup>50</sup> Na Iesusa mana kambmo gaimda rutirina, “Aku unmo gaimdopnandet, aku unmo ņgaņin ikna miniņna kaņgaukca tikca watatke, u anna miniņna moca aukmo ripacatna. Na iņmbaia u an reik anikca an reacmo tamuņmbai ņgoinnanmo u watnandet.”

<sup>51</sup> Karica Iesusa manmo gaimd mac mbopatna, “Aku nemo gidik, gidik ņgoinna aindopnandet, iņmbaia ne tamuņna auņmo watnandet, ma goot te, ne watnandet, Raraņ Aetaniacna mbaiņna

---

**1:46** In 7.41, na 7.52    **1:47** ņap 32.2, na In 8.39, na Ro 2.28, na 9.6    **1:49** Mt 14.33, na 16.16, na 27.42, na Mk 3.11, na In 12.13  
**1:51** RL 28.12, na Mt 4.11, na Lk 2.9, na 2.13

aiŋa morena ɲeɲgaura mina tamuɲ naganandet, na mina pikinna irikca Ramootna Nuoc ndambuŋa taɲnandet.”

## **Iesua ɲgagatraca mandeba moa ɲgeprinan, ma ndona i aniacapa gargar nanmo wandacatna**

### 2

(2—4)

*Ramoot ianna Kanac auŋa tikca lanŋoatna*

<sup>1</sup> Karica Iesua Pilipapa Natanielmo acrina ra mbuniŋna iɲmbai mbuŋa ramoot ianna Galili inikna pitrik waŋna auŋ Kanaca lanŋango mamoot. Na Iesusna aemma an lanŋango watna matanŋat.

<sup>2</sup> Na mina Iesusapa mana iŋa ranŋairena ramtair tocmo mbaiŋ tikrinanna, mitoco anna tanŋa eacrina.

<sup>3</sup> Na an minna wain pukca maiatke, Iesusna aemma manmo gaindopatna, “Mina wain pukca mamairi.”

<sup>4</sup> Na Iesua manmo aindopatna, “Abo, anna una reac. Na anna aukna reac wanaiŋ. Aukna kidrikca mba larureke.”

<sup>5</sup> Ainda moca mana aemma an mbaiŋna aiŋa morena ramtairmo gaindopatna, “Ma nenmo reac ianna mona ndop te, ne mo.”

<sup>6</sup> Na an kacna inikca wautna winne anikca parmabaiapa mbut kabe ndeacrena, na an mbuŋa

Iudanangepca ndorita tipemb kirarira ranğaica rurenan. Na kabe, kabea 100na minna litana puk ngutiņa min.

<sup>7</sup> Aında moca Iesusa an aiņa morena ramtairmo aindopatna, “An winnepaikmo puk ru.” Na mina an winnepaikmo kocnaia ruca upembca tikrinan.

<sup>8</sup> Karica ma minmo gaindopatna, “Ndepikmo mandeban naanğica taņa amta reik raupņirena ramootmo neaņ.” Aında moca an mbaiņa aiņa morena ramtaira ndepikmo aņğica mataņri.

<sup>9</sup> Na an pukca ma uriraca wain puk malaruri, na an amta reik raupņirena ramootta matowaiat. Na ma mba lamņiri, mina an wain pukmo ten ndiņ naanği kiprinan. Na an mbaiņa aiņa morena ramtaira puk witrinanna, mina ndori tiņgikca an tamņirena. Aında moca an amta reik raupņirena ramootta an laņtangona ramootmo aca kipca,

<sup>10</sup> ma manmo gaindopatna, “Ramtaira muruņcamiņa wain puk laņmo outta biņairena. Na mina witca anmo ammi mai te, mina an laņ ngoinna wanaiņnanmo iņmbaia biņainandet. Na u, an wain puk laņmo mba biņaiatke, u mandeban naanğica kiprinan.”

<sup>11</sup> Na ganna Iesusna out ngoinna moatna ngagatrac ngoin. Na ma anmo Galili inikna pitrik waņa auņ Kanaca tikca moatnan. Na an ngagatraca mana gargarapa i aniacmo wat rapacna. Na mana iņa ranğairena ramtaira an mbatca mina manmo maripacat.

<sup>12</sup> Ainda moca Iesusa Kanac auj tikcarica ndona aemmapa, laipitikapa, mana ija rangairena ramtairap, mina Kapaneam auj mairikat. Na mina an aujmo rai ndepikca an ndeacrina.

*Iesusa Raraŋ Aetaniacna Kacna wuocna inikca kitukndukca morena ramtairmo ootta mandacrina*

*(Matiu 21.12-13 na Mak 11.15-17 na Luk 19.45-46)*

<sup>13</sup> Iudanangepta mbendeina ra aniac ianna laruna kipca rambuajiri, na anna Pasowana Rana ndamjirena, aintik Iesusa Ierusalem auj aniac matangat.

<sup>14</sup> Na Raraŋ Aetaniacna Kacna wuocna inikca, ma wattatnanna, ramtaira kitukndukna ajjira morena, mina bulmakaoapa, sipsipapa, ŋgorikmo mbik tikca oikca kitukndukar angjirena. Na ma watrinanna kituknduk ŋgetrikina ramtair toco, anna mbiraca eacrena.

<sup>15</sup> Ainda moca ma lawirta ŋgatik angjica ma ramootta pina reaca morina. Ri, ma an ramtairmo muruŋcamajapa bulmakaoapa sipsiparmo ootca mina an Raraŋ Aetaniacna Kacna umbum an tikcarica matangat. Na an kituknduk ŋgetrikirena kitukndukarta tikrena barer motocmo, ma angjica kabrikirina.

<sup>16</sup> Na an ŋgorik puŋga kituknduk angjirena ramtairmo, ma aindoprina, “Ne ndorita ŋgorik angjica taŋ. Ne aukna Aetna Kacmo mbik tikca oikrena taupca kai mo teac.”

17 Ainda moatke, mana iña rangairena ramtaira an man morina tipna kirara watca, mina an Rarañ Aetaniacna timbigta kap ndeacrena kam ianna malamñiat. Na an kamma gaind, “Aku una kacna toñtoñ ngoin, ainda moca aku an kacmo lañ ndeacna moca aiñ gargara morena.”

18 Na Iudanangepca an tipna kirara Iesusa moatnanna watca, manmo gainda digiatna, “U aimo titocna ngagatraca wandac te, aia anna wat garacna, u mandeaca morina tipna kirarna i aniacapnan?”

19 Ainda moca Iesusa mina kambmo gainda rutirina, “Ne gan Rarañ Aetaniacna Kacmo tapi irik, te, rai mbonkacna inik mbuña aku mac mo ñgep witiknandet.”

20 Ri, Iudanangepta ramtaira aindopatna, “Iaukke! An Kaca iarira 46na minna tikca mina moa ñgepca witikrinan, na u ndomo rai mbonkacna inikmo, an mac mo ñgep witikna min ki?”

21 Na an kaca ma mboprenanna, anna ma ndona tikna kam ndoprena.

22 Ainda moca an minna Rarañ Aetaniaca manmo muk ndiña moa ñgepatnanna, mana iña rangairena ramtaira ñgaua ma mbopatna, an kammo, mina mac malamñiat. Na an kambca Rarañ Aetaniacna Timbigta Kap ndeacrenanapa Iesusa mbopatna kambmo mina ripacatna.

---

**2:17** Njap 69.9    **2:18** Mt 12.38, na 21.23, na In 6.30    **2:19** Mt 26.61, na 27.40, na Mk 14.58, na 15.29, na Up 6.14    **2:21** 2 Ko 6.16, na Kol 2.9    **2:22** Lk 24.6-8, na In 12.16, na 14.26

*Iesusa meikramtairta iroar inkarmo ma muruŋa lamŋirena*

<sup>23</sup> Na an Pasowana Rana ndamŋina moca, Iesusa ma Ierusalem ndeacri, na meikramtair wit anikca ma moatna ngagatracarmo watrina. Ainda moca mina mana imo maripacat. An kam tip kirar kabe toco an ndeacrena.

<sup>24</sup> Na Iesus, ma minmo mba ripacri,

<sup>25</sup> na an kidrikca, ma meikramtairta tipemb kirarirmo, ma muruŋcamuŋa lamŋirena. Na ma iro landamŋia mba matpirenan, te, ramoot ianna meikramtairta tipemb kirarirta kambca manmo mbopna. Wanaiŋ. Ma ndo meikramtairta iroar landamŋiara ma lamŋirena.

### 3

*Iesusa Nikodemusap mbopatna*

<sup>1</sup> Na ramoot ianna eacrenan, na mana ia Nikodemus. Na ma Parisina tumbunna ramoot ian, na ma toco ludanangepta ramoot paŋan ian.

<sup>2</sup> Na an ramootta Iesusmo mouŋa kipca manmo gaindopatna, “Riripti, aia lamŋirena Raraŋ Aetaniaca unmo mandaca ririptina kirar toca kiprina. Na Raraŋ Aetaniaca ramoot ianap eac ngocor te, an ramootta un morena an ngagatracra ma mba moitndai.”

<sup>3</sup> Ainda moca Iesusa mana kambmo gaimda rutirinan, “Aku unmo gidik, gidik ngoinna aindopnandet, ramootta ngam ndaru ngocor te,

---

**2:23** In 2.11, na 7.31    **2:25** Mt 9.4, na Mk 2.8, na In 6.64, na Up 1.24, na KIEK 2.23    **3:1** In 7.50, na 19.39    **3:2** Mt 22.16, na In 9.16, na 9.33, na Up 2.22, na 10.38    **3:3** Mt 18.3, na Gal 6.15, na Ta 3.5, na Ie 1.18, na 1 Pi 1.23, na 1 Io 3.9

ma Raraŋ Aetaniacna bubuocmo ma mba watitndai.”

<sup>4</sup> Karica Nikodemusa manmo gaimda digiatna, “Titoca tik te, ramoot bagara ma ŋgam ndaruit? Ma ndona aemna nikinik mac nda mbukca, aem mananna manmo mac nda mīrna ki?”

<sup>5</sup> Ri, Iesusa mana kambmo gaimda rutirina, “Aku unmo gidik, gidik ŋgoinna aindopnandet, ramootta pukapa Ŋeroŋ Rat mbuŋa ŋgam ndaru ŋgocor te, ma Raraŋ Aetaniacna bubuoca mba mbukitndai.

<sup>6</sup> Na reaca ramootna tikca mo larurinan, anna ramootna tikna reac. Na reaca Ŋeroŋ Ratta mo larurinan, anna ŋeroŋna reac.

<sup>7</sup> Na aku unmo mbopekna an kamb, ‘Ne ŋgaib mac laruna,’ u anna moca kai ŋgep ŋgoreac nanŋep teac.

<sup>8</sup> Na watta ma ndona tonŋtonŋa ranŋaia kiprena, na ma titoc nakiprenan. Na u mana mitmit niŋgikca waracrena, na mana kikip tataŋa u mba lamŋirena. Na meikramtaira muruŋcamiŋa Ŋeroŋ Rat mbuŋa ŋgaib taru te, mina muruŋcamiŋa aintoc ndarunande.”

<sup>9</sup> Ri, Nikodemusa manmo gaimda digirina, “Na an reaca u mboprenanna, ma titoc ndaruit?”

<sup>10</sup> Na Iesusa mana kammo gaimda rutirina, “U Israelna ririptina ramoot paŋan ian, na u an reacmo mba lamŋire ki?”

<sup>11</sup> Na aku unmo gidik, gidik ŋgoinna aindopnande, aia reikca aia lamŋirenanna mambo-preke. Na aia reikmo aia watrinanmo, aia anna

---

**3:5** Esi 36.25-27, na Mk 16.16, na Up 2.38, na Ta 3.5    **3:6** Ŋap 51.5, na In 1.13    **3:8** LR 11.5, na 1 Ko 2.11    **3:11** Mt 11.27, na In 3.32, na 7.16, na 8.26



wiwitirenan. Na an kambca aia wiwitirenanmo, ne inj neanrenan.

<sup>12</sup> Na aku nenmo gan tiacarpaikna reikta kamb ndoprenan, na ne mba ripacrena. Aintik aku nenmo tamuņa auņa reikta kamb ndop te, ne titoca ripacit?

<sup>13</sup> Na ramoot ianna tamuņa auņa mba tanri. Wanaiņ. Ramootna Nuoca ma ndo kabe niņgikca tamuņa auņmo tikcarica irikrinan.

<sup>14</sup> Na atua Mosesa reik kocorta taupmo ma barasna nduopmo aņgica ik nakeracrinan, na an tipna kirar mbuņa mina Ramootna Nuocmo mina manmo ik naaņgi keracnandet.

<sup>15</sup> Aında mo te, meikramtaira muruņa manmo ripacnandet, te, mina iarwarna eteacna wat laņa aņginandet.

<sup>16</sup> “Na Raraņ Aetaniaca ma Nuoc kabe niņgikap. Na ma gan tiacarpaikna meikramtairmo muruņcamiņa matņirenan, aintik ma minmo an ndona Nuoc kabemo minmo neanrinan. Na ma aında mo te, meikramtaira muruņcamiņa manmo ripacrenanna, mina mba taprekeitndait. Wanaiņ. Mina an iarwarna eteacna wat laņa aņginandet.

<sup>17</sup> Na Raraņ Aetaniaca ma ndona Nuocmo gan tiacarpaikmo mba mbagiřica kipa meikramtairta tipemb kirarira ritri waparaca

---

**3:12** Lk 22.67    **3:13** ML 30.4, na In 3.6, na 6.33, na 6.38, na Up 2.34, na Ro 10.6, na 1 Ko 15.47, na Epe 4.9-10    **3:14** Ndu 21.9, na In 8.28, na 12.32    **3:15** In 3.36, na 6.47, na 20.31    **3:16** In 3.36, na 10.28, na Ro 5.8, na 8.32, na 1 Io 4.9-10    **3:17** Lk 19.10, na In 5.22, na 5.45, na 12.47, na Up 17.31, na 1 Io 4.14

mo nake, mba mbagiricatnan. Wanaiņ. Ma manmo mbagirica ma minmo mac nda anņina.

<sup>18</sup> Na ramootta manmo ripac te, ma ritri waparac ŋgocor. Na ramootta manmo ripac ŋgocor, ma manmo ritri waparaca monandet, na an kidrikca ma Raraņ Aetaniacna an Nuoc kabena imo ma ripac ŋgocor.

<sup>19</sup> Na an ritri waparacna miniņa gaind. Memetaca gan tiacarpaikca kipca larurinan, na meikramtaira neaupna toņtongar koin-dap maeacreke. Na mina memetacmo mba toņgorenan, na anna gaind, mina tipemb ŋgorikca morena meikramtair koind.

<sup>20</sup> Na meikramtaira muruņcamiņa tipemb ŋgorikca morenan, mina memetacmo puņdamootta morina. Na mina toņgorinanna, mina morena tipemb kirarirta reikca raekca kai laru teac. Ainda moca mina memetac ndambuņa mba kiprenan.

<sup>21</sup> Na ramootta tipemb kirarir laiņa morenan, ma memetac ndambuņa kiprenan. Te, meikramtaira matau watnandet, ma ndona aiņa Raraņ Aetaniacna gargar mbuņa morenan.”

*Kitac puk neaņrena ramoot Ionna ma mbopca laruatna Iesusa ma mandai ŋgoiņ*

<sup>22</sup> Karica iņmbaia Iesusapa mana iņa raņgairena ramtaira Iudiana pitrik waņmbai matangat. Na ma minapa eaca, meikramtairmo kitac pukca neaņrenan.

---

**3:18** In 3.36, na 5.24, na 6.40, na 6.47, na 20.31    **3:19** In 1.4-5, na 1.8-12, na 8.12    **3:20** Iop 24.13-17, na Epe 5.11-13    **3:22** In 4.1-2

23 Na Ion toco, ma meikramtairmo kitac pukca Ainon auņa tikca neaņrenan, na an auņa ma Salim auņmo rambuņmbai. Na ocik witta an ndeacrenan, aintik meikramtaira man ndambuņa tanğa kitac puk anğirena.

24 Na an kidrikca Erotta, Ionmo kac ņgoreaca mba anğica tikatke.

25 Karica iptipuņ ianna Ionna iņa ranğairena ramtairapa İudana ramoot ianna rik malaruat. Na mina ipuņga tanğa, mina titocna ruruca ranğaica Raraņ Aetaniacna lamniac ņgoutmo rat ndaruit.

26 Ri, Ionna iņa ranğairena ramtaira Ion ndambuņa tanğa aindopatna, “Riripti, ņgaua an ramootta unapmo oc Iodanmo monmbai waņ ndeacrinan, na u mana kambmo wiwiritiran, an ramoot, mandeaca ma kitac pukca neaņrenan, aintik meikramtaira man ndambuņa tanğrena.”

27 Ainda moca Ionna mina kambmo gaimda rutirinan, “Tamuņna auņna Raraņ Aetaniac, ma ramoot ianmo reac ianna neaņ ņgocor te, an ramootta ma mba anğiri.

28 Na ne ndori waracatna, aku wiwitiatna kamma, ‘Aku an ramootta Raraņ Aetaniaca babuca mbagirica kipca aimo mac nda anğina ramootta wanaiņ, Raraņ Aetaniaca ndo aukmo mandaca aku manmo outmbaica kiprinan.’

29 Na ramoot ianna meac ianna lanço te, an meaca ma an ramootna meac. Na an ramootna

---

**3:24** Mt 4.12, na 14.3, na Mk 6.17, na Lk 3.19-20    **3:26** In 1.26-34

**3:27** In 19.11, na 1 Ko 4.7, na Ib 5.4, na Ie 1.17    **3:28** Mal 3.1, na Mt 11.10, na Mk 1.2, na Lk 1.17, na In 1.20, na 1.23, na 1.27

**3:29** Mt 9.15

aikndamootta, ma witikca ndona aikndamoot an lanjorina kamna tonjoca koar tikca waracrena. Na an tipna kirar mbuḅa tonḅona aukna nikinik iromo minna tikrinan.

<sup>30</sup> Na mana ia ma ḅgepraḅ te, aukna ia ma irikraḅnandet.”

<sup>31</sup> Na ramootta tamuḅa eaca kiprinan, ma reikmo tamuḅmbai. Na gan tiacarpaikna ramoot, ma gan tiacarpaikna reikca morenan, na ma gan tiacarpaikna reikta kamb ndoprena. Na ramootta auḅ tamuḅnan ndiḅa kiprinan, ma reikmo outmbai.

<sup>32</sup> Na reikca ma watrinan, na reikca waracrina, ma anna wiwitreanan. Na ramoot ianna man wiwitrina an kamb anmo, mba utiḅrinan.

<sup>33</sup> Na ramootta mana kambmo aḅgica utiḅrenan, anna wandacrinan, ma gan kambmo gidikca ripacrena, “Raraḅ Aetaniaca ma kam gidik ḅgoin ndoprena.”

<sup>34</sup> Na an ramootta Raraḅ Aetaniac mbaḅirica kiprinan, ma Raraḅ Aetaniacna kambmo wiwitreanan. Na an kidrikca gaind, Raraḅ Aetaniaca ma manmo ḅeronḅ Ratmo tip, tipca mba neaḅrenan.

<sup>35</sup> Na Aetta ma Nuocmo mamatḅi ḅgoin, aintik ma reikmo muruḅa mana para tikrina.

<sup>36</sup> Na meacramootta mandaia Nuocmo ripac te, ma iarwarna eteacna watap eacnande.

---

**3:31** Mt 28.18, na In 8.23, na Ro 9.5, na 1 Ko 15.47, na Epe 1.21, na Pil 2.9, na 1 Io 4.5-6    **3:32** In 3.11, na 8.26, na 15.15    **3:33** Ro 3.4, na 1 Io 5.10    **3:34** Ais 42.1, na In 1.16, na 7.16    **3:35** Mt 11.27, na Lk 10.22, na In 5.20, na 10.17, na Ib 2.8    **3:36** Lk 3.7, na In 1.12, na 3.16-18, na 6.47, na Ro 1.17, na 1 Io 5.10-12

Na meacramootta mandaia Nuocna kambmo ranjai ngocor, ma iarwarna eteacna watta mba anjiitndai. Wanaij. Raraņ Aetaniacna nikkakatta manap eacrena.

## 4

### *Iesusa Samariana meac ianap mbopatna*

<sup>1</sup> Na Parisina ramtaira gaimda waracatna, Iesusa meikramtair witmo kitac puk neanrenan, na mina mana ija rangairena meikramtair malaruat. Na mina ngannganngia Ionna ija rangairena meikramtairmo kunda tamuņmbai.

<sup>2</sup> Na Iesus, ma ndo ngoinna kitac pukca mba neanrenan, wanaij, mana ija rangairena ramtaira ndori punga meikramtairmo kitac puk neanrena.

<sup>3</sup> Na Iesusa ma lamņirina, Parisina ramtaira ainda waracrena, meikramtair witta mana rangairena meikramtair tarurina. Ainda moca ma an Iudiana pitrik waņ tikcarica ma Galilina pitrik waņ mac nda matanņat.

<sup>4</sup> Na an taupca ma rangaiatnanna, anna ma Samariana pitrik waņna rikca tanņena.

<sup>5</sup> Aintik ma tanņa Samariana auņ teker ian malaruat, na an auņmo mina Sikar ngacrena. Na an auņ tikca ma an pitrikca Iakopa ndona nuoc Iosepmo neanrinanmo, rambuņaiia eacrena.

<sup>6</sup> Na au puk ianna atua Iakopa iacrinanna, ma an ndeacrena. Na Iesusa kip, kipca ma boborina, aintik ma tanņa an au pukna kitimma

mbiracrina. Na rana nḡanḡanḡia taṅca rikca tikrinan.

<sup>7</sup> Ri, Samariana auḡna meac ianna puk wiṅna kiṗrinan, na Iesusa manmo gaindopatna, “U aukmo puk neaṅca aku amna, aku puk amna toṅtoṅap.”

<sup>8</sup> Na mana iṅa ranḡairena ramtaira an auḡmo amta reik koikna matanḡat.

<sup>9</sup> Ainda moca an Samaria auḡna meaca manmo gaindopatna, “U Iudanḡeṗta ramoot, na aku Samarianḡeṗta meac, na kaina moca u aukmo aindopapekna, ‘U aukmo puk neaṅam, aku puk amna toṅtoṅap?’” Na an meaca an kam ndoprenanna, mana miniṅa gaind, Iudanḡeṗca Samarianḡeṗmo tumbunna mba tikrenanna.

<sup>10</sup> Ainda moca Iesusa an meacmo gaindopatna, “U an reaca Raraṅ Aetaniaca wanaiṅa neaṅna morenanna u lamṅi te, na an ramootta unmo aindoprenanna, ‘U aukmo puk neaṅam, aku puk amna toṅtoṅap,’ u man ndamṅi te, na u manmo mbopca, ma unmo pukca eteacna watapnanmo ma unmo neaṅnandet.”

<sup>11</sup> Karica an meaca manmo aindopatna, “Ramoot aniac, u puk wiṅna reac nḡocor, na an au pukca orer nḡoin. Aintik an eteacna watapna pukca u ten ndiṅ naanḡiit?”

<sup>12</sup> Aina nicau Iakop, ma aimo gan au pukca aimo neaṅrinan. Na ma ndo nḡoinapa, mana

---

**4:9** 2 GRP 17.24, na Esr 4.1-5, na 9.1, na 10.44, na Nei 4.1-2, na Lk 9.52-53, na Up 10.28    **4:10** Ais 12.3, na Ier 2.13, na Sek 13.1, na 14.8, na In 4.26    **4:11** In 7.37-38, na KIEK 21.6    **4:12** In 8.53

nuikapa mana bulmakaoapa, sipsiparap, mina muruŋa an auna pukca ambrina. Na u ndomo, aina nica u Iakopmo kunda tamuŋmbai ki?”

<sup>13</sup> Karica Iesusa mana kammo gaimda rutirinan, “Meikramtaira muruŋcamiŋa gan auna puk ambrenanna, mina logotta mac gagranandet.

<sup>14</sup> Na mandaimo aku neaŋgekna puk am te, mana logotta puk mac amna, mba mac gagraitndai. Wanaiŋ. Na an pukca aku neaŋ ndoprinanna, ma an ocna pukca mana inik ndeacrena kirar toc ndeacnande. Na an pukca memetmbaca ma laruraŋ te, manmo iarwarna eteacna watmo neaŋnandet.”

<sup>15</sup> Ri, an meaca Iesusmo aind mambopat, “Ramoot aniac, u aukmo an pukca neaŋam. Te, iŋmbaia aukna logotta mba mac gagraitndai, na aku ganna mba mac nda kipca puk witca aŋgi taŋitndai.”

<sup>16</sup> Karica Iesusa manmo gaimd mac mbopatna, “U taŋca ndona kaŋgaitmo aca oŋgo kip.”

<sup>17</sup> Ri, ma aind mambopat, “Aku kaŋgait ŋgocor.” Na Iesusa mana kammo rutica gaimdopatna, “U wandoŋ ndoprina, u kaŋgait ŋgocor.

<sup>18</sup> Na anna gidik, ŋgaua u ramtair parm-baimo malaŋgoat, na mandeaca unap eacrena ramootta anna una kaŋgait ŋgoinna wanaiŋ. Na u aukmo kam gidik ndoprina.”

<sup>19</sup> Ainda moca an meaca manmo gaimdopatna, “Ramoot aniac, aku mandeaca malamŋica, u

---

**4:14** In 6.35, na 6.58, na 7.38      **4:19** Lk 7.16, na In 6.14, na 7.40, na 9.17, na 1 Ko 14.24-25

ramma morena ramoot ian.

<sup>20</sup> Na aina nicar, ngamrira mina an takura mbendeina punirena. Na ne Iudanangepca aindoprena, Ierusalem auņ aniaca ande an taupca aia muruņa mbendeina punirenan.”

<sup>21</sup> Karica Iesusa manmo gaindopatna, “Meacmbitac, u aukna kammo ripac. Oit ianna larunandet, na ne Aetmo gan takura mba tikca mben-deitndait, co, Ierusalem toco tikca mba mben-deitndait.

<sup>22</sup> Na ne Samarianangepca ne lamņi ngocorta reacmo mbendeirena. Na ai Iudanangepca aia lamņirena reacna moca anna mbendeirena. Na anna gaind, aia Iudanangepmo Raraņ Aetaniaca aimo larapaca aia meikramtairmo mac nda angina aiņmo, outta tikca morena.

<sup>23</sup> Na aku unmo aindopnandet, oit ianna larunandet, na mandeaca ma malaruri, na meikramtaira Raraņ Aetaniacmo mbendeina mo te, mina an takurapa Ierusalemmo mba mac lamņiitndait. Wanaiņ. Mina Raraņ Aetaniac Aetmo, ndorita iroar inkarapa manmo gidikca ranģaica mbendeiraņnandet. Na Raraņ Aetaniaca ma ainta meikramtairta ngorerena.

<sup>24</sup> Na Raraņ Aetaniaca ma Ņeroņ. Aintik meikramtaira manmo mbendeina morena, mina Ņeroņ Ratna gargarapa tip kirar gidik mbuņa mbendeirena.”

<sup>25</sup> Na an meaca Iesusmo, nda rutica aindop-

---

**4:20** TW 12.5, na 12.11-14, na 1 GRP 9.3, na Ņap 122.1-5    **4:21** Mal 1.11, na 1 Ti 2.8    **4:22** 2 GRP 17.29-41, na Ais 2.3, na Lk 24.47, na Ro 9.4-5    **4:23** In 1.17, na Pil 3.3    **4:24** Ro 12.1, na 2 Ko 3.17, na Pil 3.3    **4:25** In 1.41



rina, “Aku lamñirena, Rarañ Aetaniaca babuca mbagirica kipca aimo mac nda anğina ramoot, ma kipnandet. Na an minna ma gan tiacarpaik nakip te, ma aimo reikmo muruņa mbopi larunandet.”

<sup>26</sup> Ri, Iesusa manmo gaindopatna, “Aku ndo unap mboprena ramoot, aku Karais.”

<sup>27</sup> Na ma an meacmo aindopatke, an kidrikca mana iņa raņgairena ramtaira nda kipca larurina. Na mina watrinanna ma an meacap mbopreke, mina tamtam malamñiat. Na mina ianna manmo mba digiatke, “U kaina reaca tonğorinan? Co, kaina moca u an meacap mboprena?”

<sup>28</sup> Karica an meaca ma ndona puk win tikcarica ma auņ mac matañgat. Na ma meikramtairmo aindopatna,

<sup>29</sup> “Ne kipca ramoot ianna watna, ma aukmo ŋgaua aku morina reikta kambmo mboprena. Na ma an ramootta Rarañ Aetaniaca babuca mbagirica kipca aimo mac nda anğina ramoot ki?”

<sup>30</sup> Ainda moca an auņna meikramtaira laruca kipca Iesusmo watrina.

<sup>31</sup> Karica an kidrikca mana iņa raņgairena ramtaira manmo aindopatna, “Riripti, u am.”

<sup>32</sup> Na ma minmo aindopatna, “Aku gagamna amna reacap, na ne mba lamñireke.”

<sup>33</sup> Ainda moca mina ndori puņga aindopatna, “Moca ramoot ianna manmo amna reac neaņca ambri ki?”

<sup>34</sup> Ri, ma minmo gaindopatna, “Raraŋ Aetaniaca aukmo mbagirica aku kiprinan, na aukna amna reaca mana toŋtoŋa raŋgairenanapa ma aukmo neaŋrina aiŋira moca korwina.

<sup>35</sup> “Na ne aindoprenan, ‘Karwai paura maeacreke, na an mai te, aia wariŋna amta reik aŋgirena.’ Na aku nenmo aindopnandet, ne tamtamca wat, wariŋembmo matau wat, amta reicka maica kocroca eacrena.

<sup>36</sup> Na ramootta amta reikmo aŋgira punirenanna, ma anna opoicka aŋgirena, na ma iarwarna eteacna watna amta reicka aŋgica punirena. Aintik amta reik mutocrena ramootapa amta reikmo aŋgica punirena ramootta, maniŋa muruŋniŋa toŋgonandet.

<sup>37</sup> Ainda moca an kambca anna gidik, ‘Ramoot ianna wariŋna amta reikmo mutocrena, na kabena ramootta amta reikmo aŋgira punirena.’

<sup>38</sup> Na aku nenmo mandaca ne taŋga wariŋa ne ŋgaua mana aiŋa mo ŋgocorta amta reik aŋgirina. Na an wariŋa kabena ramtaira morinan, na ne anna mbukca mina aiŋ aniac mbuŋ ndarurina amta reicka aŋgirena.”

<sup>39</sup> Na an auŋ Samariana meikramtair wit aniaca an meacna kamma waraca, mina Iesusmo ripacrina. Na anna miniŋa gaind, an meaca ma aindopatna, “Ma aukmo ŋgaua aku moatna reikta kambmo ma muruŋ ndoprina.”

<sup>40</sup> Ainda moca Samarianaŋgepca kipca manmo mina ndoriap eacna aemaŋmaŋap

---

**4:34** In 6.38, na 17.4, na 19.30    **4:35** Mt 9.37, na Lk 10.2, na KIEK 14.15    **4:36** Ŋap 126.5-6, na Dan 12.3

madigiāt. Aintik ma minapmo ra mbuniņa an auņ ndeacrina.

<sup>41</sup> Na meikramtair wit aniac ņgoinna Iesusna kambmo waraca mina maripacat.

<sup>42</sup> Ainda moca mina an meacmo aindopatna, “Aia una kamb tiņgikmo mba waraca, an ramootmo ripacrina, wanaiņ. Aia ndori mana kambmo waraca, aia lamņirina, an ramootta ma ndo niņgikca gan tiacarpaikna meikramtairmo, muruņcamiņa mac nda aņģina ramoot.”

*Iesusna ramoot paņan ianna nuocmo moa laņa moatna*

<sup>43</sup> Aintik Iesusna Samarianaņgepta meikramtairap ra mbuniņa minap eaca, karica ma an auņmo tikcarica ma Galilina pitrik waņa taņrina.

<sup>44</sup> Na ma ndo ņgoinna ma kambmo gainda wi-witirina, “Ramma morena ramootta, ma ndona auņ miņiņa ma iremb kocor.”

<sup>45</sup> Karica ma taņa Galili malaruat, na Galilina nanda man kikipna moca mina toņtoņgar koin-dap. Na mana miņiņa gaind, mitoco mina an Ierusalemna mbembendei aniacna moca anna taņa, an auņ aniac ma morina reikca mina muruņa watrina.\*

<sup>46</sup> Karica ma auņ teker Kanaca Galilina inik ndeacrena auņmo mac nda taņa larurina, na an auņ tekermo ma ņgaua puk mbuņa wainna pukca uriraca larurinan. Na an miņ toco,

---

**4:42** In 17.8, na 1 Io 4.14    **4:43** In 4.40    **4:44** Mt 13.57, na Mk 6.4, na Lk 4.24    **4:45** In 2.23    \* **4:45** Mbembendeina ra aniac, anna Pasowana Ra.    **4:46** In 2.1-11

Romna ramoot pañan ianna ma Kapaneam auñ ndeacrena, na mana nuoca roubap.

<sup>47</sup> Ainda moca an ramootta waracrinanna, Iesusa Iudia tikcarica ma tanğa Galilia ndarurina. Aintik ma tanğa Iesusmo digica ma Kapaneam auñ ngirikca ndona an nuocmo moi laña mona. Na an nuoca ma menacna morena.

<sup>48</sup> Karica Iesusa an ramootmo gaindopatna, “Ne ainta ngagatracara wat ngocor co, ne mba ripacitndai.”

<sup>49</sup> Ri, ramoot pañanna aindopatna, “Kacoot, u tawi ngoinna kipca irik. Moca aukna nuoca menacnari.”

<sup>50</sup> Na Iesusa manmo gaindopatna, “U tan, una nuoca ma mba menacitndai.” Ainda moca an ramoot pañanna mana kambmo ripaca ma matanğat.

<sup>51</sup> Na an ramoot pañanna Kapaneam auñmo laru ngocor ndeacri, mana mbaiña aiña morena ramtaira manmo taupca tikca ndapurikica mina manmo aindopatna, “Una nuoca ma mba menacri, ma lañ ndarurina.”

<sup>52</sup> Na ma minmo digiatna, kaina rana nganğanği ma lañ emtemma morina. Na mina manmo gaindopatna, “Noura rana nganğanğia ramo rikmbai motem tikca roubca manmo tikcaririna.”

<sup>53</sup> Ri, an nuocna aetta malamñiat,oura an min mbuña Iesusa manmo aindopatna, “Una nuoca ma mba menacitndai.” Na manapa mana wiwitinanna mina maripacat.

---

**4:47** Mt 8.5-6, na Lk 7.1-10

**4:48** In 2.18, na 20.29, na 1 Ko 1.22

**4:50** Mt 8.13, na Mk 7.29

**4:53** Up 16.14-15, na 16.31

<sup>54</sup> Na anna Iesusna ngannganngi mbuniḡna ngagatraca ma Galilina inikca tikca moatna, na ma moatna kidrikca ma Iudia tikcarica ma kipca Galili ndeacrina.

**Iesusa ndona aiḡa mori, na ma  
meikramtairmo mbembendeina  
ra anikta raia minmo ririptia  
neaḡrina**

**5**

(5—10)

*Iesusa Betesdana rurena au pukca tikca  
ramoot ianmo moa laḡa moatna*

<sup>1</sup> Na inḡbaia Iudanangepta mbembendeina ra aniac ianna laruatna, ri, Iesusa Ierusalemma tanḡatna.

<sup>2</sup> Na Ierusalem auḡ aniacna inikca rurena au puk ianna eacrenan, na ma wuocna tiḡ ianna roumbca eacrenan. Na an wuocna tiḡna ia Sipsiparta Tiḡ. Na an rurena au pukna ia mina Iburuna kam mbuḡa gaind ḡacrena Betesda. Na mana roumbmbaica wacraet parmbaiap eacrenan.

<sup>3-4</sup> Na an wacraet parmbaina, roumbbeḡta meikramtair witaḡa, lamnik ḡgorikcapa,

or ŋgorikcapa, meikramtaira gagrira menacrinanna anna eacrenan.\*

<sup>5</sup> Na ramoot ianna roumbapnanna anna timpaik up ian ndeacrena, na mana an roumbca iarir 38na min, na ma anap eacrenan.

<sup>6</sup> Na Iesusa watrinanna, an ramootta meraca eacrenan, na ma lamnjirenan, ma an roumbapmo kidrik rocotap eacrenan. Ainda moca Iesusa manmo madigiat, “U tonjorinanna una tikca laŋa mona ki?”

<sup>7</sup> Ri, an roumbbehta ramootta mana kambmo gainda rutirinan, “Kacoot, an minna pukca numai te, auk aŋgica taŋca an rurena au puk inikca tikna ramtair kocor. Na aku ndo anna irikna mo te, kabena ramootta aukmo kunda anna iriknandet.”

<sup>8</sup> Karica Iesusa manmo gaindopatna, “U ŋgepca witikca ndona bar aŋgica taŋ.”

<sup>9</sup> Na tawi ŋgoinna an ramootna tikca laŋ mamoot. Ri, ma ŋgepca witikca ndona bar aŋgica matanŋat.

Na an reaca Wiktitikna Ra mbuŋa larurinan,

<sup>10</sup> ainda moca Iudanangepca an ramootmo watca mina manmo gaindopatna, “Mandeaca

---

\* **5:3-4** Na landamjina ramtair ndeida gainda lamnjirena, kabena kam tip toco gan wesap eacrenan. Na an kamma gaind, *“Mina an rurena au pukmo numaina ndabirena. Na anna gaind, Raraŋ Aetianacna mbaiŋna aiŋa morena ŋeroŋ ianna an rurena au pukca irikca pukmo mo numairena. Na pukca numai mai te, titocna roumbbehta meikramtaira an rurena au pukmo out ŋgoinna iriki puk te, ma ndo laŋa monandet.”* **5:8** Mt 9.6 **5:10** NA 20.10, na Nei 13.19, na Ier 17.21, na Mt 12.2, na Mk 2.24, na Lk 13.14, na In 9.14

anna Wiktitikna Ra, na anna wandik, u ndona bara kai angica taŋ teac.”

<sup>11</sup> Na ma mina kambmo nda rutica aindopatna, “An ramootta aukmo moa laŋa morinanna, ma aukmo aindoprina, ‘U ndona barmo angica taŋ.’ ”

<sup>12</sup> Ri, mina manmo madigiat, “Titocna ramootta unmo mboprinan? Na u ndona bar angica taŋrena?”

<sup>13</sup> Na an ramootta laŋa larurinanna, ma mba lamjiri, mandai ngoinna manmo mboprina. Na mana miniŋa gaind, meikramtair wit ngoinna an ndeacrinan, na Iesus toco ma matangat.

<sup>14</sup> Karica inmbaia Iesusa Raraŋ Aetaniacna Kacna wuocna inikca mbukca an ramootmo watrinanna ma eacrena. Ri, ma an ramootmo aindopatna, “U warac. Mandeaca u laŋ mamori. Na u tip ngoreacna makukca kai mac mo teac, moca makuk aniac ianna unmo laruca u ngocrainandet.”

<sup>15</sup> Karica an ramootta tanŋa Iudanangepmo gaindopatna, “An ramootta aukmo, mo laŋa morinanna, anna Iesus niŋgik.”

<sup>16</sup> Ainda moca Iudanangepca Iesusmo tip kitar ngoreaca morenan, na anna miniŋa gaind, ma an reikmo Wiktitikna Ra mbuŋa morena.

<sup>17</sup> Na Iesusa mina kambmo gainda rutirinan, “Aukna Aetta ma memetmbaca aiŋa moa kip, kipca mandeacna min. Na auk toco aku aiŋa morenan.”

<sup>18</sup> Na Iudanangepca an kamma waraca mina

Iesusa mo menacna toŋtoŋgar anikap. Na anna miniŋa gaind, ma Wiktitikna Ra niŋgikna tipmo mba kundrenan. Wanaiŋ. Ma aindoprenan, Raraŋ Aetaniaca mana Aet ŋgoin. Na an kam mbuŋa ma ndomo moca Raraŋ Aetaniacna ki-rara larurinan.

*Raraŋ Aetaniacna Nuoca ma aiŋa mona i aniacap*

<sup>19</sup> Ainda moca Iesusa Iudanangepta kambmo gaimda rutirinan, “Aku nemo gidik, gidik ŋgoinna aindopnande, Nuoca ma ndona iro mbuŋa reac ianna mba moitndai, wanaiŋ. Ma ndona Aetta morina reik tiŋgikca watca ma morenan. Na reik muruŋa Aetta morenan, Nuoc toco anna morena.

<sup>20</sup> Na Aetta ma Nuocmo matjirenan tik, ma ndo morena reik muruŋmo manmo wandacrenan. Te, nenmo moca ne ŋgep ŋgoreac naŋgepnande. Na Aetta ma Nuocmo kabena aiŋir anik toco waracnandet, an aiŋira ma outta morinanmo kunnandet.

<sup>21</sup> Na Aetta menacrina meikramtairmo, moca mac nda ŋgeprinan, na minmo eteacna watta neaŋrena. Ainda moca Nuoc toco, ma meikramtairmo ndona toŋtoŋ mbuŋa minmo eteacna watta neaŋrena.

<sup>22</sup> Na Aetta ma ramoot ianmo ritri waparaca mba morena. An ritri waparacna aiŋir muruŋa ma ndona Nuocna para tikrina.

---

**5:19** In 5.30, na 8.28-29, na 12.49, na 14.10      **5:20** Mt 3.17, na In 3.35, na 2 Pi 1.17      **5:21** TW 32.39, na 1 Sml 2.6, na 2 GRP 5.7, na Lk 7.14, na 8.54, na In 11.25, na 11.43, na Ro 4.17, na Epe 2.5  
**5:22** Mt 11.27, na In 3.17, na 5.27, na 9.39, na Up 10.42, na 17.31, na 1 Pi 4.5



<sup>23</sup> Ainda moca meikramtair muruŋcamina Nuocna imo anŋi ngepnandet. Na an tipna kirara mina Aetna i anŋi ngeprena. Na meacramoota Nuocna imo anŋi ngep ngocor, ma an Aetta an Nuocmo mandaca kiprina imo mba anŋi ngeprinan.

<sup>24</sup> “Na aku nemo gidik, gidik ngoinna aindopnande, ramootta aukna kambca waracrenan, na Aetta aukmo mbagirica kiprinanmo ripac te, ma iarwarna eteacna watapmo memetmbaca eacraŋnandet. Na ma ritri waparac ngocor, na ma memenacmo tikcarica ma eteacna watap eacrenan.

<sup>25</sup> “Na aku nemo gidik, gidik ngoinna aindopnande, kidrikca kipca laruna mamoeck, na mandeaca ma kipca larurina, te, an menacrina meikramtaira Raraŋ Aetaniacna Nuocna upna kambmo waracnandet. Na meikramtaira anna waracrenan, mina eteacna watta anŋinande.

<sup>26</sup> Na Aetta ma ndo ngoinna ma eteacna watap. Na ma Nuocmo gargara neaŋrinan, na Nuoc toco ma ndo ngoinna eteacna watap.

<sup>27</sup> Na ma Ramootna Nuoc, ainda moca Aetta manmo i aniaca neaŋrinan, te, ma meikramtairmo ritri waparaca mo te, mina tipemb kirarirmo ma ritrina.

<sup>28</sup> Na ne aukna an kambta moca kai tamtamca lamŋi teac. Na an kidrikca laruna mamoeck, na mukca eacrena meikramtair muruŋa mina Nuocna upna kambmo waracnandet,

---

**5:23** Pil 2.10-11, na 1 Io 2.23    **5:24** In 3.15-18, na 6.40, na 8.51, na 1 Io 3.14    **5:25** In 5.28, na Epe 2.1, na 2.5-6, na Kol 2.13  
**5:27** Dan 7.13-14, na 7.22, na In 5.22, na Up 10.42, na 17.31

<sup>29</sup> te, mina mukmo tikcarica ngepca larunan-det. Na meikramtaira tipemb kirarir lainga morenan, mina mac nda ngepca eacnand-et. Na meikramtaira tipemb ngorikca morenan, mitoco mac nda ngepca ritri waparac taɲnand-et. Te, ritri waparaca aindopnand-et, mina ngocrainand-et.”

*Kabena wiwit toco aindoprena Iesusa ma mandai*

<sup>30</sup> Karica Iesusa gaimd mac mbopatna, “Aku ndona nikinik iro mbuɲa reac ianna mona towanaiɲ. Aku Aet ndambuɲna kambca aɲgirenana, na anna raɲgairenana, na meikramtairta tipemb kirarirmo ritrireana. Na aukna ritri waparac, ma wandonɲ niɲgik. Na anna miɲiɲa gaimd, aku ndo ndona nikinikna iro mbuɲa mba raɲgairenana. Wanaiɲ. Aku Aetna tonɲonɲ niɲgikca raɲgairena, na ma ndo aukmo mbaɲirica aku kɲprina.

<sup>31</sup> “Na aku ndo kabea ndona aiɲapa ndona tipna kirara mbop te, meikramtaira aukna wiwiritirina kambmo mba riɲpacitndai.

<sup>32</sup> Na kabena ramoot ian toco ma eacrenana, na ma toco aukna aiɲna kambapa aukna tip kirarmo wiwiritirena. Na aku lamɲirenana, an kambca ma wiwiritirenanna anna gidik.†

---

**5:29** Ais 26.19, na Dan 12.2, na Mt 16.27, na In 6.40, na Up 24.15, na 1 Ko 15.52, na 1 Te 4.16    **5:30** Mt 26.39, na In 4.34, na 5.19, na 6.38    **5:31** In 8.13-14, na KIEK 3.14    **5:32** Mt 3.17, na In 5.36-37, na 8.18, na 1 Io 5.6-9    † **5:32** Na kabena ramoot ian toco ma eacrenana, na ma toco aukna aiɲna kambapa aukna tip kirarmo wiwiritirena. Na an ramootta Iesusa mboprenana, anna Raraɲ Aetaniac niɲgik.

33-34 “Na aku ndo lamɲirena, ramoot ianna aukna kambca moi gagrana minna wanaiɲ. Na aku lamɲirena, ɲgaua ne meikramtairmo mbagirica mina Ion ndambuɲna kamb aɲgina taɲrina. Na aku tonɲorinanna, Raraɲ Aetaniaca nenmo mac nda aɲgina, aintik aku tonɲorenanna, ne Ionna aukna aiɲapa tipemb kirarirta kambmo mboprinanna, ne anna lamɲiraɲ. Na Ionna ma kamb gidkarmo wiwiritina.

35 Na Ion tikca ma tacna wiwir toca wira eacrina kirara meikramtairmo memetaca neaɲgatna. Na kidrik teker motem mbuɲa nena iroar inkara mana memetacna moca tonɲonɲar koind.

36 “Na reaca Ionmo kunda tamuɲmbai, ma mandeaca aukmo wiwiritenan. Na anna aiɲira Aetta aukmo neaɲga aku muruɲa kocnai monandet. Na an aiɲa aku morenanna, anna meikramtairmo mataua wiwitica mbopnandet, Aetta aukmo mbagirica aku kiprinan.

37 Na Aetta ndo aukmo mandaca aku kiprinan, na ma ndo aukmo wiwiritena. Na ne mana kam upa mba waracrenan. Wanaiɲ ɲgoin. Na ne mana inpaɲanna mba watrenan.

38 Na mana kamb toco, nenap mba eacrenan, na ramootta Aetta mandaca kiprinanna, ne mana kambca mba ripacrena.‡

---

**5:33-34** In 1.19-34, na 3.27-30, na Epe 2.8, na Ta 3.5    **5:35** Mt 13.20-21, na Mk 6.20, na 2 Pi 1.19    **5:36** In 3.2, na 10.25, na 10.38, na 14.11, na 1 Io 5.9    **5:37** Mt 3.17, na 17.5, na Mk 1.11, na Lk 3.22, na In 5.32, na 6.27, na 8.18, na 1 Ti 1.17, na 1 Io 4.12  
‡ **5:38** Na ramootta Aetta mandaca kiprinanna, anna Iesus.

39 “Na ne gaind ndamñirena, kambca Rarañ Aetaniacna Timbigta Kapca eacrenanna, ma nenmo iarwarna eteacna wat laña neañrena. Ainda moca ne Rarañ Aetaniacna Timbigta Kapna kambmo muruñcamiña watreke, na ritirena. Na Rarañ Aetaniacna Timbigta Kap toco aukna moca wiwitirena,

40 na ne auk ndambuñ nakipca eteacna wat añaña karirenan.

41 “Na aku gainda mba lamñireke, aku i aniac añaña moca aku meikramtairmo an kambca mboprenan.

42 Na aku nenmo lamñirenan. Nena iroar inkara ne Rarañ Aetaniacmo mba matñirena.

43 Na aku ndona Aetna i mbuña kiprinan, na ne aukna kambmo mba añañatke. Na ramoot ianna ndona i mbuña kip te, ne tawi ñgoinna mana kambmo añañandet.

44 Na ne ndorita wiwitnanmo i aniaca añañirenan. Na an i aniaca Rarañ Aetaniaca ndo niñgikca neañrenan, na ne anmo añaña karirenan. Na ne ainta tipembta kirarira mo te, ne toca titoca tikca ripacit?

45 “Na ne gainda kai lamñi teac, aku nenmo Aetna lamñañac ñgoutta tikca ritri waparaca monanna. Wanaiñ. Na ramootta nenmo ritri waparaca monanna, anna Mosesa ndo ñgoin, na anna an ramootta ne gainda lamñirenan, ma nenmo otacnandet.

---

5:39 TW 18.15-18, na Lk 16.29, na 24.27, na 24.44, na In 5.46, na Up 13.27, na 17.11, na 2 Ti 3.15, na 1 Pi 1.10-11 5:40 In 1.11, na 3.19 5:41 In 5.34, na 1 Te 2.6 5:43 Mt 24.5, na 24.24 5:44 In 12.43, na Ro 2.29 5:45 TW 31.26-27, na Ro 2.12

<sup>46</sup> Na ne Mosesna kambmo ripac te, ne aukna kamb motocmo ripacnandet. Na anna miñña gaind, an kambca ma turrinan, anna aukmo wiwitirena.

<sup>47</sup> Na ne an mana turrina kambmo ripac ñgocor te, ne titoca tikca aukna kambmo ripacit?”

## 6

*Iesusa 5,000na minna ramtair tiñgikmo amna reaca neañga ambatnan*

*(Matiu 14.13-21 na Mak 6.30-44 na Luk 9.10-17)*

<sup>1</sup> Karica inmbaia Iesusa Galilina miarna monmbai waña tañrina, na an miarna i ian toco Taiberias miar.

<sup>2</sup> Na meikramtairta mimiãt aniaca mina man morina ñgagatracar wit anikca, ma an roumbbehta meikramtairmo moa lainga morinanna watri tik, mina manmo ranğairena.

<sup>3</sup> Ri, ma takur teker ian nagaca ndona inã ranğairena ramtairap mbiracrina.

<sup>4</sup> Na an minna Iudanangepta ra aniaca laruna rambuñairina, anna an Pasowana Ra.

<sup>5</sup> Ainda moca Iesusa tamtamma watrinanna, meikramtairta mimiãt aniaca man ndambuñ nakiprina. Ri, ma Pilipmo gainda digirina, “Aia tenna tikca tapacar koikca gan meikramtairmo neañamna?”

---

**5:46** RL 3.15, na TW 18.15-18, na In 1.45, na Up 3.22, na 26.22

**5:47** Lk 16.31    **6:4** In 2.13    **6:5** Mt 14.14, na Mk 6.34, na Lk 9.12

<sup>6</sup> Na ma an kammo morinanna, anna Pilipmo towaina. Na ma ndo ngoinna ma titoca tikca mona reaca ma lamjirena.

<sup>7</sup> Ri, Pilipa mana kammo gainda rutirina, “Aia karwir parmbaiapa mbut mbuniņa aija moca aņgirena minna kitukndukarta min mbuņa tapacar koik te, ma an meikramtairta kabe, kabemo teker, tekera neaņ te, mina minna mba mac tikitndait.”

<sup>8</sup> Ainda moca Iesusna iņa raņgairena ramtairta ianna, Andru, ma Saimon Pitana lap, ma Iesusmo gaindopatna,

<sup>9</sup> “Nuoc teker ianna ganna eacrenanna, ma tapacar tipemb parmbaia mina balina wit mbuņa morinanapa ngoaem mbuniņa. Na meikramtairta mimiāt aniac ngoinna gan ndeacrena. Na gan tapacar tipembapa ngoaemniņa aimo titoc ņgotacit?”

<sup>10</sup> Aindopatke, Iesusa minmo gaind mambopat, “Meikramtairmo mbopca mina mbirac.” Na an kidrikca katgar witta an ndeacrena, aintik mina anna mbiracrina. Na anna mbiracrina ramtair tiņgikna ndunduna minna 5,000na min.

<sup>11</sup> Ainda moca mina mbiracatke, Iesusa an tapacarpaik aņgica Raraņ Aetaniacmo mben-deica kam laņ neaņa, ma meikramtairmo mabiņaiat. Na an kirar kabe toco, ma an ngoaemniņ motocmo aind mamoa. Na ma minmo neaņa mina ndorita minna aņgirina.

<sup>12</sup> Na mina amba maiatke, ma ndona iņa raņgairena ramtairmo gaindopatna, “Ne an am

tipembca eacrenanmo, aŋgica tumbunna tik. Moca ndeida wanaiŋa eac nari.”

<sup>13</sup> Ainda moca mina an tapacarpaikna tipembmo, aŋgica tumbunna tikca, mina larkambca parniŋapa mbut mbuniŋna min ŋgaocrina. Na anna meikramtaira amba minna tikri, anna tipembca eacrena.

<sup>14</sup> Ri, an meikramtaira man morina an ŋgagatraca watca, mina aindopatna, “Gidik ŋgoiŋ, ma an ramma morena ramootta Raraŋ Aetaniaca mbopatnanna, ma gan tiacarpaikmo mbaŋirica kipnandet.”

<sup>15</sup> Na Iesusa an kamma waraca ma lamŋirina, mina kipca manmo utiŋca mina manmo ndorita gagrirta ramoot paŋanna monandet. Ainda moca ma an taupmo tikcarica ma ndo kabe ŋgoiŋna takur mac taŋgatna.

*Iesusa miarna puk nambatta taŋrina  
(Matiu 14.22-33 na Mak 6.45-52)*

<sup>16</sup> Na wigwac mbuŋa Iesusna iŋa raŋgairina ramtaira miar mairikat.

<sup>17</sup> Ri, mina kor ian naŋgabukca mina miarmo kataca monmbai waŋa taŋna. Na mina Kapaneam auŋa taŋna morena. Na ra mairinan, na Iesusa min ndambuŋa mba kipatke.

<sup>18</sup> Ri, wat aniaca ŋgepatke, ma macaitta moa ŋgeprina.

<sup>19</sup> Na mina an kor mbuŋa parmbai, co, parmbaiapa mbut kabena kilomitana min mbuŋa auta miarmo laruri, na mina watrinanna Iesusa

---

**6:14** RL 49.10, na TW 18.15-18, na Mt 11.3, na In 1.21, na 2.11, na 4.19, na 4.25, na 5.46    **6:15** Mt 14.23, na In 18.36

miarna puk nambatta tanrena, na ma kipca kormo rambuñairi. Na mina nanambiatke,

<sup>20</sup> ma minmo aindopatna, “Anna auk ningik kiprena. Ne kai nanambi teac.”

<sup>21</sup> Ainda moca mina mammo kor naañgi ngabukna tonjongarap tik, tawi ngoinna an kora mina tanja morena auñmo tanja malaruat.

### *Meikramtaira Iesusna oreatna*

<sup>22</sup> Na inmbaina ra mbuñ, meikramtaira mina an miarmo an wañembai ndeacrinanna, mina lamjirena, ñoura kour kocor, anna kor kabe ningik ndeacrina. Na Iesusna ma ndona inja ranğairena ramtairapmo, an kormo mba ngabukatke. Wanain. Mana inja ranğairena ramtair tingikca an kor nangabukca mina tanğatna.

<sup>23</sup> Na Taiberias auñna kour ndeida kipca an taupca Kacoota tapacarpaikmo kam lan neañga mina ambrinanmo rambuñairi,

<sup>24</sup> na meikramtaira ainda watrina, Iesusapa mana inja ranğairena ramtaira anna mba eacri. Ainda moatke, mina an kourpaik puñga ngabukca mina Kapaneam auñna tanca Iesusna ngorena.

### *Iesusna ma tamuñna auñna tapac*

<sup>25</sup> Karica meikramtaira miarmo wañmbaia tanja Iesus ndambuñ ndaruca, mina manmo gaindopatna, “Riripti, tumbuitta u gan nakiprina?”



<sup>26</sup> Ri, ma mina kambmo gaimda rutirina, “Aku nemo gidik, gidik ngoinna aindopnandet, ne an ngagatraca aku morinanna watca mba lamjireke. Na anna an ngagatraca aku nenmo wandacrinan, ne tapacarpaikca amba minna tikri, na anna minijna moca ne aukna ngorerenan.

<sup>27</sup> Na ne ainta amta reikca ngocrairenanna, aija kai mo teac. Wanaij. Ne amta reikca iarwar ndeacrenanna aij ningikca moranj, na anna an amta reikca iarwara eacrena watnan. Na ainta amta reikca Ramootna Nuoca nenmo neanjandet. Na Raranj Aetaniac Aetta, manmo larapaca ndonanna morinan.”

<sup>28</sup> Ainda moca mina manmo gaimdopatna, “Aia tida mo te, aia Raranj Aetaniacna aija moit?”

<sup>29</sup> Ri, Iesusa mina kambmo gaimda rutirina, “Raranj Aetaniacna aija gaimd. Ne an ramootta Raranj Aetaniac mbagirica makiprinanmo ne mana ripac.”

<sup>30-31</sup> Ainda moca mina an kamma waraca mina manmo gaimda digirina, “U titocna ngagatraca mo te, aia an ngagatraca watca aia una kammo ripacna? Na aina nicar ngamrira ramtair kocorta taupca tikca mina menamo ambrinan, an kam tipna kirara Raranj Aetaniacna timbigta kap ndeacrena, ‘Ma meikramtairmo tamujna aujna tapac neanja mina ambrina.’ Na u titocna ngagatrac ngoinna moit?”

---

**6:26** In 6.11-12    **6:27** Mt 3.17, na Lk 3.22, na In 1.33, na 4.14, na 6.48-58, na Up 2.22, na 2 Pi 1.17    **6:29** 1 Io 3.23    **6:30-31** NA 16.4, na 16.15, na Ndu 11.7-9, na Nei 9.15, na Njap 78.24, na Mt 12.38, na 16.1, na Mk 8.11, na In 2.18, na 1 Ko 1.22, na 10.3

<sup>32</sup> Ainda moca Iesusa minmo gaindopatna, “Aku nemo gidik, gidik ngoinna aindopnande, mandeaca Mosesa nenmo tamuŋna auŋna tapaca mba neaŋrenan. Wanaiŋ. Aukna Aetta mandeaca nenmo tamuŋna auŋna tapac gidik neaŋrena.

<sup>33</sup> Na an tapaca Raraŋ Aetaniaca neaŋrinanna, ma tamuŋna auŋmo tikcarica ma irikca gan tiacarpaikna meikramtairmo eteacna wat neaŋrena.”

<sup>34</sup> Ri, mina manmo aindopatna, “Ramoot aniac, u aimo memetmbaca an tapac neaŋraŋ.”

<sup>35</sup> Na Iesusa minmo gaindopatna, “Auk ndo, aku iarwarna eteacna watna tapac. Na ramootta auk ndambuŋ nakip te, ma mba mac nik watai-itndai. Na ramootta aukmo ripac te, ma logotta puk amna moca mba gagraitndai.

<sup>36</sup> “Na aku nenmo mboprinan, na ne aukmo watrinan, na ne mba ripacrenan.

<sup>37</sup> Na meikramtaira muruŋa Aetta aukmo neaŋrinanna, mina auk ndambuŋ nakipnandet. Na ramootta auk ndambuŋ nakip te, aku manmo mo kecarina minna wanaiŋ ngoin.

<sup>38</sup> Na aku tamuŋna auŋmo tikcarica irikrinanna, aku ndona toŋtoŋa rangaina mba kipri. Wanaiŋ. Aku irikrinanna, aku ndona Aetna toŋtoŋa rangaina kiprinan, ma aukmo mbagirica aku kiprina.

<sup>39</sup> Na Aetna toŋtoŋa ma aukmo mbagirica

---

**6:34** In 4.14-15, na 6.48-58, na 7.37      **6:35** In 4.14, na 6.48-58

**6:36** In 6.26, na 6.64, na 20.29      **6:37** Mt 11.28, na In 10.28-29,  
na 17.6-8, na 2 Ti 2.19, na 1 Io 2.19      **6:38** Mt 26.39, na In 4.34,  
na 5.30      **6:39** In 10.28-29, na 17.12, na 18.9

kiprinanna gaind. Aku man neanrina meikramtairta ianna kai tikcari teac. Wanaij. Aku minmo gan tiacarpaikna reikta mamamaina ramo, minmo mo ngepnandet.

<sup>40</sup> Na aukna Aetna tonjoja gaind. Meikramtair muruja Nuocmo watca ripac te, mina iar-warna eteacna wat anjinandet. Na aku minmo gan tiacarpaikna mamamaina ra, minmo anjinandet.”

<sup>41</sup> Na Iudanangepca waracrinanna Iesusa gaindopatna, “Aku ndo an tapaca tamuņa auņ tikcarica irikrinan.” Na mina kekelamun keca, manmo kamb witta tamtam mambopri.

<sup>42</sup> Na mina aindopatna, “An ramoot, ma Iesus, na ma Iosepna nuoc. Na aia mana aemmapa aetmo lamņirena. Aintik titoca moca mandeaca ma aindoprina, ‘Aku tamuņa auņmo tikcarica irikrinan?’”

<sup>43</sup> Karica Iesusa mina kambmo gainda rutirina, “Ne ndorita rikmo kamb witmo kai mbop teac.

<sup>44</sup> Aetta ndo aukmo mbagirica aku kiprina. Na ramoot ianna ndona tonjoņ mbuja auk ndambuņa kipna toawanaij. Wanaij ngoin. Aetta ndo mana nikinik iroa mo ngepca ma auk ndambuņ nakipnandet. Na gan tiacarpaikna mamamaina ra, aku ndo minmo muk ndiņa mo ngepnandet.

<sup>45</sup> Na rambca morina ramtairta timbigta kapna inik ndeacrena kamma gaind, ‘Raraņ Aetaniaca ma meikramtairmo riptinandet.’

---

**6:40** In 3.15, na 6.27, na 6.47, na 6.54, na 11.24    **6:42** Mt 13.55, na Mk 6.3, na Lk 4.22    **6:44** In 6.65    **6:45** Ais 54.13, na Ier 31.34, na Mai 4.2, na Ib 8.10

Te, meikramtaira muruḡa Aetna kambmo waracrinanna, na manmo lamḡjirenan, mina auk ndambuḡ nakiprena.

<sup>46</sup> “Na ramoot ianna Aetmo mba watri, wanaiḡ ḡgoin. Na an ramootta Raraḡ Aetaniacap eaca kḡprinan, ma ndo niḡḡikca Aetmo watrina.

<sup>47</sup> Na aku nemo gidik, gidik ḡgoinna aindopnande, ramootta aukmo ripac te, ma iarwarna eteacna watap eacnandet.

<sup>48</sup> Na aku ndo niḡḡikca, aku iarwarna eteacna watna tapac.

<sup>49</sup> Na nena an nicar ḡgamrira menamo ramtair kocorta taupca tikca ambrinanna, mina mamenacri.

<sup>50</sup> Na an tapaca tamuḡna auḡmo tikcarica irikrinanna, anna meikramtaira man am te, mina mba menacitndai.

<sup>51</sup> Na aku ndo an tapaca iarwarna eteacna watapnan. Na aku tamuḡna auḡmo tikcarica irikrina. Na ramoot ianna an tapac am te, ma iarwarna eteacna watap eacnandet. Na an tapaca aku manmo neaḡḡeknanna, anna aukna tik. Na aku gan tiacarpaikna meikramtaira neaḡ te, mina iarwarna eteacna wat aḡḡinandet.”

<sup>52</sup> Na Iudanḡḡepca an kamma waraca, mina ndorita rikmo kekelamun keca mambopri. Na mina gaidopatna, “Titoc ḡgoinna tikca, an ramootta maḡa tikmo aimo neaḡca aia ammit?”

<sup>53</sup> Aında moca Iesusa minmo aindopatna, “Aku nemo gidik, gidik ḡgoinna aindopnandet, ne

---

**6:46** Mt 11.27, na Lk 10.22, na In 1.18    **6:47** In 3.15-18, na 3.36, na 6.40    **6:48** In 6.31-35, na 6.58    **6:51** In 3.13, na Ib 10.5, na 10.10    **6:53** Mt 26.26-28

Ramootna Nuocna tikmo am ngocor, na mana racaindpaikmo am ngocor te, eteacna watta nenap mba eacitndai.

<sup>54</sup> Na ramootta aukna tikapa racaindpaik ambrenan, ma iarwarna eteacna watap memetmbaca eacrañndet. Te, aku manmo reikta mamamaina ra mbuñja mo ngepnandet.

<sup>55</sup> Na anna gidik, aukna tikca ma amna reac gidik, na aukna racaindpaikca anna amna reac gidik.

<sup>56</sup> Na ramootta aukna tikapa racaindpaikmo am te, ma aukap eacrena, na aku manap eacrena.

<sup>57</sup> Na iarwarna eteacna watapna Aetta ma aukmo mandaca aku kiprina, na aku Aetna gargar mbuñja iarwarna eteacna watap eacrena. Na anna kirar mbuñja ramootta aukmo am te, ma aukna gargar mbuñja iarwarna eteacna watta aņginandet.

<sup>58</sup> Na an niņgikca anna an tapaca tamuñja auņmo tikcarica irikrinan. Na ma an nicar nğamrira atua ambrina tapacna kirara wanaij, mina anmo amba menacrinan. Wanaij. Na ramootta an tapacmo am te, ma iarwarna eteacna watap eacrañndet.”

<sup>59</sup> Na Iesus, ma Kapaneamna Iudananta mimitpac aņgirena kac ndecatke, ma meikramtairmo an kamb neaņrina.

*Iesusa iarwarna eteacna watapna kambap*

---

**6:54** In 4.14, na 6.27, na 6.40, na 6.63      **6:56** 1 Io 3.24, na 4.15-16

**6:57** In 15.4-5, na 1 Io 3.24

60 Ainda moca mana iña ranğairena meikramtair witta an kambca waraca mina aindopatna, “An ririptina kambca aia giwac garacna aiñ ngoin. Na mandaia ndo waracit?”

61 Na Iesusna nikinik iroa ma lamjirenan, mana iña ranğairena meikramtaira man mbo-prena kambta moca tamtam mambopreke. Ainda moca ma minmo gaimda digirina, “An kambca nena ritipaikca moa ngocairi ki?”

62 Na ne Ramootna Nuocmo wat te, ma atu ndeacrina taup mac nda tañca an ndeac te, anna kaica?

63 Na Neron Ratta ndo meikramtairmo eteacna wat neañrena, na ramootna tikca ma aimo otacna minna wanaiñ. Na an kambca aku nenmo neañrenanna, ma eteacna watap, na ma ñeron.

64 Na nena rikna ramtair ndeida mba ripacrenan.” Na Iesusa ma atuna lamjirina, mandaia ripac ngocor. Na ma lamjirena, an ramootta manmo anğica puñnanğepta para tiknandet.

65 Ainda moca ma gaimdopatna, “Mina mba ripacrenanna, na anna minijna moca aku nenmo mboprina, ‘Na Aetta ramoot ianmo gar-gar neañ ngocor te, an ramootta auk ndambuña mba kipitndai.’ ”

66 Karica Iesusa an kambca wiwitia maiatke, mana iña ranğairena meikramtair witta manmo tikcarica matanğat, na mina manap mba mac tanğatke.

<sup>67</sup> Ainda moca Iesusa mana iņa ranġairena ramtair parniġapa mbut mbuniġna minmo gainda digiatna, “Na ne toco, aukmo tikcarica taġit ki?”

<sup>68</sup> Ri, Saimon Pita, mana kammo nda rutica aindopatna, “Kacoot, aia mandai ndambuġa taġit? Una kamb tingikca iarwarna eteacna wat neaġrena.

<sup>69</sup> Na aia riġacrina, na aia mataua lamġirena, u an ramoot ratta Raraġ Aetaniaca ndo ġgoin unmo larapacrina.”

<sup>70</sup> Karica Iesusa mina kambmo gainda rutirina, “Kaica? Na aku ndo, aku nenmo aukna iņa ranġaina ramtair, parniġapa mbut mbuniġa larapacrina. Na nena rikna ianna ma paparuna ramoot ianna kirar toc.”

<sup>71</sup> Na anna ma Saimon Iskariotna nuoc, Iudasna kam ndoprina. Na Iudas tikca ma an parniġapa mbut mbuniġna mana iņa ranġairena ramtairta ramoot ian. Na iġmbaia ma Iesusmo anġica puġnaġepta para tiknandet.

## 7

### *Iesusa Ndamb Ndeacrena Rai Anikca watna taġgatna*

<sup>1</sup> Karica iġmbai mbuġa Iesusa Galilina pitrik waġ niġgikca taġrina. Na ma Iudiana pitrik waġa mba taġri, anna Iudanangepta manmo mo menacna morena.

<sup>2</sup> Na Iudana mbembendeina rai anikca kipca laruna marambuñairi, na anna, an Ndamb Ndeacrena Rai Anik.

<sup>3</sup> Aintik mana laiplacara manmo gaindopatna, “U gan auñ tikcarica u Iudia tañ, te, una iña ranğairena ramtaira un morena ainta aiñira u morenanna mina watna.

<sup>4</sup> Ainda moca ramootta meikramtaira manmo wat rapacna mo te, ma aiña mba iñgoroca mba morenan. Na u ainta reikca mona mo te, u laruca raekca tikca meikramtairta lamnikta outta witikca monandet.”

<sup>5</sup> Na mana laiplacar toco mina manmo mba ripacrenan, aintik mina manmo an kam ndopatna.

<sup>6</sup> Ainda moca Iesusa mina kambmo gainda rutirina, “Aukna kidrikca mba larureke. Na kidrikar witta anna nena kidrikar.

<sup>7</sup> Ainda moca gan tiarpaikna meikramtaira mina nenmo puñanğepca mba moitndai. Na mina aukmo puñdamootta monandet, na aku mina morena tipemb kirarir iñgorik minanmo, aku mbopca larurenan.

<sup>8</sup> Na ne an rai anikta moca ne Ierusalemma tanğa mbendeirenan. Na aku mba tañitndai, aukna kidrikca mba larureke.”

<sup>9</sup> Ri, ma minmo aindopacarica ma Galilia lambica eacri.

<sup>10</sup> Karica mana laiplacara tanğatke, ma toco eaca iñmbai matanğat. Na ma raekca mba larua tañri, wanaiñ, ma iñgoroca tañrina, te, meikramtaira manmo mba wati garacitndai.

---

**7:2** TN 23.34, na TW 16.13    **7:5** Mt 13.55, na Mk 3.21, na Up 1.14

**7:6** In 2.4, na 7.8, na 7.30, na 8.20    **7:7** In 3.19, na 15.18-19



11 Na an mbendeina ra aniac, Iudanangepta ramtair paṅainda ṅgepca mana moca oreri, mina gaindopatna, “An ramootta ten ndeacrena?”

12 Ri, meikramtaira mana moca ndorita rikca lektekarta kamb punḡa mbopca taṅrena. Na ndeida aindoprina, “Ma ramoot laṅ.” Na ndeida aindopatna, “Wanaiṅ. Ma meikramtairmo parurena.”

13 Ainda moca mina Iudanangepta ramtair paṅainda moca nanambiri, na mina ianna mana morena tipna kirarna kammo raekca mba tikca mbopatke.

14 Karica an Ndamb Ndeacrena Rai Anikta mamamaia kipca rambuṅairi, Iesusa Raraṅ Aetaniacna Kacna wuocna inikca mbukca meikramtairmo riptirina.

15 Ri, Iudanangepca mana an kambca waraca mina iroara tamtam ndamṅica mina gaindopatna, “Tida moca an ramootta an iro landamṅiap? Na ma landamṅi aṅḡirena taupca mba taṅga landamṅi aṅḡiri.”

16 Karica Iesusa mina kammo gainda rutica aindopatna, “Na an ririptiara aku nenmo neaṅrenanna, anna auknanna wanaiṅ. Anna Raraṅ Aetaniacnan, na ma ndo aukmo mbagirica kiprina.

17 Na ramoot ianna mana kambmo matau ṅgoinna raṅgaina mo te, ma auk riptica mbopapekna kambta miniṅmo lamṅi garacnandet. Te,

---

**7:11** In 11.56    **7:12** Mt 21.46, na Lk 7.16, na In 10.19    **7:13**  
 In 9.22, na 12.42, na 19.38, na 20.19    **7:15** Mt 13.54, na Lk 2.47  
**7:16** In 3.11, na 8.28, na 12.49, na 14.10    **7:17** In 8.43

ma lamñinandet, an riptia anna Rarañ Aetaniac ndambuñnan, co, aukna iro mbuñja larurina kam.

<sup>18</sup> Ainda moca ramootta ndona iro mbuñja kam ndop te, ma ndona i aniacmo anği ñgepna morena. Na ramootta man mbagirica kpirina ramootna i aniacmo anği ñgepna mo te, an ramoot, ma ramoot wandonğ ngoin. Na ma mba parurena ramoot.

<sup>19</sup> “Na atua Mosesa nenmo Tip Wandikca neañrina. Ri, nena rikna ramoot ianna an Tip Wandikca mba ranğairenan ngoin. Na kaina moca ne aukmo, mo menacna morena?”

<sup>20</sup> Karica meikramtaira mana kammo gaimda rutica mboprina, “Ñeroñ ngoreaca unap eacre ki? Na mandaia unmo mo menacna morena?”

<sup>21</sup> Ri, Iesusa mina kammo gaimda nda rutica aindopatna, “Aku aiñ ianna moatke, ne muruñja anna tamtam malamñireke.\*

<sup>22</sup> Na ne matau lamñi. Mosesa nenmo tikiñit kakatacna tip kirara ma nenmo neañgatnan, na ne Wiktitikna Ramo nuikta tikiñitmo katacrena. Na anna gidik, Mosesa ndo mbuñja an Mosesna tip kirara mba moatnan. Anna nicar ñgamrirta min mbuñja laruatna.

<sup>23</sup> Aintik ne Mosesna Tip Wandikmo matau ranğaina moca ne ndorita nuikta tikiñitmo

---

**7:18** In 5.41, na 5.44, na 8.50    **7:19** NA 24.3, na TW 33.4, na Mt 12.14, na Mk 3.6, na Up 7.38, na 7.53, na Ro 2.21-24    **7:20** In 8.48,

na 8.52, na 10.20    \* **7:21** An kamma ma mboprinanna, anna ma Betesda au puk aniaca tikca morina aiñna kam ndoprina. An kam tipca Ion sapta 5 wes 1 tañca wes 18na inikca wat, an kam toco anna eacrena.    **7:22** RL 17.9-13, na TN 12.3    **7:23** In 5.8-10, na 5.16

Wiktitikna Ra mbuḡa katacrenan. Na aku ramoot ianna tikca Wiktitikna Ramo, mo laḡa mo te, kaina moca ne aukmo nikkatrenan?

<sup>24</sup> Na ne lamniac mbuḡa reikmo kai watca ritri teac, ne reikmo muruḡa tip kinar wandoḡ mbuḡa ritri morañ.”

*Meikramtaira Iesusmo garacna ma mandai ḡoin*

<sup>25</sup> Ainda moca Ierusalemna meikramtair ndeida Iesus moatna reikca watca mina gaindopatna, “An ramootta ramtair paḡaında manmo mo menacna morena ramoot ki?

<sup>26</sup> Na ne wat, ma ande raekca tikca kambmo wiwitirenan, na mina manmo reac ianna mba moreke. Moca mina lamḡire ki, ma an ramootta Raraḡ Aetaniaca babuca mbagirica kipca aimo mac nda aḡḡina ramoot ki?

<sup>27</sup> Na an ramootna auḡ miḡiḡa aia lamḡirena. Na an minna Raraḡ Aetaniaca babuca mbagirica kipca aimo mac nda aḡḡina ramootta ma kip laru te, ramoot ianna mana auḡ miḡiḡa mba lamḡi garacitndai.”

<sup>28</sup> Ri, Iesusa ma Raraḡ Aetaniacna Kacna wuocna inikca eaca meikramtairmo Raraḡ Aetaniacna kambmo riptirena. Na ma kam keca gaindopatna, “Ne aukna auḡ miḡiḡapa aukmo, ne lamḡi ndopre ki? Na aku ndona tonḡon mbuḡa mba kipri, wanaiḡ. Aetta ndo aukmo mbagirica

---

**7:24** TN 19.15, na TW 1.16-17, na Ais 11.3-4, na In 8.15, na Ie 2.1

**7:25** In 5.18    **7:27** Mt 13.55, na Mk 6.3, na Lk 4.22, na In 7.41, na 9.29    **7:28** Mt 11.27, na In 5.32, na 5.43, na 8.14, na 8.26, na 8.55

aku kiprinan. Na mana tipemb kirarira gidik, na ne manmo mba lamnja rapacri.

<sup>29</sup> Na aku ndo manmo lamnjirenan. Na aku manapa eaca ma aukmo mbagirica aku kiprinan.”

<sup>30</sup> Ainda moca mina mana kamb mbaraca mina manmo kac ngoreaca tikna mori. Na mana ra mba kipca rambuajiri, aintik ramoot ianna manmo mba utingatge.

<sup>31</sup> Ri, meikramtair witta manmo ripaca gaindopatna, “An minna Raraņ Aetaniaca babuca mbagirica kipca aimo mac nda anġina ramootta kip te, ma ngagatrac witta moca, an ramootta morenanmo kunit ki?”

*Mina piriņmo mbagirica Iesusmo kac ngoreaca tikna moatna*

<sup>32</sup> Karica ramtaira Iesusa moatna ainta reikta kamb ndopatke, Parisiarta ramtaira mawaracat. Ainda moca taup ndamtair paņaindapa, Parisina ramtaira piriņmo mbagirica manmo utiņna.

<sup>33</sup> Ri, Iesusa gaindopatna, “Kidrik tekemotemma aku nenap eacnandet, na aku Aet ndambuņa taņnandet. Ma aukmo mbagirica aku kiprina.

<sup>34</sup> Te, ne aukna moca oreraņnandet, na ne aukmo mba watitndai. Na aku eacrena auņa ne taņna towanaiņ.”

---

**7:29** Mt 11.27, na In 10.15      **7:30** Mk 11.18, na Lk 19.47, na In 7.44, na 8.20, na 8.37, na 13.1      **7:31** In 2.23, na 8.30, na 10.42, na 11.45, na 12.11, na 12.42      **7:33** In 13.33, na 16.16      **7:34** Osi 5.6, na In 8.21, na 13.33, na 13.36, na 17.24

<sup>35</sup> Ri, Iudanangepca ndori punğa gaindopatna, “Ma tenna taŋ te, aia manmo mba watit? Moca ma aina wiwittar tambuŋa taŋca Giriknanmo ripti nari?”

<sup>36</sup> Na ma toco gaindopatna, ‘Ne aukna oreraŋ te, ne aukmo mba watitndai.’ Na ma mac gaindopatna, ‘Aku eacrena taupca ne mba taŋitndai.’ Na an kamna miniŋa kai?”

*Iesusa iarwarna eteacna pukna kam ndopatna*

<sup>37</sup> Na an mbembendeina rai anikta mama-maina ra, anna ra aniac ŋgoin. Ri, an kidrikca Iesusa ŋgepca witikca aca gaindopatna, “U mandaia puk amna logotta gagra te, u auk ndambuŋ nakipca puk am.

<sup>38</sup> Na an kamma Raraŋ Aetaniacna Timbigta Kap ndeacrena kirar, na ma gaind, ramootta aukmo ripac te, iarwarna eteacna pukca mana nikinik iroa mbukca minna tiknande.”

<sup>39</sup> Na anna Iesusa Ŋeroŋ Ratna kam ndoprenan, ramootta mana ripac te, ma aŋginandet. Na an kidrikca Iesusa i aniaca mba aŋgireke, aintik Ŋeroŋ Ratta laru ŋgocor.

*Meikramtaira tumbun mbuniŋa titacatna*

<sup>40</sup> Karica meikramtair ndeida Iesus mbopatna kamb mbaraca mina gaindopatna, “Gidik ŋgoin, gan ramootta ma ande, Raraŋ Aetaniacna ramma morena ramoot.”

---

**7:37** TN 23.36, na Ais 55.1, na In 4.10, na 4.14, na 6.35, na KIEK 22.17    **7:38** Ais 12.3, na 58.11, na Esi 47.1, na Sek 14.8    **7:39** Ais 44.3, na Iol 2.28, na In 12.16, na 16.7, na 20.22, na Up 2.4, na 2.17, na 2.33    **7:40** TW 18.15-18, na In 1.21, na 2.11, na 6.14

<sup>41</sup> Ri, mina ndeida gaindopatna, “Ma an ramootta Raraŋ Aetaniaca babuca mbagirica kipca aimo mac nda aŋgina ramoot.” Na ndeida gaidoprina, “Wanaŋ, an ramootta Raraŋ Aetaniaca baburinanna, ma Galili ndiŋa mba kipitndait.

<sup>42</sup> Na Raraŋ Aetaniacna Timbigta Kapca aindoprina, an ramootta Raraŋ Aetaniaca babuca mbagirica kipca aimo mac nda aŋgina ramoot, ma gagrirta ramoot paŋan Dewitna wiwitanan ndiŋ nakipnandet. Na ma Betlem ndiŋa kipnandet, an auŋa atua Dewitta eacrina.”

<sup>43</sup> Ainda moca meikramtaira iroar damarap tik mina tumbun mbuniŋa titacrina.

<sup>44</sup> Ri, ndeida manmo kac ŋgoreaca tikna mori, na mina ianna manmo utiŋa moca mba mori.

### *Ramtair paŋainda Iesusmo mba ripacri*

<sup>45</sup> Karica piriŋa taup ndamtair paŋaindapa, Parisiar tambuŋa mac nda matangat. Ri, mina minmo gaimda digiatna, “Kaina moca ne manmo mba aŋgica kipri?”

<sup>46</sup> Na mina mimo nda rutica gaindopatna, “Ŋgaua ramoot ianna an ramoot mboprena kamna kirara mba mbopri.”

<sup>47</sup> Karica Parisiara minmo gaimd mac rutica gaindopatna, “Ma nen motoco paruapek ki?”

---

**7:41** In 1.46, na 4.29    **7:42** 2 Sml 7.12, na Ŋap 89.3-4, na 132.11, na Ier 23.5, na Mai 5.2, na Mt 2.5-6, na Lk 2.4    **7:43** In 9.16    **7:44** In 7.30    **7:45** In 7.32    **7:46** Mt 7.29, na Mk 1.22

<sup>48</sup> Na aina Parisiarapa ramtair paṅaindta wiwitmo ne watrena, aina ianna manmo ripacre ki? Wanaiṅ ngoin.”

<sup>49</sup> Na mina gaind mac mbopatna, “An wiwitta mana ripacrenanna, mina Tip Wandikca mba lamṅirena meikramtair. Na Raraṅ Aetaniaca ma mboprinan, mina ṅgocrainandet.”

<sup>50</sup> Na Nikodemus ma an ramootta ṅgaua Iesus ndambuṅa taṅgatna ramoot, na ma mina wiwitnan. Ri, ma minmo gaindopatna,

<sup>51</sup> “Aina tip wandikca gaindopre ki? Aia ramootmo wanaiṅa ritri waparaca wanaiṅa moit ki? Wanaiṅ. Aia mana kammo outta warac te, aia iṅmbaia lamṅina, ma kaina reac ṅgoreaca morina.”

<sup>52</sup> Ri, mina mana kammo gainda rutirina, “U toco u Galilina ramoot ki? U Raraṅ Aetaniacna Timbigta Kapmo matau wat te, u toco u lamṅi garacna, ramma morena ramoot ianna Galili ndiṅa mba laruitndait.”

*Mina tip ṅgoreacna makukca morina meacmo Iesus ndambuṅ naaṅṅia taṅgatna*

<sup>53</sup> Karica meikramtaira ndorita kaikca taṅgatna.†

## 8

<sup>1</sup> Na Iesusa ma Olip Takur matanṅat.

---

**7:48** In 12.42    **7:50** In 3.1-2    **7:51** TW 1.16-17, na 19.15    **7:52** In 7.41-42    † **7:53** Landamṅina ramtair witta gaind ndamṅirena, an kambca sapta 7 wes 53na tikca taṅca sapta 8 wes 11na minna eacrena, Ionna mba tiratke, anmo kabena ramootta iṅmbaia tiratnan.    **8:1** Lk 21.37

<sup>2</sup> Na ɲaɲarmuɲ ɲgoinna ma Raraɲ Aetaniacna Kacna wuoc mambukat. Na meikramtair witta man ndambuɲ nakipri, na ma anna mbiraca minmo ripti neaɲgatna.

<sup>3</sup> Ainda moca tipemb wandik tamɲirena ramtairapa, Parisina ramtaira meac laɲtango ianap aɲɟica kiprinan, na mina watrinanna, an meaca ma tip ɲgadudukca morena meacramootna tip kirar morinanmo, mina aɲɟica kipca manmo meikramtairta out mawitikat.

<sup>4</sup> Karica mina Iesusmo gaindopatna, “Riripti, gan meaca ma tip ɲgadudukca morena meacramootna tip kirara moca, mina manmo watrina.

<sup>5</sup> Na Tip Wandik mbuɲa Mosesa aindoprina, aia ainta meacmo waut mbuɲa riɲ menacnandet. Na u tit ndopit?”

<sup>6</sup> Na anna gaind, mina an kam mbuɲ ndopca, manmo towaina morina, te, ma kam ianna kati mbop te, mina manmo ritri waparaca tikna. Ri, Iesusa tutupniɲ rimbitca ma ndona patɲit mbuɲa pitrik matirri.

<sup>7</sup> Karica mina manmo memetmbac madigiri, na ma ɲgepca witikca minmo gaindopatna, “Mandaia nena riknanna, tip ɲgoreacna makukca mo ɲgocor, ma outna wautmo an meaca riɲ.”

<sup>8</sup> Ri, ma mac tutupniɲ rimbitca pitrik mac matirri.

<sup>9</sup> Ainda moca mina an kam mbaraca mina muruɲa kabe, kabea ɲgepca an taup tikcarica



matangat. Na ramtaira iarir witapnanna, mina outta tanri, na ramtair ngaibpaikca inmbai matangat. Na Iesusa ndo kabe tutupniñ rimbitca eacri, na an meaca mana outta witikca eacrina.

<sup>10</sup> Ainda moca Iesusa ngepca witikca ma an meacmo gaindopatna, “Meacmbitac, gan ramtaira tenna tanjapekna? Unmo ritri waparaca mona ramoot ianna eac ngocor ki?”

<sup>11</sup> Ri, an meaca aindopatna, “Ramoot aniac, ramtair kocor.” Na Iesusa gaindopatna, “Auk toco unmo ritri waparaca mba moitndai. U tanja inmbaia tip ngoreacna makukca kai mac mo teac.”

*Iesusa ma gan tiacarpaikna memetac*

<sup>12</sup> Karica Iesusa meikramtairmo gaind mac mbopatna, “Aku ndo gan tiacarpaikna memetac. Na ramootta aukmo rangai te, ma neupa mba tanjitndai. Ma iarwarna eteacna watna memetacap.”

<sup>13</sup> Ri, Parisiara an kamb mbaraca mina Iesusmo gaindopatna, “U ndo mbuņa u ndona ainjapa tipemb kirarirta kamb tinjik ndoprena. Aintik u wiwitica mboprena kambca meikramtaira mba ripacitndai.”

<sup>14</sup> Karica Iesusa mina kammo gaimda rutica mboprina, “Anna gidik, aku ndo mbuņa ndona tipemb kirarirta kambca wiwitreana. Na meikramtaira aukna kambmo mina ripacnandet. Na aku gaindopnandet, aku ngepca kiprina auņa aku lamjirena, na aku nda tanja auņa aku

---

**8:11** In 3.17, na 5.14    **8:12** Ais 49.6, na Mt 5.14, na In 1.4-9, na 3.19, na 9.5, na 12.46    **8:13** In 5.31    **8:14** In 5.31-32, na 7.28-29, na 9.29

malamjireke. Na ne aukna auŋ miniŋa ne mba lamjireke. Na aku tanjekna auŋa, ne an tocmo mba lamjireke.

<sup>15</sup> Na ne meikramtairmo tiacarpaikna tipna kirar mbuŋa ritri waparaca morenan. Na aku ramoot ianmo ainta tipna kirar mbuŋa ritri waparaca mba morenanna.

<sup>16</sup> Na aku ramoot ianmo mana tipna kirar mbuŋa ritri waparaca mo te, aukna ritri waparaca ma wandoŋ, na aukna kambca aku meikramtairmo wiwitinanna, mina ripacnandet, na aku ndo kabea mba ritri waparaca moitndai. Wanaiŋ. Na Aetta ndo aukmo mbagirica aku kiprinan, ma ndo aukap aiŋa morena.

<sup>17</sup> Na nena Tip Wandikna kamma gaimd maeacreke. Ramoot mbuniŋa kambmo iro kabe ndop te, maniŋa an kambca anna gidik.

<sup>18</sup> Na aku ndoa ndona aiŋapa tipna kirarna kambmo wiwitiŋenan, na Aetta aukmo mbagirica aku kiprinanna, ma toco aukna aiŋapa tipna kirarna kambca wiwitiŋenan.”

<sup>19</sup> Ainda moca Parisiara manmo gaimda digirina, “An Aetta u mboprenanna, ma ten ndeacrena?”

Ri, Iesusa gaimda rutiata, “Ne aukmo mba lamjireke, na ne aukna Aetmo mba lamjiŋenanna. Na ne aukmo lamji te, ne aukna Aet motoco ne lamjinandet.”

---

**8:15** In 7.24, na 12.47      **8:16** In 5.30, na 8.29      **8:17** TW 17.6,  
na 19.15, na Mt 18.16, na 2 Ko 13.1, na Ib 10.28      **8:18** 1 Io 5.9

**8:19** In 8.55, na 14.7, na 16.3

20 Na Iesusa an kamb toprinanna, ma meikramtairmo Raraŋ Aetaniacna Kacna kitcartukar iurena diabna roubca tikca minmo riptirena. Na ramoot ianna manmo mba utiŋri, an minna mana kidrikca laru ŋgocor ndeacri.

*Iesusa aindopatna meikramtaira man taŋrena taupca taŋna minna wanaiŋ*

21 Karica Iesusa meikramtairmo gaind mac mbopatna, “Aku mataŋgek, na ne aukmo mba watitndai. Na nena tipemb ŋgorikta makukara ma eacraŋnandet, na ne menacnandet. Aintik aku taŋrena auŋa ne mba taŋitndai.”

22 Ri, Iudanaŋgepca an kam mbaraca mina ndorimo aindopatna, “Tida moca ma aindopa-pekna, ‘Aku taŋrena auŋa ne mba taŋitndai?’ Moca ma ndomo mo menac nari?”

23 Na Iesusa mina kammo nda rutica gaindopatna, “Ne pikinna meikramtair, na aku, aku tamuŋna auŋnan. Na ne gan tiacarpaikna meikramtair, na aku gan tiacarpaiknanna wanaiŋ.

24 Ainda moca aku nenmo mboprina, nena tipemb ŋgorikta makukara ma eacraŋnandet, na ne menacnandet. Na ne ainda ripac ŋgocor te, Aku Ndo, Aku Aind Ndeacraŋnandet, te, nena tipemb ŋgorikta makukara eacraŋnandet, na ne menacnandet.”\*

---

**8:20** In 7.30    **8:21** In 7.34-36, na 8.24, na 13.33    **8:22** In 7.35

**8:23** In 3.31    \* **8:24** *Aku Ndo Aku Aind Ndeacraŋnandet:*

Na u Nda Anŋiatna timbigta kapna inikca wat, ma aindoprina. Na mana miniŋa gaind, anna ma Raraŋ Aetaniacna i ndoprina.

<sup>25</sup> Karica mina manmo mac digica mbopatna, “U mandai?” Ri, Iesusa minmo aindopatna, “Na aku nenmo mambopri, aku mandai.

<sup>26</sup> Na nena tipemb kirarirta moca, aku nenmo mbopna kam wit anikap. Te, aku nena tipemb kirarirmo, aku ritri waparacna ramoot toca monandet. Na Ramootta aukmo mbagirica aku kiprinanna, mana tipemb kirarira wandoik koind. Na man ndambuņa aku waracrina kambca anna aku gan tiacarpaikna meikramtairmo wiwitirena.”

<sup>27</sup> Na mina mba lamņireke, ma minmo Aetna kamb ndoprenanna,

<sup>28</sup> ainda moca ma minmo gaindopatna, “An minna ne Ramootna Nuocmo angica ik nakerac te, ne gaind ndamņinandet, Aku Ndo, Aku Aind Ndeacraņnandet. Te, ne lamņinande, aku reac ianna ndona iro mbuņa mba morenanna. Wanaiņ. Aetta aukmo mboprina kambmo aku ammo muruņa riptirena.

<sup>29</sup> Na Aetta ma aukmo mbagirica aku kiprina, na ma aukap eacrena. Na ma aukmo mba tikcariri, na aku ndo kabe ndeacrena. Wanaiņ. Ma aukmo mba tikcarirenanna, memetmbaca ma toņgorena reikca aku morena.”

<sup>30</sup> Ri, meikramtaira Iesus mboprena an kambca waraca mina witta manmo maripacat.

*Kam gidikca meikramtairmo moi mina tuombta aiņir kamnderta meikramtaira mba eacitndai*

<sup>31</sup> Karica Iesusa mana ripacatna Iudanangepmo gaindopatna, “Ne aukna kambmo utij gagra te, ne aukna ija rangairena ramtair gidkar teacnandet.

<sup>32</sup> Te, ne kam gidikmo lamñinandet, na kam gidikca nenmo moca ne tuombta aiñir kamndera mba eacitndait.”

<sup>33</sup> Ri, mina mana kambmo gaimda rutica aindopatna, “Aia Abraamna wiwitnan, na atu ngoinna tikca kipiñinan, aina ianna tuomna aiñ kamaindna aija mona ramoot ianna mba laruri, wanaiñ ngoin. Aintik u kaina moca gaindopatna, ‘Ne tuombta aiñir kamndera mba moitndai?’”

<sup>34</sup> Na Iesusa mina kambmo gaimda rutica mbopatna, “Aku nemo gidik, gidik ngoinna aindopnande, meikramtaira muruñcamiña tipemb ngorikta makukara morenan, mina tip ngoreacna makukna tuomna aiñ kamainda morena meacramoot ndeacrena.

<sup>35</sup> Na tuomna aiñ kamainda morena ramootta, ma ndona ramoot pañanap mba iarwara mba eacrenanna, wanaiñ. An ramoot pañanna nuoca ndo iarwara mana aetap eacrañnandet.

<sup>36</sup> Aina moca Nuoca nenmo moca ne tuombta aiñir kamndera eac ngocorta meikramtair taru te, ne tuombta aiñir kamndera eac ngocorta meikramtair koind teacnandet.

<sup>37</sup> “Na aku lamñirena, ne Abraamna wiwitnan. Na aukna kamma ma nena iroar inkara mba eacreke. Aintik ne aukmo mo menacna morena.

---

**8:32** Ro 6.14, na 6.18, na 6.22, na 8.2, na Ie 1.25    **8:33** Mt 3.9, na Lk 3.8    **8:34** Ro 6.16, na 6.20, na 2 Pi 2.19    **8:36** Ro 8.2, na Gal 5.1    **8:37** In 5.38, na 7.19, na 8.40

<sup>38</sup> Aında moca aku ndona Aetta aukmo wandacrina reikta kamb toprena. Na nena aetta nenmo neanrina tipembta kirarira ne anna ranğaica morena.”

<sup>39</sup> Karica Iudanangepca Iesusna kam mbaraca mina mana kammo gaimda rutica mbopatna, “Aina nicar ngamrirta aetta Abraam.” Ri, Iesusna minmo gaimopatna, “Ne Abraamna nicar ngamrir te, ne Abraamma morina tipembta kirarira ne anna ranğainandet.

<sup>40</sup> Na aku Raraņ Aetaniac ndambuņa kamb gidkar aku waracrinanna, anna nenmo an wi-witirena. Na mandeaca ne aukmo mo men-acna mamoreke. Na ainta tipna kirara anna Abraamna tipna kirara wanaiņ.

<sup>41</sup> Aında moca ne ndorita aetna tipna kirara ranğaica morena.” Ri, mina manmo gaimopatna, “Aina amera meacramootna kaņtertaapna tip kirara mba moca aimo mba mirrinan. Wanaiņ. Aia Aet kabe niņgikap, na ma Raraņ Aetaniac.”

<sup>42</sup> Karica Iesusna minmo gaimopatna, “Na anna gidik ecte, Raraņ Aetaniaca ma nena Aet, te, ne aukmo matņinandet, aind aku Raraņ Aetaniacap eaca kiprina. Na aku ndona nikinik iro mbuņa mba kipri. Wanaiņ. Raraņ Aetaniaca ndo aukmo mandaca aku kiprina.

<sup>43</sup> “Na kaina moca ne aukna kambmo matau garac ngocor? Na mana minija ma gaimd. Ne aukna kambmo waracna toawanaiņ.

---

**8:38** In 3.32, na 5.19, na 5.30    **8:39** Mt 3.9, na Ro 2.28, na Gal 3.7, na 3.29    **8:40** In 8.26, na 8.37    **8:41** TW 32.6, na Ais 63.16, na 64.8    **8:42** In 16.28, na 1 Io 5.1    **8:43** In 7.17, na Ro 8.7

44 Na ne Paparuna Ramootna mombonik, na ma nena aet. Na ne mana tojtonja rangaina gagrarenan. Na atua ma meikramtaira mo menacna ramoot ndeacri. Aintik ma an tip kirar gidikca mba rangairenan, aind an tip kirar gidikca manmo mba eacrenanna. Na ma paparuna kamb toprena ramoot, na ma paparuna tipna kirarna kam ndoprena aet ngoin.

45 Na aku kamb gidkara wiwitirena, na ne aukna kambca mba ripacrenanna.

46 Na ne gaine ndamñirena, aku tip ngoreacna makukca more ki? Na ne aind ndamñi te, ne aukna tip ngoreacna makukmo wandac mbe. Na aku kam gidikca wiwit te, kaica ne aukna kammo ripac ngocor?

47 Na Rarañ Aetaniacna mombonikca mina mana kambmo muruñ waracrena. Na ne Rarañ Aetaniacna mombonikca wanaiñ, aind moca ne mana kambca mba waracrenanna.”

*Iesusa aindopatna Abraamma laru ngocor ndeacri aku ndo aind ndeacrena*

48 Karica Iudanañgepca Iesusna kammo gaine rutica gaineopatna, “Aia aindoprina, u Samariana ramoot, na ñeroñ ngoreac ianna unap eacrenan, na anna gidik ki?”

49 Ri, Iesusa mina kammo gaine rutirina, “Wanaiñ. Ñeroñ ngoreac ianna aukap eac ngocor. Na aku ndona Aetna i niñgikca anñia ngeprenna, na ne aukna imo anñia irikrena.

---

**8:44** Mt 13.38, na 1 Io 3.8, na Iu 1.6    **8:46** 2 Ko 5.21, na 1 Pi 2.22, na 1 Io 3.5    **8:47** In 10.26-27, na 18.37, na 1 Io 4.6    **8:48** Mk 3.21-22, na In 7.20

50 Na aku ndona imo mba aŋgica ŋgeprenanna, Ramoot ianna aukna i aniacmo aŋgia ŋgepatnanna ma eacrena, na ma ritri waparaca morena ramoot.

51 Na aku nemo gidik, gidik ŋgoinna aindopnandet, ramoot ianna aukna kamma raŋgai te, ma mba menacitndai. Wanaiŋ ŋgoin.”

52 Ri, an Iudanaŋgepca Iesusmo aindoprina, “Mandeaca aia malamjica, u ŋeroŋ ŋgoreacap eacrena. Na Abraamapa rambca morina ramtaira menaca mamairi. Na u gaindoprina, ‘Ramootta una kammo matau raŋgai te, ma mba menacitndai.’

53 Kaica? U aina muruŋna ŋgamair Abraammo tamuŋmbai ki? Na ma mamenacri. Na rambca morina ramtair toco mina mamenacri. Na u ndomo mandai ŋgoin ndopca?”

54 Ri, Iesusa mina kammo gainda rutirina, “Aku ndona i aniacmo aŋgi ŋgep te, aukna i aniaca anna reac wanaiŋ. Aind aukna Aetta ma aukna i aniacmo aŋgia ŋgeprina. Na ne gaindoprena, ma nena Raraŋ Aetaniac.

55 Na ne manmo mba mataua lamjirenanna. Na aku ndo manmo lamjirena. Na aku aindop te, ‘Aku manmo mba lamjireke,’ te, aku nen toca paparuna ramoot ndarunandet. Na aku manmo lamjirina, na mana kammo aku matau ŋgoinna raŋgairina.

56 “Na an minna nena ŋgamair Abraam, ma

---

**8:50** In 5.41, na 7.18    **8:51** In 5.24, na 6.40, na 6.47, na 11.26

**8:52** Sek 1.5, na Ib 11.13    **8:53** In 4.12    **8:55** In 7.28-29    **8:56**  
Lk 10.24, na Ib 11.13



aukna rana watna iroap, na ma ton-ton ɲgoin. Na an ramo ma watrinan, aintik ma nikinik iroa laɲ ɲgoin ndeacrena.”

<sup>57</sup> Karica Iudanangepeca an kam mbaraca mina Iesusmo aindoprina, “Una iarira 50na minna mba anɲiatke, na titoca tikri, u Abraammo watatna?”

<sup>58</sup> Na Iesusa minmo gaindopatna, “Aku nemo gidik, gidik ɲgoinna aindopnandet, an minna Abraamma laru ɲgocor, Aku Ndo, Aku Aind Ndeacraɲnandet.”

<sup>59</sup> Ri, mina watur anɲica manmo an mbuɲa riɲna mamori. Na Iesusa inɲoroca ma Raraɲ Aetaniacna Kacna wuoc tikcarica ma raek malaruri.

## 9

### *Lamniac ɲgoreacna ramootna ninini*

<sup>1</sup> Karica Iesusa taɲrinan mbuɲa, ma lamniacniɲa ɲgocrairina ramoot ianna watrina. Na mana aemma manmo mirrinanna, ma lamniac ɲgoreac ndaruca aind ndeacrina.

<sup>2</sup> Na mana iɲa ranɲairena ramtaira manmo digica gaindopatna, “Riripti, mandaia tip ɲgoreacna makukca moca aemma mana mirri, ma lamniac ɲgoreac ndarurina? An ramootta ndo tip ɲgoreacna makukca mori ki, co mana aemaeta ndo tip ɲgoreacna makukca mori?”

<sup>3</sup> Ri, Iesusa mina kammo ainda rutica aindopatna, “Gan ramootta ma tip ɲgoreacna

---

**8:58** Ais 43.13, na In 1.1, na Kol 1.17, na KIEK 1.8    **8:59** In 10.31

**9:2** NA 20.5, na Esi 18.20, na Lk 13.2-4    **9:3** In 11.4

makukca mba mori, na mana aemaet toco tip ngoreacna makukca mba mori. Wanaij. Na gan reaca larurinanna, te, meikramtaira an ramootmo laruekna reacmo watnandet. Te, Raraŋ Aetaniacna aiŋa minmo raekca laruca mina watna.

<sup>4</sup> Na mandeaca anna memetacna min, na aia Raraŋ Aetaniacna aiŋa moraŋ, ma aukmo mbagirica aku kiprinan. Na neaupa kipnandet, te, meikramtaira aiŋ ianna mba moitndai.

<sup>5</sup> Na an minna aku gan tiacarpaik ndeacrenanna, aku ndo gan tiacarpaikna memetac.”

<sup>6</sup> Karica Iesusa aindopacarica ma pitrikmo taber iuca. Ri, ma an tabermo pitrikap kurica, ma an pitrik aŋgica an lamniac ngoreacna ramootna lamniacniŋmo matikat.

<sup>7</sup> Karica Iesusa manmo gaindopatna, “U taŋca Siloamna rurena au pukca ru.” Na an i Siloam, ma an kamna kirar, “Mina manmo mandaca taŋrinan.” Ri, ma taŋga anna rurina. Na ma nda kipri, ma reikmo mataua watrina.

<sup>8</sup> Na mana kamkabeapa meikramtairmo, ma ngaua minmo kitukndukna rurenanna mina manmo watca ndorimo aindopatna, “Kaica, anna an ramootta ngaua ma meikramtairmo kitukndukna rurenan ki?”

<sup>9</sup> Na ndeida aindoprina, “Ore, an ramoot co.” Na ndeida aindoprina, “Wanaij. Ma man tocna ramoot, na ma ramoot dam.” Ri, an ramootta ma ndo aindoprina, “Ganna auk.”

---

**9:4** In 4.34, na 5.17, na 5.20, na 11.9, na 12.35, na 17.4    **9:5** Mt 5.14, na In 1.5, na 1.9, na 3.19, na 8.12, na 12.35    **9:6** Mk 7.33, na 8.23    **9:7** 2 GRP 5.10

10 Ainda moca mina manmo madigiat, “Tida moca una lamniaca laña mori?”

11 Ri, ma gaimda rutica mboprina, “An ramootta mina manmo Iesus ngacrenan, ma ndo pitrikapa pukap kurica aukna lamniacniña tikrinan. Na ma aukmo aindopatna, ‘U Siloamna rurena au pukca tañca anna ru.’ Ainda moca aku anna tañca ruri, aukna lamniacniña laña moca, aku reikmo mataua watrenan.”

12 Ri, mina manmo gaimda rutica aindopatna, “Na an ramootta ten ndeacrenan?” Ri, ma aindopatna, “Aku mba lamñireke.”

13 Karica mina an ramootmo anña Parisiar tambun matangat.

14 Na an ra Iesusa pitrikmo kuririnanna, anna Wiktitikna Ra.

15 Ainda moca Parisiara manmo mac digica, “Una lamniaca titoca moca ma lañ ndaruri?” Ri, ma minmo gaindopatna, “Ma aukna lamniacmo pitrik kurica tikca aku ruca aku reikmo mataua mawatreke.”

16 Ri, Parisiar ndeida aindopatna, “Na aia lamñirenan, Rarañ Aetaniaca an ramootmo mba mbagirica kipri, ma Wiktitikna Rana tipmo mba ranğairena.” Na ndeida gaindopri, “Kaica ramootta tip ngoreacna makukapnanna, ainta ngagatraca morenan?” Ri, mina titoca tumbun mbuniñ ndaruatna.

17 Ainda moca mina an ramootta ngaua ma lamniacniña ngocraica eacrenanmo mac digiat,

“An ramootta una lamniacniņmo mo laņa morinanna, u manmo mandai ndamņirina?” Na ma mina kammo rutica aindopatna, “Ma ramma morena ramoot ian.”

<sup>18</sup> Na anna gidik, ņgaua gan ramootta ma lamniac ņgoreac, na mandeaca mana lamniacniņa laņa morina. Na Iudanangepca anna ripacna karirinan. Ri, mina an ramootta lamniacniņa laņa morina aemaetmo aca kipri.

<sup>19</sup> Ainda moca maniņa kipri, mina maniņmo gaimda digirinan, “Ganna oņna nuoc ki? Na aemma manmo mirri, ma aintan ndeacri ki? Na kaica ma mandeaca watrenan?”

<sup>20</sup> Karica mana aemaeta gaindopatna, “Aņga lamņirena, anna aņna nuoc. Na mana aemma manmo mirrinanna, na ma lamniac ņgoreac ndeacri, an toco aņga lamņirinan.

<sup>21</sup> Na mandeaca mana lamniacniņa laņa morinanna, anna aņga mba lamņiri. Ne manmo digi, ma ramoot aniaca mori. Na ma ndona kam ndopi larunandet.”

<sup>22</sup> Na an kidrikca aemaeta Iudanangepna nanambica an kam ndoprina. An Iudanangepca mina kam leaca gaindopatna, ramoot ianna aindop te, Iesusa an ramootta Raraņ Aetaniaca babuca mbagirica kipca aimo mac nda aņgina ramoot, aindop te, mina manmo mba wattacarca mina Iudananta mimitpac aņgirena kaca mba mbukca mbendeitndai.

<sup>23</sup> Ainda moca an miniņna moca an ramootna aemaeta gaindopri, “Ma ramoot aniaca mori, ne manmo digi.”

<sup>24</sup> Karica mina an lamniacniņ ņgocrairina ramoot mac aca kipca. Mina manmo aindopatna, “U Raraņ Aetaniacna i aniacmo aņgi ņgepca kammo leaca moi gagraca u kam gidik ndop. Na aia lamņirenan, an ramootta u mboprenan, anna ma tip ņgoreacna makukca morena ramoot.”

<sup>25</sup> Ri, ma mina kambmo gaimda rutirinan, “Ma tip ņgoreacna makukca morena ramoot, co wanaiņ, anna aku mba garacri. Na reac kabe niņgikca aku lamņirenan. Na ņgaua aku lamniac ņgoreac ndeacrina, na mandeaca aku watrena.”

<sup>26</sup> Ri, mina manmo gaimd mac digica, “Ma unmo tida mori? Na una lamniacniņmo ma titoca moca laņa mori?”

<sup>27</sup> Karica ma mina kammo gaimda rutica aindopatna, “Aku nenmo mbopatke, ne mba waracri. Na kaina moca ne memetmbaca waracna morenan? Moca ne toco mana iņa raņgairena ramtair taruna more ki?”

<sup>28</sup> Ri, Parisiara an ramootmo gaimda pepereca aindopatna, “U ndo mana iņa raņgairena ramoot, na aia wanaiņ, aia Mosesna iņa raņgairena ramtair.

<sup>29</sup> Na aia lamņirina, Raraņ Aetaniaca ma Mosesmo kam neaņgatnan, na an ramoot, ma ten ndiņa kiprinan, aia mba lamņireke?”

<sup>30</sup> Ainda moca an ramoot, ma ņgaua lamniacniņa ņgocraica eacrenanna, ma mina kambmo gaimda nda rutica aindopatna, “Ne kabena kam ņgoin mambopreke. An ramootta

ma aukna lamniacniŋa moa laŋa morinan, na ne gaindoprenan, ne manmo mba lamŋireke? Na ma ten ndiŋa kiprinan.

<sup>31</sup> Ainda moca aia lamŋirena, Raraŋ Aetaniac, ma tiŋ ŋgoreacna makukca morena ramootna kamma ma mba waracrenan. Na ramoot ianna ma manmo mbendeirenan, na mana toŋtoŋa ranŋairenan, te, Raraŋ Aetaniac, ma mana kammo waracnandet.

<sup>32</sup> Na atuna minna tikca kipca mandeacna minna, ramoot ianna mana aemma manmo miŋca ma lamniac ŋgoreac ndeaca, iŋmbaia ramoot ianna mana lamniacmo laŋa morina nininia kamaid ŋgoin.

<sup>33</sup> Ainda moca Raraŋ Aetaniaca gan ramootmo mbaŋirica ma kip ŋgocor, te, ma reac ianna mba moitndai.”

<sup>34</sup> Ri, Parisiara an kam mbaraca mina mana kammo gaimda rutica aindopatna, “Kaia? Tiŋ ŋgoreacna makukca unmo matau ŋgoinna leacrinan, an minna una aemma unmo miŋca kipca mandeacna min. Na u aimo riptina more ki, a?” Karica mina manmo raekca keca larurina.

*Meikramtaira riŋipaik kocortanna mina lamnik pupuroikta kirar*

<sup>35</sup> Ainda moca Iesusa an ramootmo mina kaekga moca manmo raekca keca larurenanna kam mbaraca ma mana ŋgoreaca taŋri. Karica ma manmo watca ma manmo gaimdopatna, “U Ramootna Nuocmo riŋacre ki, co wanaiŋ?”

---

**9:31** Iop 35.12, na Ŋap 34.15, na 66.18, na ML 15.29, na Ais 1.15, na Ier 11.11, na Mai 3.4, na Sek 7.13    **9:33** In 9.16    **9:34** Ŋap 51.5, na In 9.2    **9:35** Mt 14.33, na 16.16, na Mk 1.1, na 1 Io 5.13

<sup>36</sup> Ri, ma rutica aindopatna, “Ramoot aniac, Ramootna Nuoca mandai? U aukmo mbop te, aku mana ripacnandet.”

<sup>37</sup> Karica Iesusa manmo gaindopatna, “U manmo mawatri, ma ande an ramootta unap mambopreke.”

<sup>38</sup> Ri, an ramootta aindopatna, “Kacoot aku ripacrena.” Karica ma tutupniņ rimbica ma manmo mambendeiat.

<sup>39</sup> Ainda moca Iesusa gaindopatna, “Aku gan tiacarpaikna meikramtairta tipemb kirarimo ritri waparacna kiprinan. Ainda moca lamnik ŋgorikca eacrena ramtair mina watnandet. Te, lamnik lainġa watrenan, mina lamnik ŋgorikca moca pupuroik ndeacnandet.”

<sup>40</sup> Ri, Parisiar ndeida Iesusna kitim ndeacrenanna, mina an kam mbaracri. Ainda moca mina manmo madigiat, “U aimo lamnik ŋgorik pupuroikta ramtair ndopre ki?”

<sup>41</sup> Ri, Iesusa mina kammo gainda rutica aindopatna, “Nena lamnikca ŋgocrai te, ne tipemb ŋgorikta makukara mba moitndai. Na ne gaindoprenan, ‘Aina lamnikca lainġ.’ Aintik nena tipemb ŋgorikta makukara maeacreke.”

## 10

### *Iesusa ma sipsipna bubuocna ramoot laņ*

<sup>1</sup> Karica Iesusa gaind mac mbopatna, “Aku nemo gidik, gidik ŋgoinna aindopnandet, ramootta ma sipsipna wuocna tiņa mba

---

**9:37** In 4.26    **9:39** Mt 13.11-15, na In 3.17, na 5.22, na 8.15-16, na 12.47    **9:40** Mt 15.14, na 23.26, na Ro 2.19    **9:41** In 15.22-24

mbukrenan, ma wuocmo monmbai waŋa werapca mbukrenanna, ainta ramoot ma macmakimna ramoot, na ma kabena ramootna reacmo kam kocora aŋgirena.

<sup>2</sup> Na ramootta tiŋ ndiŋa mbukrenan, anna ma sipsipna bubuoca morena ramoot.

<sup>3</sup> Na tiŋna ŋginaŋa morena ramootta ma an sipsipna ŋginaŋa morena ramootna tiŋ gootrena. Na sipsipara an mina ŋginaŋa morena ramootna kammo warac garacnandet. Na ma mina irembmo kabe, kabe ŋgacrenan, te, ma minmo aŋgica laruna.

<sup>4</sup> Na ma minmo muruŋa aŋgi laru mai te, ma minmo outta taŋraŋnandet. Te, sipsipara mina mana kam mbaraca manmo raŋgaica taŋrena.

<sup>5</sup> Na mina kabena ramootmo mba raŋgairena, na kabena ramootta ac te, mina man narica kipcarinandet. Na mina kabena ramtairta kambca mba waracrenan, wanaiŋ ŋgoin.”

<sup>6</sup> Na Iesusa minmo an kam roora keatke, mina mana keatna kam roorna miniŋa mba garacatke.

<sup>7</sup> Ri, ma minmo gaind mac mbopatna, “Aku nemo gidik, gidik ŋgoinna aindopnandet, aku ndo aku sipsiparta wuocna tiŋ.”

<sup>8</sup> Na aukmo outta muruŋa kipatna ramtaira mina ŋgapir, na reikmo kam kocora aŋgirenan. Na sipsipara mina kambmo mba waracrena.

<sup>9</sup> Na aku ndo aku tiŋ. Na ramoot ianna ma auk ndambuŋa kipca tiŋa mbuk te, Raraŋ Aetaniaca manmo mac nda aŋginandet. Te, ma ŋaia



mbukca, na raekca taŋca, na taŋ kipca amna reac aŋginandet.

<sup>10</sup> “Na macmakimna ramoot, ma reac ianna mona mba kiprenan, wanaiŋ. Ma sipsipar makimna kiprenan, na ma minmo mo menacnanapa mo ŋgocraina kiprina. Na aku kiprinanna, mina iarwarna eteacna wat aŋgina, na iarwarna eteacna watta minmo minna tikna.

<sup>11</sup> Na aku ndo aku sipsipara bubuocna ramoot laŋ. Na sipsiparta bubuocna ramoot laŋ, ma ndona eteacna watmo ndona sipsiparmo otacna moca kecarirena.

<sup>12</sup> Na ramootta kitukndukna aiŋa morenan, na ma sipsiparta bubuoc gidikca wanaiŋ, na ma mina aetta wanaiŋ, na ma raŋna piraŋ kunna wat te, ma sipsiparmo tikcarica kipcarinandet. Te, an raŋna piraŋa ma sipsiparmo wi te, minmo tamtamca ootca mina tamtamca taŋnandet.

<sup>13</sup> Na an ramootta ma ainda moatnanna, ma kituknduk niŋgikna aiŋa morenan. Ainda moca ma sipsiparta moca ma mba kadmairena.

<sup>14</sup> “Na aku ndo aku sipsiparta bubuocna ramoot laŋ. Na aku ndona sipsiparmo lamŋirenan, na mina aukmo lamŋirenan,

<sup>15</sup> na an tipna kirara Aetta aukmo lamŋirena, na auk toco Aetmo lamŋirena. Ainda moca aku ndona eteacna wat auknanmo sipsipar kotacna kecarinandet.

---

**10:11** Ŋap 23.1, na Ais 40.11, na Esi 34.11-23, na In 15.13, na Ib 13.20, na 1 Pi 2.25, na KIEK 7.17    **10:12** Sek 11.16-17, na Up 20.29    **10:14** In 10.27, na 2 Ti 2.19    **10:15** Mt 11.27, na Lk 10.22, na In 15.13, na 1 Io 3.16

<sup>16</sup> Na auk toco kabena sipsiparap, na mina gan wuocnanna wanaiŋ. Na aku an sipsipar motocmo anŋi kipnandet. Te, mina aukna kam mbaracna. Ainda mo te, sipsiparta tumbun kabe niŋgik, na min bubuocna ramootta kabe niŋgik.

<sup>17</sup> Na an kamna miniŋa gaind, Aetta ma aukmo mamatŋi ŋgoin, aku ndona eteacna watnanmo kecariri, na aku mac nda anŋinandet.

<sup>18</sup> Ainda moca ramoot ianna aukna eteacna watmo mo maina minna wanaiŋ, wanaiŋ ŋgoin. Aukna tonŋon mbuŋa aku ndona eteacna watmo kecarinandet. Na aku ndona eteacna wat kecarina gargarap, na aku ndona eteacna wat mac nda anŋina gargarap. Na aukna Aetta aukmo ainda mona mboprina.”

<sup>19</sup> Ri, Iudanangepca an kamb mbaraca mina tumbun mbuniŋa titacatna.

<sup>20</sup> Ainda moca mina witta gaindopatna, “Neronŋ ŋgoreaca manap eacrenan, na ma ŋaŋaŋaorenan. Na kaina moca ne kour tikca mana kambmo waracrenan?”

<sup>21</sup> Na ndeida gaindopatna, “Anna ŋeronapna ramootna kambca wanaiŋ. Na ŋeronŋ ŋgoreaca lamniac ŋgoreacna ramootta moi laŋa mona min ki, a?”

*Iudanangepca                      Iesusmo                      ndorita*  
*punŋdamootta moatna*

---

**10:16** Ais 56.8, na Esi 34.23, na 37.22-24, na In 11.52, na Epe 2.14, na 1 Pi 2.25    **10:17** Ais 53.7-8, na 53.12, na Pil 2.8-9, na Ib 2.9

**10:18** In 2.19, na 5.26, na 6.38, na 14.31, na 19.11, na Up 2.24, na 2.32    **10:19** In 7.43    **10:20** In 7.20, na 8.48, na 8.52    **10:21** Ŋap 94.9, na 146.8, na In 9.6-7, na 9.32-33

22 Na an minna Raraŋ Aetaniacna mbembendeiana ra aniacna Ierusalemna larurinan. Na anna mina atua Raraŋ Aetaniacna Kacmo mana para tikna moca mina an ramo larapacatna. Na an minna anna tik gagagau aniacna min.

23 Ainda moca Iesusa ma Raraŋ Aetaniacna Kacna wuoc roumbna inikna Solomonna morina wacraetna inikca taŋrena.

24 Ri, Iudanangepca kipca manmo paria mina manmo, gaindopatna, “Tumbuitta tikca u aimo mbop garacna, u mandai ŋgoin? Na u an ramootta Raraŋ Aetaniacna babuca mbagirica kipca aimo mac nda aŋgina ramoot ecte, u aimo mbop garacna.”

25 Karica Iesusa mina kambmo gaimda nda rutica aindopatna, “Aku nenmo mbopatke, ne mba ripacri. Na aiŋira aku ndona Aetna i mbuŋa morinanna, anna nenmo wandacrina, aku mandai ŋgoin.

26 Na ne aukna sipsiparta tumbunna wanaiŋ tik, ainda moca ne mba ripacrena.”

27 Na aukna sipsipara mina aukna kambca waracrenan, na aku minmo lamŋirena, na mina aukmo raŋgairana.

28 Na aku minmo iarwar ndeacrena wat neaŋca, mina mba topitndai. Wanaiŋ ŋgoin. Na ramoot ianna minmo aukna para mba tikca aŋgiitndai.

29 Aukna Aetta minmo aukmo neaŋgatna. Na

---

**10:23** Up 3.11, na 5.12    **10:24** Lk 22.67    **10:25** In 3.2, na 4.26, na 5.36, na 10.38    **10:26** In 6.64, na 8.45-47, na 1 Io 4.6  
**10:27** In 8.47, na 10.3-4, na 10.14    **10:28** In 3.16, na 6.37-39, na 17.11-12, na 18.9    **10:29** In 14.28, na 17.2, na 17.6

ma tamuŋ ŋgoin, na reikmo ma muruŋa kunda tamuŋ, tamuŋ ŋgoin. Ainda moca ramoot ianna minmo mana para tikca aŋgina minna wanaiŋ.

<sup>30</sup> Na aukapa Aetta aŋga kabe niŋgik.

<sup>31</sup> Ri, Iudanangepca an kambca waraca mina watur mac aŋgica mana riŋ menacna mori.

<sup>32</sup> Karica Iesusa minmo gaindopatna, “Aku nenmo Aetna aiŋir laiŋga wandacatna. Na ne an aiŋirmo titocnanmo tit ndamŋica aukmo watur puŋga riŋ menacna morena?”

<sup>33</sup> Ri, Iudanangepca mana kambmo gaimda rutica aindopatna, “Aia aiŋ laŋ ianna mba lamŋica unmo watur puŋga riŋ menacna mori, wanaiŋ. U ndomo Raraŋ Aetaniacna taup aŋgina more tik, anna miniŋna moca aia unmo watur puŋga riŋ menacna morena. Na u ramoot wanaiŋ niŋgik, na u ndomo Raraŋ Aetaniac ndoprenan.”

<sup>34</sup> Karica Iesusa mina kambmo gaimda rutirinan, “Na nena Tiŋ Wandikca Raraŋ Aetaniacna kam ianna gaidoprenan, ‘Aku aindoprina, “Ne toco ne Raraŋ Aetaniac.” ’

<sup>35</sup> Na atua Raraŋ Aetaniaca meikramtairmo an kamma wiwitiatnan, na ma aindopatna mina Raraŋ Aetaniac. Na kamma Raraŋ Aetaniacna Timbigta Kap ndeacrena kambca mba ŋgetrikirena.

<sup>36</sup> Na aukmo Aetta ndo larapacrinan, na ma aukmo mandaca aku gan tiacarpaikca kiprinan.

---

**10:30** In 17.11, na 17.22    **10:31** In 8.59    **10:33** TN 24.16, na Mt 26.65, na In 5.18    **10:34** Nap 82.6    **10:35** Mt 5.18    **10:36** In 3.17, na 5.17-18, na 6.27, na 9.35-37

Ainda moca aku gaindop te, 'Aku Raraŋ Aetaniacna Nuoc.' Kaina moca ne aindopatna, 'U Raraŋ Aetaniacna taup aŋgina morena'?

<sup>37</sup> "Na aku ndona Aetna aiŋira mo ŋgocor te, ne aukna kambmo mba ripacitndai.

<sup>38</sup> Na aku mana aiŋira morenan. Aintik ne aukna kambmo ripacna kari te, ne auk morena aiŋirmo ne ripac. Ainda moca ne iroar landamŋi laiŋmo gainda aŋgina, Aetta aukap eacrenan, na aku Aetap eacrenan."

<sup>39</sup> Na mina manmo mac muoc utiŋna mori, na ma minmo iukaia matanŋat.

<sup>40</sup> Karica Iesusa mac nda tanŋa Iodan ocmo kataca matanŋat. Na ma tanŋa ŋgaua Ionna meikramtairmo kitac pukca nearŋrena taup ndaruca, ma an ndeacri.

<sup>41</sup> Na meikramtair witta man ndambun nakiprina. Na mina gaindopatna, "Gidik, Ionna ma ŋgagatrac ianna mba moca ndona kamma mo gagrana ŋgagatraca mba moatna, wanaiŋ. Na an kambca Ionna gan ramootmo mbopatnanna, anna gidik niŋgik."

<sup>42</sup> Na an minna Iesusa an ndeacri, meikramtair witta manmo ripacatna.

**Iesusa Ierusalemapa Iudia tanŋa  
anna ramtair paŋainda manmo  
mo menacna morina**

## 11

(11—12)

*Lasarusu ma menacrina*

<sup>1</sup> Na ramoot ianna ma roumbapnan, na mana ia Lasarus, na ma Betani auņnan. Na Betani auņa anna Mariaapa mana lacainameac Matana auņ.

<sup>2</sup> Na an Maria ma Kacootna ormo tabair ruņkica ndikrina meac, na ma ndona paņanna lakoar puņga muririna. Na Lasarus, ma an ramootta roumbapna ramoot, na ma an meacniņna ndaņ.

<sup>3</sup> Ri, an meacniņa Iesusmo kam neaņga taņga aindopatna, "Kacoot, an ramootta u matņirenanna, ma roumbap."

<sup>4</sup> Na Iesusa anna waraca ma gaindopatna, "An roumbca anna ramootta menacna roumbca wanaiņ. Anna ma meikramtairmo moca mina Raraņ Aetaniacna gargara watca manmo i aniac neaņna. Na an taup mbuņa Raraņ Aetaniacna Nuoc toco, ma i aniac aņģinandet."

<sup>5</sup> Na Iesusa ma Lasarusapa mana mbiniņmo mamatņi aniacap.

<sup>6</sup> Na an min mbuņa, ma Lasarusna roumbna kam mbaracatnanna, ma an auņa ma eacrinanmo ma kabena ra mbuniņ mac eacatna.

<sup>7</sup> Karica iņmbaia ma ndona iņa raņģairena ramtairmo gaindopatna, "Aia Iudiana pitrik waņga nda taņna."

<sup>8</sup> Ri, mana iņa raņģairena ramtaira gaindopatna, "Riripti, rocotta wanaiņa ludanaņģepca unmo watur puņga riņ menacna morina. Na u an mac taņna more ki?"

<sup>9</sup> Na Iesusa mina kambmo gaimda rutirina, “Ra ma ŋaŋarmuŋa tikca taŋi ra wigwac te, ma memetacp. Na u mandaia an kidrik mbuŋa taŋ te, una ora mba aoclataca irikitndait. Na anna ma gan tiacarpaikna memetac mbuŋa watca taŋrenan.

<sup>10</sup> Na ramootta mouŋa taŋ te, ma irikrenan, an kidrikca ma memetaca metac watna tac ŋgocor.”

<sup>11</sup> Na ma aindopca maica, iŋmbaia ma gaimd mac mbopatna, “Aina aikndamoot Lasarusu ma ŋgorena. Na aku taŋca manmo, mo ŋgepnandet.”

<sup>12</sup> Ri, mana iŋa raŋgairina ramtaira an kam mbaraca mina gaimdopatna, “Kacoot, ma ŋgo te, mana roumbca laŋa moca ma laŋa monande.”

<sup>13</sup> Na mina gaimd ndamŋirena Iesusa Lasarusmo ŋgogo niŋgikna kam ndoprina. Na an kidrikca mina mba garacri, Iesusa aindoprina, Lasarusu menacrinan.

<sup>14</sup> Aina moca Iesusa mandeaca minmo mbopca waracrina, na ma gaimdopatna, “Lasarusu ma mamenacri.

<sup>15</sup> Na aku toŋgorinanna aku an kidrikca manapa mba eacri. Anna aku nena moca lamŋirina. Na anna ndo nenmo moca ne riŋpacnandet. Aintik mandeaca aia man ndambuŋa taŋnandet.”

<sup>16</sup> Na Iesusa aindopca maicatke, Tomas mana i ianna Didimus, ma ndo, Iesusna iŋa raŋgairina ramtairmo gaimdopatna, “Aria, aia muruŋa taŋca Iesusap Iudia tikca manap menacna.”

*Aku ndo meikramtaira menacrinanna mac mo  
ngengepna gargarap*

<sup>17</sup> Karica Iesusapa mana iña rangairena ramtaira tanğa Betani auņmo rambuņairi, ma aında waracrina, mina Lasarusmo mutoca muk inik ndeaca raia paur mamoať.

<sup>18</sup> Na Betani auņa ma Ierusalem auņ aniacmo tawan ŋgoinna wanaiņ.

<sup>19</sup> Aında moca Iudanangepta meikramtair witta kipca Mataapa Maria mbanıņap eacrina, te, maniņa iro wetwet angica ndoniņa ndaņa moca mba kadmaiitndai.

<sup>20</sup> Ri, Mata ma waracrinanna, Iesusa taup ndiņ nakıpri, aintik ma ndona lapnameac Mariamo tikcarica ma taup ndiņa tanğa manmo ndauprikina.

<sup>21</sup> Karica ma manmo gaidopatna, “Kacoot u gan ndeac co, aukna ndaņa mba menac mbe.

<sup>22</sup> Na mandeac aku malamņiri, u Raraņ Aetaniacmo, reac ianna mbendei te, ma unmo neaņnandet.”

<sup>23</sup> Ri, Iesusa manmo gaidopatna, “Una ndaņa ma mac ŋgepnandet.”

<sup>24</sup> Na Mata manmo aindopatna, “Aku lamņirena, ma gan tiacarpaikna mamaina ra ma mac ŋgepnande, na an minna gan tiacarpaikna meikramtaira muruņa mac ŋgepnandet.”

<sup>25</sup> Aında moca ma manmo gaidoprina, “Mac nda ŋgengepca aku ndo. Na eteacna watta aku ndo. Na mandaia aukmo ripac te, na ma menac te, ma eacraņnandet.



<sup>26</sup> Na meikramtaira muruŋa menac ŋgocora, aukmo ripacrenan, mina mba menacitndai. Mina iarwar ndeacraŋnandet. Na u anna ripacri ki, co wanaiŋ?”

<sup>27</sup> Ri, Mata Iesusmo gaindopatna, “Ore Kacoot. Aku ripacrina, u Raraŋ Aetaniacna Nuoc. Na u an ramootta Raraŋ Aetaniaca babuca mbagirica kipca aimo mac nda aŋgina ramoot.”

*Ijesusa Lasarusna kadmaica ma aerina*

<sup>28</sup> Na Mata aindopacarica ma taŋca ndona lapnameac Mariana maacat. Ri, ma mana koarmo laŋanna gaindopatna, “Ririptia kipca maeacreke, na ma una moca digirena.”

<sup>29</sup> Ainda moca Maria an kam mbaraca ma tawi ŋgoiŋ naŋgepca Iesus mbatna mataŋgat.

<sup>30</sup> Na Ijesusa ma auŋmo mba larureke. Ma an taupca Mata manmo watrinanna, ma an ndeacrena.

<sup>31</sup> Na an Iudanangepca Mariaap kadmaica eacrenan, mina watrinanna, ma ŋgepca tawi ŋgoinna kac tikcarica laruri, mitoco ŋgepca laruca maraŋgaiat. Na mina gaind ndamŋirina, moca ma taŋca mukca tikca ae nari.

<sup>32</sup> Ainda moca Maria ma taŋca Iesus eacrena taup ndaruca, ma manmo watca, mana kitimma ma ndona tutupniŋmo rimbitcha manmo gaindopatna, “Kacoot, u gan ndeac co, aukna ndaŋa ma mba menac mbe.”

<sup>33</sup> Ri, Ijesusa wattatnanna Mariaapa Iudana meikramtaira aerena, na ma kakadmai ŋgoiŋ mamoot.

---

**11:26** In 8.51

**11:27** Mt 16.16, na In 4.42, na 6.14, na 6.69

**11:29** In 11.20

**11:32** In 11.21

<sup>34</sup> Na ma mimo madigmat, “Wairmo ne tenna mutocrina?” Ri, mina manmo nda rutica gaindopatna, “Kacoot, u kipca ndo wat.”

<sup>35</sup> Ri, Iesusa anduna maeat.

<sup>36</sup> Na Iudana meikramtaira aindopatna, “Ne wat, ma Lasarusna tonjon aniac ngoin tik ma aarena.”

<sup>37</sup> Na mina ndeida aindopatna, “Ma lamnik ngorikmo, moa laņa morenan, na kaica ma Lasarusmo otac ngocor?”

*Iesusa Lasarusmo mac moa ngepatna*

<sup>38</sup> Na Iesusa ma kakadmai aniacap maeacreke. Ainda moca ma muk ndambuņa tanrina, na an mukca mina wautmo aua iaca waut aniac mbuņa mana tiņmo mboracrena.

<sup>39</sup> Karica ma ramtairmo mbopca, mina wautmo rukica tan te, tiņa gootna. Ri, Mata gaindopatna, “Kacoot, u lamņirena Lasarusna ma menaca raia paur mamoa, na waira ma inpairapacnandet.”

<sup>40</sup> Ri, ma minmo aindopatna, “Aku nenmo mboprinan, ne ripac te, ne Raraņ Aetaniacna gargarapa i aniacmo watnandet.”

<sup>41</sup> Ainda moca mina wautmo rukica tanņa roumbmbaia tikri, Iesusa tamuņa auņa raia watca ma mambendeiat, na ma aindopatna, “Ate, aku unmo tonjon ngoin, u aukna mbembendeimo mawaracri.

<sup>42</sup> Na aku lamņirena, u memetmbaca aukna mbembendeiarma, u waracrena. Na aku aindop

---

**11:35** Lk 19.41  
11.4, na 11.23-26

**11:37** In 9.6  
**11:42** In 12.30

**11:38** Mt 27.60

**11:40** In

te, gan meikramtaira ripacnandet, u aukmo mbagirica aku kiprina.”

<sup>43</sup> Karica ma mbendeia maiatke, ma kam keca gaindopatna, “Lasarus, u laru!”

<sup>44</sup> Na an menacrina ramootta malaruat. Na mana orapa para mina raranjit budir punga tamairina, na mana inpañan tocmo raranjit mbuñta tamairina. Karica Iesusa meikramtairmo gaindopatna, “Mana tikna raranjitmo piarca ma taña.”

*Ramtair pañainda Iesusmo mo menacna kamb leacatna*

*(Matiu 26.1-5 na Mak 14.1-2 na Luk 22.1-2)*

<sup>45</sup> Ainda moca an Iudanangepta ramtair wit aniac Mariaap kipca kakadmaica morinanna, mina an reaca Iesusa moatnanna watca mina manmo maripacat.

<sup>46</sup> Ri, mina ndeida ngepca tañca Parisiarmo an man morina reacna kam ndoprina.

<sup>47</sup> Ainda moca taup ndamtair pañaindapa Parisiara mina ninik wañgorta ramtairmo aca kipca mina minmo gaindoprina, “Aia tida moit? Gan ramootta ma ngagatrac wit aniac morenan.

<sup>48</sup> Na aia manmo wattacarica ma an tip kirara morañ te, meikramtaira muruñcaminña manmo ripacnandet. Te, Romnangepca kipca aina Rarañ Aetaniacna Kacapa aina barna wiwitna meikramtairmo, mo topnande.”

<sup>49</sup> Na mina rikna ramoot ianna mana ia Kaiapas, na an minna ma taup ndamoot pañan aniac

ndeacri, na ma minmo gaindopatna, “Ne iroar kocor koind ki?

<sup>50</sup> Aintik nen opotacna iro landamɲiap kocor ki? Na anna laɲ, ramoot kabea ndo meikramtair witna taup aɲɣica menac te, aina barna wiwitna meikramtaira mba topitndait.”

<sup>51</sup> Na Kaiapas ma ndona iro mbuɲa an kambmo mba moatke, wanaiɲ. An minna ma taup ndamoot paɲan aniac ndeacri, ma an rambna kambmo moca Iesusa menac te, Iudanangepta meikramtairmo otacna.

<sup>52</sup> Ainda moca Iesusa menacatnanna, ma Iudanangepta meikramtair tingikmo mba otacnanna. Wanaiɲ. Ma menacrinanna, ma Raraɲ Aetaniacna mombonikca tamtam ndeacrenanmo, aɲɣica tumbunna tikca mina wiwit kabe ndarunan.

<sup>53</sup> Ri, an ra ɲgoin mbuɲa, ramtair paɲainda kamb leaca taupembta koreca, manmo mo menacna.

<sup>54</sup> Ainda moca Iesusa Iudanangepta raekmo mba mac larua taɲri. Aintik ma an auɲ tikcarica ma meikramtair kocorta taupna auɲ ianna mana ia Epiraim matanɲat, na ma ndona iɲa raɲgairena ramtairap, an ndeacrina.

<sup>55</sup> Na an Pasowana Ra ma kɣpca marambuɲairi. Ainda moca auɲembta meikramtaira Ierusalem auɲ aniaca taɲca ndorimo Raraɲ Aetaniacna lamniac ɲgoutmo, mo ratna moca matanɲat.

---

**11:50** In 18.14    **11:51** RL 50.20    **11:52** Ais 49.6, na In 10.16, na 17.21, na Epe 2.14-17, na 1 Io 2.2    **11:53** In 5.18    **11:54** 2 Nin 13.19, na In 4.1-4, na 7.1    **11:55** 2 Nin 30.17, na In 2.13, na 5.1, na 6.4, na Up 21.26

<sup>56</sup> Ri, mina Iesusna ŋgorerina. Na mina Raraŋ Aetaniacna Kacna wuocna inikca witikca ndorita rikmo aindoprina, “Ne tit ndamŋire? Ma an mbembendeina ra aniacna watna kipit ki, co wanaiŋ?”

<sup>57</sup> Na taup ndamtair paŋaindapa Parisiara mina meikramtairmo mambopat, mandaia lamŋi te, Iesusa ten ndeac te, ma minmo kam landamŋi neaŋ te, mina manmo utiŋa kac ŋgoreaca tiknandet.

## 12

### *Maria ma Iesusna ormo tabair ndikatna (Matiu 26.6-13 na Mak 14.3-9)*

<sup>1</sup> Ri, Pasowana Rana rai parmbaiapa mbut kabe niŋgikca maeacreke. Ri, Iesusa Betani auŋa mac taŋgatna. Na Betani auŋa anna Lasarusna auŋ, na an ramootmo Iesusa muk ndiŋa moa ŋgeprinan.

<sup>2</sup> Na mina Iesusap mbibiracna amtiamna amna reacmo anna morinan. Ri, Mata ma amna reacmo amta reikta tuongoura riŋrena, na Lasarus ma Iesusap ambrina ramtairap mbiraca eacri.

<sup>3</sup> Karica Maria ma kituknduk aniacna tabaira kilo kabena minmo aŋgica kipca Iesusna ormo ndikrina, na ma ndona paŋanna lakoar puŋga moca magagracat. Ri, an iŋpai laŋa an kac inikmo kocnaia wiŋga kitacrina.

4 Na mana iŋa ranġairena ramoot ianna mana ia Iudas Iskariot, ma iŋmbaia Iesusmo puŋnaŋgepta para tiknandet, ma gaindopatna,

5 “Kaina moca an meaca an tabairmo wanaiŋa ruŋkire, aia an tabairmo mbik tik te, ramtaira 300na silwana kitukndukna min mbuŋa oik te, aia an kitukndukca aŋgica meikramtair ndaekpembca neaŋna min?”

6 Na Iudasa ma meikramtair ndaekpembta mba lamŋirena, wanaiŋ. Ma kituknduk makimrena ramoot. Na ma Iesusna iŋa ranġairena ramtairta kitukndukca bubuocrena ramoot, na mina manmo kituknduk neaŋ te, ma ndeidmo makimrenan.

7 Karica Iesusa an kam mbaraca ma gaindoprina, “An meacmo watcari. Ma an tabirmo ndikrinanna, aku anap eaci taŋca menaca mina aukmo mutocnandet.

8 Na meikramtair ndaekpembca mina nenapa memetmbaca eacraŋnandet. Na aku nenapa mba memetmbaca eacitndai.”

### *Taup ndamtaira Lasarusmo mo menacna kam leacrina*

9 Na Iudanangepta meikramtair wiŋ aniacna mina lamŋirena, Iesusa Betani auŋ ndeacrenan, aintik mina man ndambuŋa kipurina. Na mina man niŋgikca watna mba kipurina, wanaiŋ. Mina lamŋirina, ŋgaua Iesusa Lasarusmo muk ndiŋa moca ŋgepatnanna, mitoco Lasarusna watna kipurina.

<sup>10</sup> Ainda moca taup ndamtair pañainda kamb leaca Lasarus motocmo mo menacna,

<sup>11</sup> na an kidrikca Iudanangep wit aniaca Iesusa Lasarusmo moatna reac an mbatca, mina taup ndamtair pañaindmo tikcarica mina Iesusmo maripacri.

*Iesusa Ierusalem auñ aniacmo gagirta ramoot pañan toca mbukatna*

*(Matiu 21.1-11 na Mak 11.1-11 na Luk 19.28-40)*

<sup>12</sup> Ainda moca meikramtair wit aniaca Ierusalemma kipca punica mina an mbembendeina ra aniaca watna. Na Iesusa Lasarusna kaca ambrina an rana inmbai mbuñ meikramtaira aind mbaracrinan, Iesusa maica ma Ierusalem auñ aniac ndaruna mamoeck.

<sup>13</sup> Ainda moca mina ik palmenna raprir aŋgica mina tanga manmo taupca ndauprikina matanġat. Na mina kam keca gainda aca aindoprena, "Aia Rarañ Aetaniacmo tonġonġar koin-dap. Ma an ramootmo laña mo, ma Kacootna i mbuñ kiprinan. Na ma Israelna gagirta ramoot pañan."

<sup>14</sup> Ri, Iesusa doŋki ian aŋgica an nambatta mbiracatna. Na anna ma Rarañ Aetaniacna timbigta kapna inik ndeacrena kam tipna kirar,

<sup>15</sup> "Ne Saion auñna meikramtair, ne kai nanambi teac. Ne wat, nena gagirta ramoot pañanna makipek. Ma doŋki ŋgamma mbiraca makipek."

---

**12:11** In 11.45, na 12.18  
In 1.49    **12:15** Sek 9.9

**12:13** Nġap 118.25-26, na Mt 27.42, na

<sup>16</sup> Na an reaca larucepeknanna, mana iŋa rangairena ramtaira an reacna kamna miniŋa mba lamŋirena. Na iŋmbaia Raraŋ Aetaniaca Iesusmo i aniac a neaŋrinan, mina an kambaca Raraŋ Aetaniacna timbigta kap ndeacrina kamma lamŋiatna. Na mina lamŋirina, anna ma Iesus ŋgoinna kamb ndoprina. Na mina iroar mac maanŋiat, an reaca meikramtaira manmo moatnanna.

<sup>17</sup> Na an minna Lasarusa menacri, mina manmo mukca tikca eacrinanna, meikramtair wit aniac a Iesusap eaca mina watrina, ma Lasarusmo aca moa mac ŋgeprinan. Na mandeaca an meikramtaira Iesus moatna reacna kamma wiwitirena.

<sup>18</sup> Ainda moca meikramtaira an ma moatna ŋgagatracna kamma waraca mina taupca tanŋa manmo ndauprikirina.

<sup>19</sup> Ri, Parisiara an mbatca mina ndorita rikca tikca aindopri, “Watwa! An reaca aia mo ndoprinanna, ma mandeaca mba laruitndai. Meikramtaira muruŋcamiŋa tanŋa manmo rangairenan.”

### *Girikna ndeida Iesus mbatna toŋtongarap*

<sup>20</sup> Na an Ierusalemmo Raraŋ Aetaniacna mbe-mbendeina ra aniacna kiprina meikramtairta rikca Girikna ramtair ndeid toco an ndeacrena.

<sup>21</sup> Na an Girikna ramtaira Pilip ndambuŋa tanŋri, na man tikca ma Galilinan, na mana auŋa Betsaida. Ri, mina manmo gaindoprina, “Ramoot aniac, aia Iesusa watna toŋgorina.”

---

**12:16** Lk 18.34, na In 2.22, na 7.39, na 14.26    **12:17** In 11.43-44

**12:19** In 11.48    **12:21** Lk 19.3, na 23.8, na In 1.44



<sup>22</sup> Aında moca ma tanğa Andrumo mambopat. Ri, maniņa tanğa Iesusmo mambopat.

<sup>23</sup> Karica Iesusa maniņna kammo gainda rutica aindopatna, “Ramootna Nuocna ia aniac aņgina kǐdrikca kǐpca marambuņairi.

<sup>24</sup> Na aku nemo gidik, gidik ņgoinna aindopnandet, witna loor ianna pitrikca irikca ņgocrai ņgocor te, ma ndo kabe ningikca eacnandet. Aında moca u manmo mutoc te, ma ņgepca amta reik wit ņgernandet.

<sup>25</sup> Na ramoot ianna ndona eteacna watna tonņon ņgoin, te, ma ndona eteacna watta kecarinandet. Na ramoot ianna ndona eteacna watmo gan tiacarpaikmo iņ neaņ te, ma ndona an iarwarna eteacna watmo memetmbaca utiņa eacraņnandet.

<sup>26</sup> Na ramoot ianna aukna aiņa mo te, ma aukmo raņgainandet. Na an auņ aku eacrenan, aukna aiņa morena ramoot toco, ma aukap eacnandet. Na ramootta aukna aiņa mo te, aukna Aetta manmo i aniaca neaņnandet.”

*Mina Ramootna Nuocmo aņgica ik nakeracnandet*

<sup>27</sup> Karica Iesusa gaind mac mbopatna, “Mandeaca aukna nikinik iroa makuk ņgoin, na aukna iroara tamtam malamņireke. Na aku kai ndopit? Co aku gaindopit ki, ‘Ate u aukmo mandeaca an reac laruna moeknanmo, u mo kecar?’ Wanaiņ. Aku aında mba mbopitndai.

---

**12:23** In 13.31-32, na 17.1    **12:24** 1 Ko 15.36    **12:25** Mt 10.39, na 16.25, na Mk 8.35, na Lk 9.24, na 17.33    **12:26** In 14.3, na 17.24, na 1 Te 4.17    **12:27** ņap 6.3, na 42.5, na Mt 26.38, na Lk 12.50, na 22.53, na In 18.37

An makukna kidrikca ma aukmo larunandet. Na anna minijnna moca aku kiprina.

<sup>28</sup> Aintik Aetta u ndona imo aniacca morinan.” Ri, Iesusa mbopca maica tamuynna auynna kam ianna gaindoprina, “Aku ndona imo aniacca morinan, na aku mac monandet.”

<sup>29</sup> Ainda moca an meikramtaira rambuynna witikca eacrenanna, mina an kammo waracrinan, na mina gaindopatna, “Anna riacna mitmit ki?” Na ndeida gaindopatna, “Mbaiynna aiynna morena neronj ianna manap mboprenan.”

<sup>30</sup> Ri, Iesusa mina kambmo gaimda rutica aindopatna, “An kambca ne mandeacca waracrinanna, ma aukmo mba otacitndai, wanaiyn. Ma nenmo otacnandet.

<sup>31</sup> Na mandeacca Rarayn Aetaniacca gan tiacarpaikna meikramtairta tipemb kirarimo ritri waparaca monandet. Na mandeacca ma gan tiacarpaikna bubuocrena ramoot pañanmo ma mo kecarinandet.

<sup>32</sup> Na mandeacca aku gan tiacarpaikca eacrena, na inmbaia mina aukmo angica ik nakerac te, an minna aku meikramtairmo kocnaia wiynna mina auk ndambuyn nakipnandet.”

<sup>33</sup> Na Iesusa an kam ndoprinanna, ma ndona memenacna tipna kirarna kam ndopca larurina.

<sup>34</sup> Ri, meikramtaira mina mana kammo gaimda rutirina, “Aia Tip Wandikna kamma gaimda

---

**12:28** Mt 3.17    **12:29** Up 23.9    **12:30** In 11.42    **12:31** Mt 12.29, na Lk 10.18, na In 9.39, na 14.30, na 16.11, na Up 26.18, na Epe 2.2    **12:32** In 3.14, na 8.28, na Ro 5.18, na Ib 2.9    **12:33** In 18.32    **12:34** Np 89.4, na 89.36, na 110.4, na Ais 9.7, na 53.8, na Esi 37.25, na Dan 2.44, na 7.14, na Mai 4.7

waracrinan, an minna Raraŋ Aetaniaca babuca mbagirica kipca aimo mac nda aŋgina ramootta kip te, ma iarwara eacraŋnandet. Na tida moca u aindoprina, ‘Mina Ramootna Nuocmo aŋgica ik nakeracnandet’? Na an Ramootna Nuoca ma mandai ngoin?”

<sup>35</sup> Karica Iesusa minmo aindopatna, “Tekem-motemma memetaca nenap eacnandet. Na mandeaca ne memetacap eacrenan, aintik ne memetac mbuŋa taŋraŋ, moca neupa nenmo wiŋ kitac nari. Na ramootta neupa taŋrenan, ma mba lamŋirena, ma tenna taŋrena.

<sup>36</sup> Na mandeaca memetaca nenap maecreke, aintik ne memetacmo ripac te, ne memetacna mombonik tarunandet.”

*Iudanangepta witta Iesusmo ripac ngocor*

Ainda moca Iesusa minap mbopca maica ma min tikcarica ma minmo iŋgoroca taŋrina.

<sup>37</sup> Na mina man morina ngagatrac wit aniacca watca mina manmo mba ripacatke.

<sup>38</sup> Ainda moca ramma morina ramoot Aisiana kambca gidik ngoin malaruat. Na ma gaindopatna, “Kacoot, mandaia aina kambca ripacit? Na Kacootta mandeaca moatna ainta gargar aniacca aiŋa mandaia watrina?”

<sup>39</sup> Na mina Iesusmo mba ripacitndai. Na mana miniŋa Aisaia ma kabena kamma tirca maecreke. Na ma gaindoprina,

---

**12:35** Ier 13.16, na In 1.9, na 7.33, na 8.12, na 11.10, na Epe 5.8, na 1 Io 2.10-11    **12:36** Epe 5.8    **12:37** In 2.11    **12:38** Ais 53.1, na Ro 10.16

<sup>40</sup> “Raraŋ Aetaniaca mina lamnikca moca mina mba wat rapacit, na mina iroarmo moa mb-oracri, moca mina lamnikca reac ianna wat rapac nari, na mina iroar inkara kambta miniŋa lamŋi nari, te, mina nikinik iroar ŋgetrikica auk ndambuŋa kipca aku minmo moi laiŋga monandet.”

<sup>41</sup> Na Aisaia ma Iesusna gargarapa i aniac watca ma Iesusmo an kam ndopatna.

<sup>42</sup> Na anna gidik, ramtair paŋaind witta Iesusmo ripacatnanna. Na mina Parisiarta nanambica mina ndorita ritipaikca raekca mba wandacri. Na mina nanambirinanna, moca Parisiara minmo wandik tikca mina Iudananta mimitpac aŋgirena kacmo mba mbendeitndai.

<sup>43</sup> Na an ramtair paŋainda mina toŋgorinanna, meikramtaira mina iremb anikmo aŋgia ŋgepraŋa. Na mina toŋgorinanna Raraŋ Aetaniaca mina iremb anikmo kai aŋgir ŋgepraŋ teac.

*Na an kambca Iesusa wiwitorinanna, anna meikramtairta morena tipemb kirarimo ritri waparaca monandet*

<sup>44</sup> Na Iesusa kam aniac keca ginda wiwitorica mbopatna, “Ramootta aukmo ripacrenanna, ma auk niŋgikca mba ripacrena, ma aukmo mbagirica kiprina Aet motocmo ma ripacrina.

<sup>45</sup> Na ramootta aukmo watri, ma aukmo mbagirica kiprina Aet motocmo ma watorinan.

---

**12:40** Ais 6.9-10, na Mt 13.15    **12:41** Ais 6.1    **12:42** In 7.48, na 9.22    **12:43** In 5.44    **12:44** Mt 10.40, na Mk 9.37    **12:45** In 14.9

<sup>46</sup> Na aku gan tiacarpaikmo memetac nakirar toco kiprina, te, meikramtaira muruḡa aukmo ripacrenan, mina neupa mba eacitndai.

<sup>47</sup> Na ramoot ianna aukna kambca waraca ma rangai ḡgocor te, aku manmo ritri waparaca mba moit. Na aku kiprinanna, aku gan tiacarpaikna meikramtairta ritri waparacna mona mba kiprina. Wanaiḡ. Aku min mac nda aḡḡi nakiprina.

<sup>48</sup> Na ramootta aukmo iḡ neaḡḡa aukna kambmo mba aḡḡirenan, man mona ritri waparacna ramootap. Na an kambca aku wiwitirinanna, anna ndo an ramootna ritri waparaca moca ma ḡgocrainandet.

<sup>49</sup> Na aku an kambmo ndona iro mbuḡa mba moapeke. Wanaiḡ. Aetta ndo aukmo mbagirica aku kiprinanna, ma ndo aukmo gagraca an kambmo muruḡa mbop larunan, na aku anna monandet, na aku anna wiwitinandet.

<sup>50</sup> Na aku lamḡirena, Aetna kambca ma iarwarna eteacna watmo memetmbaca laḡa moca larurenan. Ainda moca kambca aku muruḡa morenanna, anna Aetta aukmo mboprina kirara aku mboprena.”

## **Iesusa ndona iḡa rangairena ramtairmo gaindopatna, ma min tikcarica ma Aet ndambuḡa mac nda taḡnandet**

---

**12:46** In 3.19, na 8.12, na 9.5, na 9.39, na 12.35    **12:47** In 3.17, na 5.45, na 8.15, na 8.26    **12:48** TW 18.19, na Mk 16.16, na Lk 10.16, na Ib 4.12    **12:49** TW 18.18, na In 8.38, na 14.10    **12:50** In 8.26-28

# 13

(13—17)

*Iesusa ndona iņa raņgairena ramtairta ourmo tukirina*

<sup>1</sup> Na Pasowana Rana amta reik ambrena ra laru ņgocor ndeacri, Iesusa ma lamņiatna, ma gan tiacarpaik tikcarica Aet ndambuņa taņa kidrikca kīpca marambuņairi. Na ma ndona meikramtaira gan tiacarpaik ndeacrenanmo matatji ņgoin, na an matatjina kirar kabea ma minmo matjia taņa ma menacrina.

<sup>2</sup> Karica wigwaca ņgoinna mina amba eacri. Na Iudas, ma Saimon Iskariotna nuoc, manmo Paparuna Ramoota mana nikinik iromo iro ņgoreaca tikrina. Te, ma Iesusmo puņņangepta para tiknandet.

<sup>3</sup> Ri, Iesusa ma lamņirina, Aetta manmo reikmo muruņcamiņa mana para tikrinan. Na ma gaind toc, toco ma lamņirina, Raraņ Aetaniaca manmo mbagirica ma kīprina, na ma man ndambuņa mac taņnandet.

<sup>4</sup> Ainda moca Iesusa amta reik tikcarica ma ņgepca ndona tik ņgapaoc rocotta pitukca, ma tik mumurina reac aņģica ndona rikca leacrinan.

<sup>5</sup> Na ma pukmo tuoņ aniac ianna ruņkica, ma ņgepca ndona iņa raņgairena ramtairta ourmo tukica ma ndona rikca leaca eacrina tik mumurimo aņģica an mbuņa mamuriat.

---

**13:1** Mt 26.2, na In 7.30, na 12.23, na 15.13, na 17.1, na 17.11, na Pil 2.8, na 1 Io 3.16    **13:2** Lk 22.3, na In 13.27    **13:3** Mt 28.18, na In 3.35, na 16.28, na Up 2.36, na 1 Ko 15.27, na Ib 2.8    **13:4** Lk 22.27, na Pil 2.7-8

6 Ri, ma Saimon Pita ndambuņa kipatke. Ma manmo gaimda digiatna, “Kacoot, u aukna orniņa tukina moek ki?”

7 Na Iesusa mana kammo gaimda rutica aindopatna, “Na reaca aku mandeaca moeknanna, u mba garacrena. Injmbai te, u garacnandet.”

8 Ri, Pita manmo gaimdoprina, “U aukna orniņmo kai tuki teac, kari ņgoin ndacari.” Na Iesusa mana kammo gaimda rutirinan, “Aku una orniņmo tuki ņgocor te, u aukapa mba eacitndai.”

9 Na Pita manmo gaimdopatna, “Kacoot aintan ecte, u aukna orniņ niņgikca kai tuki teac, u aukna parapa paņan toco tuki.”

10 Aında moca Iesusa manmo aindopatna, “Ramootta rurenanna, ma mba mac ruitndai. Ma orniņ niņgik tuki te, ma kocnaia rat ndarunandet. Na ne rat ndarurinan. Na aku nenmo muruņa mba mboprinan.”

11 Na Iesusa an kam ndoprinanna, ma lamņirina, an ramootta manmo puņnaņgepta para tikna morena. Aintik ma aindoprina, “Ne muruņcamina ratta mba eacrena.”

12 Karica ma mina oura tukica maica ma ndona tik ņgapaoc rocotta tikca ma taņa mac mbiracatna. Ri, ma minmo gaimda digirina, “Na an reacna miniņa aku nenmo morinanna ne lamņire ki?”

13 Na ne aukmo Ririptiapa Kacoot ņgacrena. Na anna laņ, ne aind ņgacrenan. Aku Ririptiapa

---

13:6 Mt 3.14 13:8 1 Ko 6.11, na Epe 5.26, na Ta 3.5, na Ib 10.22

13:10 In 6.64, na 6.70-71, na 15.3 13:12 Lk 22.27 13:13 Mt 23.8-10, na Lk 6.46, na 1 Ko 8.6, na 12.3, na Pil 2.11

Kacoot.

<sup>14</sup> Na aku nena Kacootapa Riripti, aku nena ourmo tukirinan, na ne toco an kirar kabea aku morinanna, ne aina wiwitna meikramtairta ourmo tuki.

<sup>15</sup> Na mandeaca aku nenmo tip kirar damma wandacrina, na ne toco an tip kirar kabea, aku nenmo morenanna, ne toco ndorita kabe, kabemo ainda mo.

<sup>16</sup> Na aku nemo gidik, gidik ngoinna aindopnandet, mbaija morena ramootta ma ndona kacootmo mba kunitndait. Na ramootta aiŋ ianna taŋ te, ma an ramootta manmo mbagirica taŋrina ramootmo mba kunda tamuŋmbaia eacitndait.

<sup>17</sup> Na mandeaca ne an tipna kirara aku morinanna, ne mana miniŋa garaca lamŋirinan, na ne matau ngoinna ranŋai te, ne toŋgonandet.

<sup>18</sup> “Na aku nenmo muruŋa mba mboprina. Aku nenmo larapacrena ramtair auknan, aku lamŋirenana. Na Raraŋ Aetaniacna timbigta kap ndeacrena kambca, aku lamŋirenanna, ma gidikca larunandet. Na an kambca ma gaindoprina, ‘Ramootta aukap tapac ambrenanna, ma aukmo mo ngocrainandet.’

<sup>19</sup> Na an reaca ma mba larureke, na mandeaca aku nenmo an kambca mboprinan. Ainda moca ma iŋmbaia laru te, ne gaimda ripacna, Aku Ndo, Aku Aind Ndeacraŋnandet.

---

**13:14** Mt 20.28, na Lk 22.27, na Ro 12.10, na Gal 6.1-2, na 1 Pi 5.5

**13:15** Mt 11.29, na Pil 2.5, na Kol 3.13, na 1 Pi 2.21, na 1 Io 2.6

**13:16** Mt 10.24, na Lk 6.40, na In 15.20    **13:17** Mt 7.24, na Ie 1.25    **13:18** Nŋap 41.9    **13:19** In 14.29, na 16.4



<sup>20</sup> Na aku nemo gidik, gidik ngoinna aindopnande, ramootta aku mbagirica tanrina ainna ramootmo angi te, na mamō matau mo te, an ramootta ma aukmo anjica aukmo matau morinan. Na ramootta aukmo angi te, ma Raraŋ Aetaniacmo anjirinan, ma ndo aukmo mbagirica aku kiprinan.”

*Iudasa Iesusmo puŋnanjepta para tiknandet  
(Matiu 26.20-25 na Mak 14.17-21 na Luk 22.21-23)*

<sup>21</sup> Ainda moca Iesusa an kam ndopca maica, mana nikinik iroa makuk ngoin ndarurina. Na ma kammo gainda wiwitorina, “Aku nemo gidik, gidik ngoinna aindopnandet. Nena ianna aukmo puŋnanjepta para tiknandet.”

<sup>22</sup> Na ma aindopatke, mana iŋa ranjairena ramtaira ndorimo mawattat. Na mina mba lamjiri, ma mandaina ndoprina.

<sup>23</sup> Ri, an mana iŋa ranjairena ramoot, ma manmo matjirenanna, ma mana kitimma eacrenan.

<sup>24</sup> Na Saimon Pita, ma manmo paŋan mbuŋa digia aindoprina, “U Iesusmo digi, ma mandaina kam ndoprena.”

<sup>25</sup> Ri, an mana matjirena iŋa ranjairena ramootta ma ndona paŋanmo Iesus ndambuŋa tikca ma manmo laŋanna gainda digirina, “Kacoot u mandaina kam ndoprina?”

---

**13:20** Mt 10.40, na 25.40, na Mk 9.37, na Lk 9.48, na 10.16

**13:21** Mt 26.21, na Mk 14.18, na Lk 22.21, na In 12.27, na Up 1.17, na 1 Io 2.19    **13:23** In 19.26, na 20.2, na 21.7, na 21.20, na 21.24

<sup>26</sup> Karica Iesusa mana kammo gainda ruti-rina, “Aku gan am tipmo anğica teramma tikca ramoot ianna neaŋ te, anna ande an ramoot ŋgoinna aku mboprenan.” Ainda moca ma am tipmo anğica teramma tikca ma Saimon Iskariotna nuoc Iudas maneangat.

<sup>27</sup> Ri, Iudasa an amna reacmo anğiatke, Ramoot Mbikca mana nikinik iro mambukat. Ainda moca Iesusa manmo gaindopatna, “Na an reaca u mo ndoprenanna, u anmo tawi mo.”

<sup>28</sup> Na an ramtaira muruŋa mbibiracna taupca mbiraca eacrenanna, an kamma Iesusa Iudasmo mboprenanna waraca mina an kamna miniŋa mba garacrinan.

<sup>29</sup> Na Iudas ma mina kitukndukca bubuocrena ramoot, na mina ndeida gaind ndamŋirina, Iesusa manmo mbopca ma taŋca an mbembendeina ra aniacna amna reac ŋgoiknan, co ma taŋca an meikramtair ndaekpembmo reik neaŋnan.

<sup>30</sup> Ainda moca Iudasa an am tipca anğiri, ma tawi ŋgoinna raekca laruca matangat. Na an kidrikca mouŋ malaruri.

*Iesusa mana iŋa ranğairena ramtairmo Tip Wandik ŋgamma neangatna*

<sup>31</sup> Karica Iudasa raekca taŋgatke, Iesusa gaindopatna, “Mandeaca Ramootna Nuoca ma i aniac anğirina. Na Raraŋ Aetaniaca Ramootna Nuoc mbuŋa i aniac anğirina.

---

**13:27** Lk 22.3, na In 6.70, na 13.2  
12.23, na 14.13, na 1 Pi 4.11

**13:29** In 12.6

**13:31** In

<sup>32</sup> Na an minna Raraŋ Aetaniaca man mbuŋa i aniac aŋgieknanna, ma ndo Ramootna Nuocmo i aniac neaŋnandet. Na ma anmo tawi ŋgoinna monandet.

<sup>33</sup> Na aukna mombonik, kidrik tekem-motemma aku nenap eacnandet. Na ne aukna moca orenande. Na aku Iudanangepmo mboprina, na an kam kirar kabea aku nen motocmo mambopek. Na an auŋa aku taŋgeknanna, ne anna taŋna towanaiŋ.

<sup>34</sup> Aintik mandeaca aku nenmo Tip Wandik ŋgam maneaŋgek, na ma gaine, ne kabe, kabea, kabena meikramtairmo matau matŋi. Na aku nenmo mataua matŋirina, na an tip kirar kabea ne kabe, kabea, kabena meikramtair motocmo, aida matau matŋi.

<sup>35</sup> Na ne kabe, kabea aukna wiwitna meikramtair motocmo, mataua matŋi te, anna meikramtairmo muruŋa wandacnandet, ne aukna iŋa raŋgairena ramtair.”

*Iesusa aindopatna, Pita ma manmo iŋ neaŋnandet*

*(Matiu 26.31-35 na Mak 14.27-31 na Luk 22.31-34)*

<sup>36</sup> Ri, Saimon Pita ma Iesusmo gaine di-girinan, “Kacoot u tenna taŋit?” Na Iesusa mana kammo gaine rutirina, “Na auŋa aku taŋgeknanna, u mandeaca u aukmo raŋgaica

---

**13:32** In 17.5    **13:33** In 7.34    **13:34** TN 19.18, na In 15.12, na 15.17, na 1 Pi 1.22, na 1 Io 2.7-8, na 3.23, na 4.21, na 2 Io 1.5

**13:35** 1 Io 2.5, na 4.20    **13:36** In 7.34, na 21.18-19, na 2 Pi 1.14

anna taɲna minna wanaiɲ. Na iɲmbai te, u aukmo raŋgaica kipnandet.”

<sup>37</sup> Karica Pita manmo digiatna, “Kacoot tida moca aku unmo mandeaca raŋgaina minna wanaiɲ? Na aku ndona eteacna wat auknanna, un ŋgotacna mo te, aku kecarinandet.”

<sup>38</sup> Ainda moca Iesusa mana kammo gainda rutirinan, “U ndomo ndona eteacna wat kecaria aukmo otacna ndopre ki, a? Aku unmo gidik, gidik ŋgoinna aindopnandet, kackura ap ŋgocor ndeac te, u kiɖrik mbonkaca aindopnandet, u aukmo mba lamɲirena.”

## 14

*Iesusa ma Aet ndambuɲa taɲna meikramtairta taup*

<sup>1</sup> Karica Iesusa gaind mac mboprina, “Ne iroar inkara kai tamtam ndamɲica kadmai teac. Ne Raraɲ Aetaniacmo riɖac. Na ne auk motocmo riɖac.

<sup>2</sup> Na aukna Aetna kac inikca diabar witta eacrenan, na aku taɲca nena taupembca kocronandet. Na ainda wanaiɲ te, aku nenmo an kamma ainda mba mbopitndai.

<sup>3</sup> Na aku nena taupemb kocrona taɲ te, aku nda kipca nenmo aŋɟica ne taɲca aukap eacnandet. Na an taupca aku eacrenan, ne toco anna aukap eacnandet.

<sup>4</sup> Na aku taɲrena auɲa ne an taupca malamɲireke.”

---

**13:37** Mt 26.33-35, na Mk 14.29-31, na Lk 22.33-34      **14:1** In 14.27, na 16.33      **14:2** In 13.33, na 13.36      **14:3** In 12.26, na 17.24, na Up 1.11, na 1 Te 4.17

<sup>5</sup> Ri, Tomasa manmo gaindopatna, “Kacoot u tenna taņrena auņa, anna aia mba lamņireke. Na tida tikca aia an taupca lamņi garacit?”

<sup>6</sup> Ainda moca Iesusa manmo aindopatna, “Aku ndo, aku taup, na aku kam gidikna minij, na iarwarna eteacna watna minij. Na ramoot ianna Aet ndambuņmo kabena taup ian mbuņa taņna toawanaiņ. Wanaiņ ņgoin. Auk niņgik.

<sup>7</sup> Na ne aukmo lamņi te, mandeaca ne aukna Aet motocmo, ne lamņinandet. Na mandeaca ne manmo malamņiek. Na ne manmo mawatri.”

<sup>8</sup> Karica Pilipa Iesusmo gaindoprina, “Kacoot u aimo Aetta wandac te, anna ndo aina iroarapa landamņiara moi minna tiknandet.”

<sup>9</sup> Ri, Iesusa manmo aindopatna, “Pilip, kidrik rocotta aku nenap eacrinan, na u aukmo mba lamņire ki, a? Na ramootta aukmo wat te, ma Aetmo mawatri. Na kaina moca u gaindoprina, ‘U aimo Aetta wandacna’?

<sup>10</sup> Na u ainda mba ripacri ki, Aetta aukap eacrenan, na aku Aetap eacrenan? Na kamma aku nenmo neaņrenanna, anna aku ndona nikinik iro mbuņa mba morenanna. Wanaiņ. Aetta aukap eacrenan, na ma ndo, ndona aiņira morena.

<sup>11</sup> Na ne an kammo ripac. Aku Aet ndambuņ ndeacrenan, na Aetta ma auk ndambuņ ndeacrena. Na wanaiņ ecte, ne auk morina

---

**14:6** In 1.4, na 1.17, na 8.19, na 8.32, na 10.9, na 11.25, na Ro 5.1-2, na Ib 9.8, na 10.20    **14:7** In 8.19    **14:9** In 12.45, na Kol 1.15, na Ib 1.3    **14:10** In 7.16, na 8.28, na 10.38, na 12.49, na 14.24, na 17.21-23    **14:11** In 5.36, na 10.38, na 14.20

aiņirmo lamņinandet, te, anna ndo nena ritīpaikca moi ņgepnandet.

<sup>12</sup> “Na aku nemo gidik, gidik ņgoinna aindopnandet, na ramootta aukmo ripac te, ma toco ainta aiņira aku morenanna, ma monandet. Na ma aiņir anikca monandet, na an aiņira aku morinanmo ma mo kunnande, na anna aku Aet ndambuņa taņrinan.

<sup>13</sup> Na reikca ne muruņa aukna i mbuņa digieknanna, anna aku monandet. Ainda moca Aetta ma ndona Nuoc mbuņa ma i aniac aņģinandet.

<sup>14</sup> Na reikca ne muruņa aukna i mbuņa digi te, anna aku monandet.”

### *Iesusa aindopatna ma ņeroņ Ratmo mbagīrica kīpnandet*

<sup>15</sup> Karica Iesusa gaidn mac mbopatna, “Ne aukmo matau matņi te, ne aukna kambmo matau raņģairāņnandet.

<sup>16</sup> Na aku ndona Aetta digica ma nenmo kabena iro damna Opotac nearņa, anna ndo nenmo moi gaganandet. Te, ma nenap iarwara eacraņnandet.

<sup>17</sup> Na an Opotaca ma kam gidikna ņeroņ. Na gan tiacarpaikna meikramtaira mina manmo mba watitndai, na mina mba aņģiitndai. Na mina manmo mba lamņiitndait. Na nen tikca

---

**14:12** Mt 21.21, na Mk 16.16-20, na Lk 10.17      **14:13** Mt 7.7, na Lk 11.9, na In 15.7, na 15.16, na Ie 1.5, na 1 Io 3.22      **14:15** In 14.21-23, na 15.10, na 15.14, na 1 Io 5.3      **14:16** In 14.26, na 15.26, na 16.7, na Ro 8.15, na 8.26      **14:17** Mt 10.20, na In 16.13, na Ro 8.26, na 1 Ko 2.14, na 1 Io 2.27, na 4.6

ne manmo lamņirena, na ma nenap eacrenan, na ma nena iroar inkarmo eacnandet.

<sup>18</sup> “Na aku nenmo mombonik ndaekpembca mba tikcariitndai, na nenmo mba wattacarica ne wanaiņa eacitndait. Wanaiņ. Aku nen ndambuņa kipnandet.

<sup>19</sup> Na kidrik tekemmotemma gan tiacarpaikna meikramtaira aukmo mba mac watitndai. Na nen tikca ne aukmo watnandet. Aku iarwarna eteacna watap eacrenan, na ne toco iarwarna eteacna watap eacnandet.

<sup>20</sup> Na an ra kip te, ne lamņinande, aku ndona Aet ndambuņa eacnandet, na ne auk ndambuņa eacrenan, na aku nen ndambuņa eacrena.

<sup>21</sup> Na ramootta aukna tipemb wandikmo aņģica matau raņgai te, an ramootta ma aukmo mamatji ņgoin. Na ramootta aukmo matņi te, aukna Aetta manmo matņinandet. Na auk toco manmo matņinandet, na aku manmo ndomo wandacnandet.”

<sup>22</sup> Na Iesusa aindopri, Iudas Iskariotna i kabena ramoot, Iudasa ma Iesusmo gaimda digirina, “Kacoot tida moca u aimo ndo wandacit, na u gan tiacarpaikna meikramtairmo u ndomo mba wandacri?”

<sup>23</sup> Karica Iesusa mana kammo gaimda rutirina, “Ramootta aukmo matau matņiraņ te, ma aukna kambca matau raņgairaņnandet. Na aukna Aetta an ramootmo matņinandet. Na aukapa

---

**14:18** Mt 28.20, na In 14.3, na 14.28    **14:19** In 16.16, na 1 Ko 15.20    **14:20** In 10.38, na 14.10, na 17.21-26    **14:21** In 14.15, na 14.23, na 15.10, na 16.27, na 1 Io 2.5, na 5.3    **14:22** Up 10.41-42

**14:23** Mt 18.20, na In 14.15, na 2 Ko 6.16, na Epe 3.17, na 1 Io 2.24, na KIEK 3.20

Raraŋ Aetaniaca man ndambuŋ nakipnandet, na manap memetmbaca eacraŋnandet.

<sup>24</sup> Na ramootta aukmo matŋi ŋgocor ŋgoinna, ma aukna kammo mba giwaci ranġaiitndai. Na an kambca ne waracrenanna, anna aukna kambca wanaiŋ. Anna Aetna kamb, na ma aukmo mbagiřica aku kiprinan.

<sup>25</sup> “Na an minna aku nenap eacri, aku nenmo an reikta kamb toprina.

<sup>26</sup> Na Ŋeroŋ Rat, ma nenmo moi gagrana Opotac gidik. Na aukna i mbuŋa Aetta manmo mbagiřica ma kipnandet. Na ma nenmo reikca muruŋa riptinandet. Te, ma nena iroara mo ŋgepca ne an aku nenmo neaŋrina kambmo muruŋcamiŋa lamŋi rapacnandet.

<sup>27</sup> “Na aku nenmo tikcarina moca nenmo nikinik iro wetwetta maneaŋgek, na ma nenap eacraŋnandet. Na aukna nikinik iro wetwetta aku nenmo neaŋrena, anna gan tiacarpaikna meikramtaira neaŋrena kirara wanaiŋ. Aintik ne nikinik iroara kai makuku teac, na tamtamma kai lamŋi teac, na kai nanambi teac.

<sup>28</sup> Na an kambca aku nenmo neaŋrinanna, ne mawaracri, ‘Na aku nenmo tikcarica taŋnandet. Na aku nenmo nda kipnandet.’ Na ne aukmo gidikca matŋi te, anna ndo nenmo moi toŋtoŋgarap eacnandet. Na anna aku Aet ndambuŋa taŋrinan, na ma out ŋgoin, na ma aukmo tamuŋmbai.

---

**14:24** In 5.19, na 5.38, na 7.16, na 12.49    **14:26** Lk 24.49, na In 14.16, na 15.26, na 16.13, na 1 Io 2.20, na 2.27    **14:27** In 14.1, na 16.33, na Pil 4.7, na Kol 3.15    **14:28** Lk 24.51, na In 14.3, na 14.12, na 14.18, na 16.28, na 20.17, na Pil 2.6



<sup>29</sup> Na an reaca laru ngocor ndeacri, aku nenmo mandeaca mbopca malarurek. Na inmbaia ma laru te, ne ripacnandet.

<sup>30</sup> “Na aku nenmo kamb wit anikca mba mbopit, gan tiacarpaikca bubuocrena ramoot paņanna makipek. Na ma aukmo reac ianna mona gargar ngocor,

<sup>31</sup> na aku tonggorinanna gan tiacarpaikna meikramtaira lamņina, aku Aetmo mamatņi ngoin, na Aetta aukmo mboprena reikca aku muruņcamija morena. Ainda moca ne nņeņca aia taņna.”

## 15

### *Iesusa ma wain nņatik gidik nņoin*

<sup>1</sup> Karica Iesusa gaind mac mbopatna, “Aku ndo aku wain nņatik gidik nņoin. Na aukna Aetta ma an wain wariņna aet.

<sup>2</sup> Na aukna ņaikca er ngocor te, anna Aetta mo kecarirenan. Na an ņaikca errenanna, Aetta ma minmo mataurenan, na minmo moa laņa mo te, mina amta reik witta matau ernandet.

<sup>3</sup> Na ne rat ndarurina. Na an kamma aku nenmo neaņgeknanna ma nenmo moa ratrina.

<sup>4</sup> Na ne aukap mik te, aku nenap miknandet. Na wainna ņaikca wainna nņatikca mik ngocor te, mina mba eritndai. Na anna tipna kirar kabea, ne aukmo mik ngocor te, ne toco amta reikca mba eritndai.

---

**14:29** In 13.19, na 16.4    **14:30** In 12.31, na 16.11, na Epe 2.2  
**14:31** Mt 26.46, na In 10.18, na 12.49, na Pil 2.8, na Ib 5.8    **15:2**  
 Mt 3.10, na 15.13    **15:3** In 13.10, na 17.17, na Epe 5.26, na 1 Pi  
 1.22    **15:4** In 6.56, na Kol 1.23, na 1 Io 2.6

<sup>5</sup> “Na aku ndo wain ngatik, na ne ngatik wainna ñaik. Na ramootta aukmo mikca, na aku mana mik te, ma amta reik wit ngernandet. Na ne aukmo tikcari te, ne reac ianna mba moitndai.

<sup>6</sup> Na ramoot ianna aukmo mik ngocor te, mina manmo ik ñaca mo kecarirena kirara mina manmo aında monandet, na ma gurunandet. Na ainta ngatik ñaikca mina anđi punica taca ke mbukca wirrenan.

<sup>7</sup> “Na ne aukmo mik te, na aukna kambca nenapa eacrenan, ne ndorita toŋtoŋgarta minna reikta digi te, an reikca ne mboprina kirar ndarunandet.

<sup>8</sup> Na ne amta reik wit ngera aukna iña ranğairena ramtair ndeacnande. Na an tipna kirar mbuđa aukna Aetta ma i aniac anđinandet.

<sup>9</sup> Na Aetta ma aukmo mamatñirenan, na an tipna kirar kabea aku nenmo matñirena. Na memetmbaca ne an aukna mamatñina inik ndeacrađ.

<sup>10</sup> Na ne aukna tipemb wandikapa aukna kambca matau ranğairan te, ne aukna mamatñina inik ndeacnandet. Na an tipna kirara aku ndona Aetna tipembapa kambca mataua ranğairenan, na aku mana toŋtoŋna inik ndeacrenan.

<sup>11</sup> Na an reikca aku nenmo mboprinanna. Na aku toŋgorinanna, aukna toŋtoŋa nenap eaca, na an toŋtoŋa ma nena nikinik iroarmo moi min koında tiknande.

---

**15:5** Osi 14.8, na In 15.16, na 2 Ko 3.5, na Pil 1.11, na 4.13    **15:6** Mt 3.10, na 7.19, na 13.42    **15:7** Mt 7.7, na In 14.13-14, na 15.16, na 16.23    **15:8** Mt 5.16, na In 8.31, na Pil 1.11    **15:10** In 14.15, na 14.21-23, na 1 Io 2.5    **15:11** In 16.24, na 17.13, na 1 Io 1.4

<sup>12</sup> Na aukna tip wandikca ma gaind, ne kabe, kabea ne kabena meikramtairmo matau matji, na an tipna kirara aku nenmo matjirenan.

<sup>13</sup> Na ramoot ianna ma ndona aikndamtairmo mamatji ngoin, na ma ndona eteacna wat ndonanmo kecarica min ngotac te, na an kabena meikramtairmo matau matjirena tipna kirara, ma kabena meikramtaira matjina tipna kirarmo kunda tamuḡmbai.

<sup>14</sup> Na auk mbopatnanna, ne ainda mo te, ne aukna aikndamtaira eacnandet.

<sup>15</sup> Na mbaiḡna ramootta ma ndona kacootna morena reikca ma mba lamjirenan. Ainda moca aku nenmo gainda mba ḡgacri, 'Ne mbaiḡna ramtair.' Wanaiḡ. Na kambca aku Aet ndambuḡa muruḡa waracrinanna, anna aku nenmo mboprena. Aintik aku nenmo, 'Aikndamtair ḡgacrena.'

<sup>16</sup> "Na ne aukmo mba larapaca aku nenap eacrenan. Wanaiḡ. Aku nenmo larapaca ne aukna wiwit ndeacrenan. Na aku nenmo aiḡ neaḡrinan, ne tanḡa an aiḡa mo gagra, na mana gagamma ma larunandet, te, ma mba ḡgocraiiḡndai. Ainda moca ne Aetmo aukna i mbuḡa mbendeica reac ianna digi te, ma nenmo neaḡnandet.

<sup>17</sup> Na aku nenmo gagraca mambopek. Ne kabe, kabea kabena meikramtairmo matjiraḡ."

---

**15:12** In 13.34, na 15.17, na 1 Te 4.9, na 1 Pi 4.8, na 1 Io 3.11, na 3.23, na 4.21, na 2 Io 1.5    **15:13** In 10.11, na Ro 5.7-8, na Epe 5.2, na 1 Io 3.16    **15:14** Mt 12.50, na In 14.15, na 14.23    **15:15** In 17.26, na Up 20.27    **15:16** Mt 28.19, na Mk 16.15, na In 6.70, na 14.13, na 1 Io 4.10, na 4.19    **15:17** In 13.34

*Gan tiacarpaikna meikramtaira mana ija rangairena ramtairmo puñnañgepca monandet*

<sup>18</sup> Karica Iesusa gaind mac mbopatna, “Na gan tiacarpaikna meikramtaira nenmo puñnañgepca mo te, ne kai iroar ndarekrekke teac, outta mina auk motocmo puñdamootta morina.

<sup>19</sup> Na ne gan tiacarpaikna meikramtairta kirar ndeac te, anna meikramtaira mina nenmo gainda matñinandet, ne mina wiwitnan. Na ne gan tiacarpaikna ramtaira wanaiñ. Na aku nenmo larapacrinan, na ne gan tiacarpaikna tipemb kirarira tikcarinandet. Aintik gan tiacarpaikna meikramtaira nenmo puñnañgepca morena.

<sup>20</sup> Ainda moca ne an kambca aku nenmo mbo-prinanna, ne matau ngoin ndamñi. Mbaiña aiña morena ramootta ma ndona kacootmo mba kunitndait. Na mina aukmo ngoreaca mo te, mina nen motocmo mo ngocrainandet. Na mina aukna kambmo rangai te, mina nena kamb motocmo rangainandet.

<sup>21</sup> Na aukmo mbagirica kiprina Aetmo, mina mba lamñirenan. Ainda moca mina an tipemb kirarir ngorikmo muruña nenmo monandet. Na mina lamñirena ne aukna wiwitnan.

<sup>22</sup> “Na aku kipca minmo kambca nearñ ngocor, te, mina tipemb ngorikta makukara mba mbukitndai. Na mandeaca mina ndorita tip

---

**15:18** Mt 10.22, na 1 Io 3.1, na 3.13     **15:19** In 17.14, na 1 Io 4.5

**15:20** Esi 3.7, na Mt 10.24, na Lk 6.40, na In 13.16     **15:21** Mt 5.11, na 10.22, na 24.9, na Mk 13.13, na In 16.3     **15:22** In 9.41, na Ro 1.20, na Ie 4.17

ngoreacna makukara iŋgorocna taupemb kōcor.

<sup>23</sup> Na ramootta aukmo puŋdamootta mo te, ma aukna Aet motocmo ma puŋdamootta monande.

<sup>24</sup> Na an aiŋir gargarara ramoot ianna mina rikmo ŋgaua mo ŋgocornanna, aku an aiŋir anikca mo ŋgocor te, na mina anna wat te, mina ndorita tipemb ŋgorikta makukara mba aŋgiitndait. Na mina aukna aiŋira muruŋa wa-trinan, na mina aukmo puŋdamootta morina, na aukna Aet motocmo, aında morina.

<sup>25</sup> Na an tipna kirara mina moatnanna anna ma laruca mina Tip Wandikna kam ianna moca minna tikna. Na an kamma ma gaind, 'Meikramtaira aukmo wanaiŋa puŋdamootta morena.'

<sup>26</sup> "Na nenmo opotacna Ŋeroŋa ma Aetap eacrenan, na aku manmo mbaŋirica nen ndambuŋa kipnandet. Na an Ŋeroŋa ma kam gidik ndoprena, na ma Aetap eacrenan, na ma kipnandet. Na ma kip te, ma aukna aiŋapa tipna kirarmo mbopi laru garacnandet.

<sup>27</sup> Aında moca ne toco aukna kambmo wiwiti mbop, na anna ne aukap eaca aku an minna aiŋa moa ŋgeprinan, na ne aukap eaca kipca mandeacna min.

---

**15:23** Lk 10.16, na 1 Io 2.23    **15:24** In 3.2, na 7.31, na 9.32, na 9.41, na 14.11    **15:25** Ŋap 35.19, na 69.4    **15:26** Lk 24.49, na In 14.26, na 16.7, na 16.13, na Up 2.33, na 1 Io 5.6    **15:27** Lk 1.2, na 24.48, na Up 1.8, na 1.21-22, na 1 Pi 5.1, na 2 Pi 1.16

## 16

<sup>1</sup> “Na aku nena ritipaikmo tikcarina mba tonjorinan, ainda moca aku nenmo an kamb toprina.

<sup>2</sup> Na mina nenmo Iudananta mimitpac anjirena kaikmo wandik tiknandet. Na injmbaina minna mina nenmo mo menacnandet, na mina gaind ndamjinandet, mina Rarañ Aetaniacna aiñir lainja morina.

<sup>3</sup> Ainda moca mina Aetmo mba lamñirenanna, na mina auk motocmo mba lamñirenan, ainda moca mina an tipembta kirarira morena.

<sup>4</sup> Ainda moca mandeaca aku nenmo mbopri-  
nan, an reikca larunande. Na injmbaina minna  
an meikramtaira nenmo an tipemb kirarira mo  
te, ne gan kam tipca aku nenmo neañrinanna  
ndamjina.”

### *Iesusa Neroñ Ratna aiñna kam mboprina*

Karica Iesusa gaind mac mbopatna, “Njgava  
aku nenap eacrinan, ainda moca aku nenmo an  
reikta kambca mba mbopriinan.

<sup>5</sup> Na mandeaca aku Aet ndambuña tañnandet,  
ma ndo aukmo mbagirica aku kipriinan. Ain-  
tik nena ianna aukmo mba digiri, ‘U tenna  
tañrena?’

<sup>6</sup> Na aku nenmo an kamb toprinanna, man-  
deaca nena iroar inkara makuk ngoin.

---

**16:1** Mt 11.6, na 24.10, na 26.31    **16:2** Mt 24.9, na Lk 6.22, na  
In 9.22, na Up 8.1, na 26.9-11    **16:3** In 15.21, na Ro 10.2, na 1 Ko  
2.8, na 1 Ti 1.13    **16:4** In 13.19, na 14.29    **16:5** In 7.33, na 13.3,  
na 13.36, na 14.28, na 16.10, na 16.16    **16:6** In 14.1, na 16.22

<sup>7</sup> Aında moca aku nenmo gidik ngoinna aindoprina, aku nenmo tikcarica tañnandet, na anna nenmo otacna. Na aku tañ ngocor te, nenmo mo gagrana Neronja ma nenmo mba kipitndait. Na aku tañ te, aku manmo mbagirica ma nen ndambuña kipnandet.

<sup>8</sup> Na ma kipca gan tiacarpaikna meikramtairmo tipemb ngorikta makukarta miniña moi mina wat rapacna, na tip kirar wandoña miniñmo mo wandoñainan, na Rarañ Aetaniacna ritri waparacna miniña moi waekeca mina wat rapacna.

<sup>9</sup> Na tip ngoreacna makukna miniña ma gaind, mina aukmo mba ripacrenan.

<sup>10</sup> Na tip kirar wandoñmo, mo wandoñaina miniña gaind, aku Aet ndambuña tañnandet, na ne aukmo mba mac watitndait.\*

<sup>11</sup> Na Rarañ Aetaniacna ritri waparacna miniña gaind, gan tiacarpaikca bubuocrena ramoot pañan, Rarañ Aetaniaca manmo ritri waparaca moatke, ma manmo moa irikrinan.

<sup>12</sup> “Na aku nenmo neañna kamb wit aniacap eacrenan, na ne mandeaca anjina minna

---

**16:7** In 14.16, na 14.26, na 15.26, na Up 2.33, na Epe 4.8

**16:9** In 3.18, na 15.22, na Up 2.22-37      **16:10** In 3.14, na

Up 2.32, na 5.31, na Ro 4.25      \* **16:10** Gan tiacarpaikna

meikramtaira Iesusmo ritri waparaca moca gaindoprina, ma tipemb wandoikca mba morenanna, aintik ma menacnandet. Na Rarañ Aetaniaca manmo mac moa ngepca manmo anjica tañca ma manap eacnandet. Na an tipna kirar mbuña Rarañ Aetaniaca meikramtairmo wandacrina, Iesusa ma tipemb kirarir wandoik lainj tingikca morena.      **16:11** In 12.31, na Up 26.18, na Epe 2.2, na Kol 2.15, na Ib 2.14      **16:12** Mk 4.33, na 1 Ko 3.1-2, na Ib 5.12

wanaiŋ.

<sup>13</sup> Na kam gidikna Neronja kip te, ma nena iroarmo tiŋara monandet, na ne kam gidikmo muruŋa lamŋinandet. Na ma ndona iro mbuŋa kamma mba mbopitndai. Wanaiŋ. Na kambca ma waracrinanna, ma an niŋgikca wiwitinandet. Te, ma nenmo iŋmbaia lataruna reikta kamb topnandet.

<sup>14</sup> Na ma aukna kambmo aŋgica nenmo wiwitinandet, na an tiŋna kirar mbuŋa aukna i aniacapa gargara mo larunandet.

<sup>15</sup> Na Aetna reikca muruŋcamina anna auknan. Ainda moca aku aindoprina, ma aukna kamb aŋgica nenmo wiwitinandet.”

*Na toŋtoŋa ma kakadmaina taup aŋginandet*

<sup>16</sup> Karica Iesusa gaimd mac mbopatna, “Kidrik tekemmotemma ne aukmo mba mac watitndai. Na iŋmbaina kidrik tekemmotem mbuŋa ne aukmo mac watnandet.”

<sup>17</sup> Ri, mana iŋa ranjairana ramtaira ndorita rikmo aindoprina, “An kamma ma aimo mboprinanna, anna kaina miniŋna kam? Na ma aindoprinan, ‘Kidrik tekemmotemma ne aukmo mba watitndai, na iŋmbaina kidrik tekemmotem mbuŋa ne aukmo mac watnandet.’ Na ma gaimd mac mboprina, ‘Mana miniŋa gaimd, aku Aet ndambuŋa taŋnandet.’ ”

<sup>18</sup> Na mina aindopri, “An ‘kidrik tekemmotemma.’ Ma mboprenanna, anna kaina reac?



Na an kamma ma mboprinanna, aia mana miniņa mba lamņireke.”

<sup>19</sup> Ainda moca Iesusa ma lamņirinan, mina manmo digina morenan, aintik ma minmo gaindoprina, “Ne auk mboprina kamna miniņa moca ne ndorimo anna digirenan ki? Na aku gaindoprina, ‘Kidrik tekemmotemma ne aukmo mba watitndai. Na iņmbai ecte, ne aukmo mac watnandet.’

<sup>20</sup> Na aku nemo gidik, gidik ņgoinna aindopnandet, ne nananae aniacapa kakadmai aniac monandet. Na gan tiacarpaikna meikramtaira mina toņtoņgarap eacnandet. Na nena iroar inkara makukuraņnandet. Na nena an nikinik iroarta makukara mina uriraca mina toņtoņgar koind tarunandet.

<sup>21</sup> Na ma gaind, meaca ma moonņuoca mirna mo te, ma girgir aniac aņģinandet, na ma mir te, ma moonņuocna mo te, ma toņtoņ ņgoin, na ma an girģirna ke ma mba lamņiitndai.

<sup>22</sup> Na anna kirara ne mandeaca ne makuk aņģica kadmainandet. Na aku nenmo watnandet, na nena iroar inkara toņtoņgara larunandet. Na ramoot ianna nena an toņtoņgarmo mo kecarina minna wanaiņ.

<sup>23</sup> Na an kidrikca ne aukmo reac ianna mba digiitndai. Na aku nenmo gidik, gidik ņgoinna aindopnande, na ne Aetmo reac ianna aukna i mbuņa digi te, ma nenmo nearņnandet.

<sup>24</sup> Na ņgaua ne aukna i mbuņa reac ianna

---

**16:21** Ais 26.17    **16:22** Ais 66.14, na Lk 24.41, na 24.52, na In 14.1, na Up 2.46, na 1 Pi 1.8    **16:23** Mt 7.7, na In 14.13, na 15.16  
**16:24** In 15.11

aŋgina mba digiri. Na ne digi te, ne aŋginandet. Na nena iroar inkara toŋtoŋgara min ŋgoinna tiknandet.”

*Iesusa gan tiacarpaikna gargarmo mo irikatna*

<sup>25</sup> Karica Iesusa gaimd mac mbopatna, “Aku nenmo an kambmo, kam roor mbuŋa keca mbo-prinan. Na iŋmbaia aku nenmo an tipna kirara mba mac moitndai. Wanaiŋ. Na aku nenmo Aetna kambca raekca wandoŋ ndopnandet.

<sup>26</sup> Na an minna ne aukna i mbuŋa mben-deinandet. Na aku nenmo ainda mba mbopri-nan, aku ndo nenmo Aetta mbendeica ma nenmo otacnan.

<sup>27</sup> Wanaiŋ. Aetta ma ndo nenmo matŋirenan, na anna ne aukmo matŋirinan, na ne aukmo riŋpacatna, aku Raraŋ Aetaniacap eaca kiŋprinan.

<sup>28</sup> Na atua aku Aetap eacrina, ri, aku man tikcarica gan tiacarpaikca kiŋprina. Na mandeaca aku gan tiacarpaikca tikcarica Aet ndambuŋa taŋnandet.”

<sup>29</sup> Ri, mana iŋa raŋgairana ramtaira gaimdop-rina, “Ore! Mandeaca u mbopca malaruri. Na mandeaca u kam roor mbuŋa mba kecapeke.

<sup>30</sup> Na mandeaca aia malamŋiri, u ramootmo mba digina lambirenan, na u mana opotacmo rutinan. Wanaiŋ. U reikmo u muruŋcamiŋa lamŋirenan. Ainda moca aia gaimda riŋpacrinan, u Raraŋ Aetaniacap eacrenan, na u kiŋprinan.”

<sup>31</sup> Karica Iesusa mina kambmo gaimda rutirina, “Eee, mandeaca ne riŋpacapek, ki?”

<sup>32</sup> Na ne warac, ra kipca marambuᅇairi. Na ma larunandet, te, mina nenmo ootca ne ndorita auᅇembca kabe, kabea taᅇ mainandet. Na ne aukmo tikcarica aku ndo kabea eacnandet. Na aku ndo kabea mba eacitndai, wanaiᅇ, Aetta ma memetmbaca aukap eacrenan.

<sup>33</sup> Aintik aku toᅇgorinanna, ne aukap miᅇca nikinik iro wetwet ndeac, aında moca aku nenmo an kam ndoprina. Na an minna ne gan tiacarpaikca eacrenan, ainta makukara nenmo larunandet, na nena nikinik iroara gar-gar ndeacraᅇ. Na gan tiacarpaikna gargara aku moa irikrinan.”

## 17

*Iesusa ndona iᅇa raᅇgairena ramtairmo opotacna mbembendeia morina*

<sup>1</sup> Karica Iesusa ndona iᅇa raᅇgairena ramtairmo kambca mbopa maica ma auᅇ tamuᅇmo watta gaca ma gaindopatna, “Ate, ᅇganᅇganᅇgina minna kipca malaruek. Na mandeaca u ndona Nuocmo i aniac neaᅇ, te, ma unmo i aniac neaᅇnandet.

<sup>2</sup> Na u manmo i aniaca neaᅇrinan. Na u manmo meikramtair muruᅇna paᅇanna witikna larapacrina, te, ma an meikramtaira u manmo neaᅇrinanmo, ma minmo iarwarna eteacna watta neaᅇnandet.

---

**16:32** Mt 26.31, na 26.56, na Mk 14.27, na In 8.29, na 20.10

**16:33** In 14.27, na Ro 5.1, na 8.37, na Epe 2.14, na 2 Ti 3.12, na 1 Io 4.4, na 5.4    **17:1** In 11.41, na 12.23, na 13.32    **17:2** Dan 7.14, na Mt 11.27, na In 6.37, na 1 Ko 15.25-27, na Pil 2.10, na Ib 2.8

<sup>3</sup> Na gan iarwarna eteacna watta, ma gaind, meikramtaira an iarwarna eteacna wat anġirenanna, mina unmo lamnjirina, u ndo kabe ngoinna Raraġ Aetaniac gidik. Na u mbagirica kġprina ramoot Iesus Karaismo mina lamnjirena.

<sup>4</sup> “Na aku gan tiacarpaikna meikramtairmo una gargarapa i aniacmo wandacrina. Na aiġa u aukmo mo ndopca neaġrinanna, aku moa mairina.

<sup>5</sup> Na Ate, gan tiacarpaikca laru ngocor ndeacri, aku unap eacrinan, na aku i aniacap. Na mandeaca aku tonġorinanna, u aukmo an i aniac mac nda neaġ, te, aku unap eacnandet.

<sup>6</sup> “Na gan meikramtaira u aukmo gan tiacarpaikca tikca neaġrinanmo, aku una imo minmo, wiwitiatna. Ri, mina una kambmo matau ngoinna ranġairina.

<sup>7</sup> Na mandeaca u aukmo neaġrina reik muruġa mina lamnjirena, anna un ndambuġ ndiġ nda kiprena.

<sup>8</sup> Na an kambca u aukmo neaġrinanna, aku minmo neaġrina. Na mina manmo anġica mina gidikca gainda lamnjirina, atua aku unap eaca kġprinan. Na mina gainda riġpacrenan, u ndo aukmo mbagirica aku kġprinan.

<sup>9</sup> “Na aku min ngotacna mbendeirena. Na aku gan tiacarpaikna meikramtairmo muruġa otac nake mba mbendeirenan. Aku mbendeirenanna,

---

**17:3** Ais 53.11, na In 5.36-37, na 1 Ko 8.4, na 1 Te 1.9, na 1 Io 5.20    **17:4** In 4.34, na 13.31, na 14.13, na 14.31    **17:5** In 1.1-2, na 17.24, na Pil 2.6, na Kol 1.15-17, na Ib 1.3, na 1.10    **17:6** Nġap 22.22, na In 6.37-39, na 10.29    **17:8** In 8.28, na 12.49, na 14.10, na 16.27, na 16.30    **17:9** In 6.37, na 6.44, na 1 Io 5.19

aku an meikramtaira u aukmo neanrinanna moca mbendeirena, na mina una meikramtair.

<sup>10</sup> Na aukna an meikramtaira muruŋcamiŋa anna unan. Na una meikramtairta tumbunna muruŋcamiŋa anna auknan. Na an kidrikca meikramtaira aukna an tumbunna wat te, mina aukmo i aniac neanmandet.

<sup>11</sup> “Na mandeaca aku un ndambuŋ makipek, na aku gan tiacarpaikca mba mac eacitndai. Na mina gan tiacarpaikca eacnandet. Na Ate, u rat ŋgoin, na ianna un toco wanaiŋ. Na u minmo ndona ina gargar mbuŋa bubuocrenan, na an ia u aukmo neanrina. Na mina kabea larunandet, an kirara anŋa aind ndeacrinan.

<sup>12</sup> Na an minna aku minap eacri, aku una ina gargar mbuŋa minmo bubuocrinan, na an ia u aukmo neanŋatnanna. Na aku an mbuŋa minmo matau ŋgoinna bubuocrenan, na mina ianna mba taprekeitndai. Na taprekena ramoot, ma ndo kabea taprekenandet, te, an una Timbigta Kap ndeacrena kamma ma gidik ŋgoin ndarunandet.

<sup>13</sup> Aintik mandeaca aku un ndambuŋmo makipek. Na aku gan tiacarpaik ndeacrena kidrik mbuŋ tik, aku an kamb topatna. Te, aukna toŋtoŋa mina nikinik iroarmo minna tikca eacraŋnandet.

<sup>14</sup> “Na una kambca aku minmo neanrinan. Na gan tiacarpaikna meikramtaira minmo

---

**17:10** In 16.15    **17:11** In 10.30, na 13.1, na 17.21, na 1 Pi 1.5, na Iu 1.1    **17:12** Nɔp 41.9, na 109.8, na In 6.39, na 13.18, na 18.9, na Up 1.20, na Ib 2.13, na 1 Io 2.19    **17:13** In 15.11    **17:14** In 8.23, na 15.18-19, na 17.16, na 1 Io 3.13

puņņangepca morena, na aukna meikramtair, mina gan tiacarpaikna meikramtaira wanaiņ, na an tipna kirar toco, auk toco gan tiacarpaiknanna wanaiņ.

<sup>15</sup> Na aku minmo gan tiacarpaik tikcarina moca unmo mba digirena, wanaiņ. Aku unmo mbendeirinanna, u minmo bubuocna, te, Ramoot Ngoreaca minmo mba mo ngocraiiindai.

<sup>16</sup> Na mina gan tiacarpaikna meikramtaira wanaiņ, na an kirar toco auk toco gan tiacarpaiknanna wanaiņ.

<sup>17</sup> Na una kambca gidkar koind, na aku tonjorenanna, u ndona an kamb gidkarmo, mina nikinik iroarmo aiņa moraiņ. Te, minmo moca mina una meikramtair koind tarunandet.

<sup>18</sup> Na ņgaua u aukmo mbagirica aku kipca gan tiacarpaikna meikramtairta rik ndeacrinan. Aintik an kirar kabea auk toco an meikramtaira u aukmo neaņrinanmo, mbagirica mina tanġa gan tiacarpaikna meikramtairta rik ndeacnandet.

<sup>19</sup> Te, minmo otacnan, na aku ndona eteacna watmo kocnaia unmo neaņrinan, te, mina una meikramtair gidkar koind tarunandet.

<sup>20</sup> "Na aku an meikramtair tinġikmo memetmbaca otacna mba mbendeirinan, wanaiņ. Aku mandeaca mbendeirinanna, meikramtairmo otaca mina aukna meikramtairta kambca waraca aukmo ripacna.

<sup>21</sup> Na aku tonjorinanna, an meikramtaira iro

---

**17:15** Mt 6.13, na Gal 1.4, na 2 Te 3.3, na 1 Io 5.18    **17:17** Nġap 119.142    **17:18** In 20.21    **17:19** 1 Ko 1.2, na 1.30, na 1 Te 4.7, na Ib 10.10    **17:21** In 10.16, na 10.38, na 17.11, na Ro 12.5, na Gal 3.28

kabe ndeacraŋna, an kirara u Aetta u aukap eacrenan, na aku unap eacrenan. Na an kirar kabea aku tongorinanna, mina aŋgap eacraŋ. Te, gan tiacarpaikna meikramtaira ripacnandet, u ndo aukmo mbagirica aku kiprinan.

<sup>22</sup> Na u aukmo i aniacapa gargara neaŋrinan, na aku minmo neaŋrina. Te, mina nikinik iroara kabe ndeacnandet, na an tipna kirara aŋga eacrenan toc.

<sup>23</sup> Na aku minap eacrenan, na u aukap eacrenan, na an tipna kirara aku tongorinanna, mina nikinik iroara kabe ndeacna. Ainda mo te, gan tiacarpaikna meikramtaira lamŋinandet, u ndo aukmo mbagirica aku kiprinan, na u aukna an meikramtairta wiwitmo tongorenan, na an tipna kirar kabea u aukmo matŋirina.

<sup>24</sup> “Na Ate, auk tongorinanna, u aukmo neaŋrina meikramtair, mina aukap an auŋa aku eacrenanmo mina an ndeacna. Na aku tongorinanna, mina aukna memetacna tac aniacapa i aniacac watna. Na an minna gan tiacarpaikca laru ŋgocor ndeacri, u aukmo matŋirinan, na u aukmo an memetacna tac aniacapa i aniac neaŋrina.

<sup>25</sup> Na u Aet wandoŋ ŋgoin, gan tiacarpaikna meikramtaira mina unmo mba lamŋirenan. Na aku ndo unmo lamŋirena. Na aukna gan meikramtaira mina lamŋirena, u aukmo mbagirica aku kiprinan.

<sup>26</sup> Na minmo aku una imo moa larurina.

---

**17:22** In 14.20, na Up 4.32, na 1 Io 1.3, na 3.24    **17:23** Kol 3.14

**17:24** In 12.26, na 17.5, na 1 Te 4.17    **17:25** In 8.55, na 15.21, na 16.3, na 16.27    **17:26** In 15.9, na 15.15, na 17.6

Na aku memetmbaca mo laruranmandet. Te, mina kabena laiplacarmo tongoca matjirena tipna kirar angina, na an tipna kirara u aukmo tongoca matjirena kirar. Te, auk toco minap eacnandet.”

## **Iesusa girgir angica ma menaca ma mac nda ngepatna**

### **18**

(18—20)

*Iudasa Iesusmo puñnangepta para tikatna  
(Matiu 26.47-56 na Mak 14.43-50 na Luk 22.47-53)*

<sup>1</sup> Karica Iesusa an kamb topca maica ma ndona ija rangairena ramtairap, mina tanca Kidron oc irikca monmbai wañ magat. Na an ocna wanga warin ianna maeacreke, ri, Iesusapa mana ija rangairena ramtaira mina an warin mambukat.\*

<sup>2</sup> Na Iesusmo puñnangepta para tikna ramoot Iudas, ma toco an taupca malamjirenan. Na kidrik witta Iesusa ma ndona ija rangairena ramtairmo angica mina an warina punirenan.

<sup>3</sup> Ainda moca Iudasa an taup ndamtair pañaindta aija morena ramtairapa Parisiarta aija morena ramtairapa, lapoca ruñrena ramtairap, angica mina an warin makipat.

---

**18:1** 2 Sml 15.23, na Mt 26.36, na Mk 14.32, na Lk 22.39 \* **18:1** Kidron oc ma Olip Takurna rounb ndeacrena, na ma pacwikin teker ian, na warin ianna anna rounb ndeacrenan, na mana ia Getsemani. **18:2** Lk 21.37, na 22.39 **18:3** Mt 26.47, na Mk 14.43, na Lk 22.47, na In 7.45, na Up 1.16



Na mina runduikta reikapa tacapa racbikarta kaipta tacap kiprenan. <sup>4</sup> Ri, an reikca muruņa man ndarunanna, ma atuna ndamņirina. Ainda moca ma an tumbun ndambuņa tanņa rambuņaica ma minmo gainda digirinan, “Ne mandaina orerenan?”

<sup>5</sup> Karica mina mana kambmo gainda rutirina, “Aia Nasaretna Iesusna orena kiprina.” Ri, Iesusna minmo aindopatna, “Aku gade.” Na manmo anģirca mina neaņņa ramoot Iudasa ma minap eacrina.

<sup>6</sup> Na mina waracrinanna, Iesusna aindoprina, “Aku gade man.” Ri, an ramtaira inņ ndiņa tanņa pitrik mairikat.

<sup>7</sup> Karica Iesusna minmo mac digiatna, “Ne mandaina orerena?” Na mina aindopatna, “Nasaret auņņa Iesus.”

<sup>8</sup> Ainda moca Iesusna mina kambmo gainda rutirinan, “Aku nenmo mboprinan, anna auk. Na ne aukna ore te, ne gan ramtairmo watcarica mina tanņ.”

<sup>9</sup> Na an tīpna kirara ma ņgaua mboprina kirara gan kamma moa minna tīkatna, “An ramtaira u aukmo neaņrinanna, ianna mba taprekeitndait.”

<sup>10</sup> Ainda moca Saimon Pita ma bugrim ianap anģica tanņrenanna, ma an mbuņa taup ndamoot paņan aniacna tuomna aiņ kamainda morena ramootmo mawacat. Na an bugrimma an ramootna koar umbai waņņa kataca mairikat. Na an mbaiņņa aiņa morena ramootna ia Malkus.

<sup>11</sup> Karica Iesusa Pitamo gaindopatna, “An bu-grimmo mana taupca nda tik. Kai ac? Na u tit ndamnjirena, an gigirar Aetta aukmo neañna morenanna, aku mba mbukit ki?”

*Mina Iesusmo Anas ndambuņa warkica taņrina*

<sup>12</sup> Aında moca an lapoca ruņrena ramtairta wi-witapa, mina outta taņrena ramoot paņanapa, Iudana aiņa morena piringap, mina Iesusmo utingga mana parniņmo ŋgatik mbuņa leacrinan.

<sup>13</sup> Ri, mina manmo outta Anas ndambuņ naangia matangat. Na Anas ma Kaiapasna meacna aet, na Kaiapasa an minna ma taup ndamoot paņan aniac ndeacri.

<sup>14</sup> Na man tikca, ma an ramootta Iudanangepmo aindopatna, “Anna laņ ecte, ramoot kabea ndo meikramtair witna taup aņgica menacna.”

*Pita ma aindopatnan ma Iesusmo lamņi ŋgocor*

*(Matiu 26.69-70 na Mak 14.66-68 na Luk 22.55-57)*

<sup>15</sup> Aında moca Saimon Pitaapa kabena Iesusna iņa raņgairena ramoot ianna maniņa Iesusna iņa raņgaica mataņri. Na an Iesusna iņa raņgairena kabena ramoot, anna taup ndamoot paņan aniaca manmo lamņirena, aintik ma Iesusmo raņgaica taup ndamootna kacna wuoca mbukrinan.

---

**18:11** Mt 20.22, na 26.39, na 26.42, na Mk 14.36, na Lk 22.42

**18:13** Mt 26.57, na Lk 3.2    **18:14** In 11.49-50    **18:15** Mt 26.58, na Mk 14.54, na Lk 22.54, na In 20.3, na 21.20, na Up 3.1

<sup>16</sup> Na Pita ma wuocmo raekmbaina tiŋ kamma, witikca eacri. Ainda moca an kabena Iesusna iŋa ranġairena ramootta taup ndamoot paŋan aniaca manmo lamŋirenanna, ma an tiŋna ŋginaŋa morena meacmo mbopca ma tanġa Pitamo ŋai naanġica mambukat.

<sup>17</sup> Ri, an tiŋna ŋginaŋa morena meaca Pitamo gaimda digirina, “Na u toco, mana iŋa ranġairena ramtairta ramoot ian ki?” Ri, Pita gaimdopatna, “Wanaiŋ, aku mana iŋa ranġairena ramtairta ianna wanaiŋ.”

<sup>18</sup> Na an mouŋa gagauri, na an mbaiŋna aiŋa morena ramtairapa Iudana aiŋa morena piringap, tac aniac ianna keca eacri. Na mina witikca ndorita tikembmo moa owairena. Ainda moca Pita toco minap witikca ndona tikmo moa owairina.

*Taup ndamoot paŋan aniaca Iesusmo ritri waparaca moatna*

*(Matiu 26.59-66 na Mak 14.55-64 na Luk 22.66-71)*

<sup>19</sup> Na an minna taup ndamoot paŋan aniaca Iesusmo ndona iŋa ranġairena ramtairta moca digirinanapa, an kambca ma meikramtairmo riptirenan.

<sup>20</sup> Ainda moca Iesusa mana kambmo gaimda rutirinan, “Aku meikramtairmo memetmbaca kambca waekekeca neanrenan. Na memetmbaca aku meikramtairmo Iudananta mimitpac anġirena kaikca tikca riptirenan, na Raran

Aetaniacna Kacna wuocna roumbca anna Iudanangepca anna punirenan. Na aku kam ianna ŋaia mba tikca mboprenan.

<sup>21</sup> Na kaica u aukmo digirenan? U an kamb mbaracrina meikramtairmo digi. Na an kambca aku mboprinanna, mina lamjirenan.”

<sup>22</sup> Ainda moca Iesusa aindopatke, piran ianna witikca eacrenanna, ma Iesusmo apakeca aindoprina, “Kaina moca u taup ndamoot paŋan aniacna kambmo gaindta tipna kirara rutica mboprina?”

<sup>23</sup> Karica Iesusa mana kammo gainda rutirinan, “Aku kam ŋgoreaca mbop te, u aukna mbopatna kam ŋgoreacna miniŋmo mbop. Na aku kam laŋ ndop te, kaina moca u aukmo pirinan?”

<sup>24</sup> Karica Anasa Iesusmo taup ndamoot paŋan aniac Kaiapas ndambuŋa mbagirica taŋrina. Na an ŋgatikca mina mana parniŋmo leacrinanna, mina mba piaratke.

*Pita mac mambopat, ma Iesusmo lamji ŋgocor*

*(Matiu 26.71-75 na Mak 14.69-72 na Luk 22.58-62)*

<sup>25</sup> Na Saimon Pita ma witikca ndona tikmo taca tikca moa owairi. Na mina manmo gainda digirina, “U toco, mana iŋa ranŋairena ramtairta ramoot ian ki?” Ainda moca ma gaindopatna, “Wanaiŋ, aku mana iŋ ranŋairena ramtairta ianna wanaiŋ.”

26 Na taup ndamoot pañan aniacna mbaiñna aiña morena ramoot, Pita mana koarmo bu-grim mbuña waca katacrinanna, mana kamkabe ianna ma aindoprina, “Aku umo watrinanna, u Iesusap warin inikca eacrina ramoot ki?”

27 Ainda moca Pita gaind mac mbopatna, “Wanaiñ.” Na an kidrik ngoinna kackura maa-pat.

*Mina Iesusmo Pailat ndambuñ naañgica tanğatna*

*(Matiu 27.1-2 na 27.11-14 na Mak 15.1-5 na Luk 23.1-5)*

28 Karica Iudanangepta ramtaira Kaiapasna kac tikcarica mina Iesus anğica Romna ramoot pañanna, an ndeacrinanmo, mina manmo anna anği tanğina. Na anna ñañarmuñ ngoin. Na mina gaind malamñiat, “Moca aia Rarañ Aetaniacna lamniac ngoutta ratta mba laruitndai, te, aia mina an Pasowana Rana amtiamma mba ammit.” Ainda moca mina ndori koinda an Romna ramoot pañanna kaca mba mbukatke.†

29 Ri, mina raekca lambia eacri, Pailatta min ndambuña kipca minmo gaimda digirina, “Ne gan ramootmo kaina reacna moca manmo ritri waparaca mona more?”

30 Na mina mana kambmo gaimda rutirina, “Ma tip kirar ngoreaca mo ngocorta ramoot

---

**18:26** In 18.10    **18:27** Mt 26.74, na Mk 14.72, na Lk 22.60, na In 13.38    **18:28** Mt 27.2, na Mk 15.1, na Lk 23.1, na Up 3.13, na 10.28    † **18:28 Pasowana Ra:** Na Pasowana Ra, mana miniña gaind, an Ra Israelnanda Isip Ndeacri, Rarañ Aetaniaca Minmo Otaca Anğica Larurina Ra Aniacna ndamñina moatna.

ecte, aia manmo un ndambuņa mba anđi kípítndai.”

<sup>31</sup> Ri, Pailatta minmo gáindopatna, “Ne manmo anđica tańca ndorita típ wandík mbuņa manmo ritri waparaca mo.” Na an Iudanangepca aindopatna, “Aia ramootta mo memenaca anna wandík.”

<sup>32</sup> Na ŋgaua Iesusa ndo memenacna típna kirara ma mbopatnan, na an reaca larurinanna, ma an mana kammo gidikca moa minna tiktatna.

<sup>33</sup> Karica Pailatta an Romna ramoot pańanna kaca nda mambukat. Ri, ma Iesusmo aca kípca manmo madigiat, “U Iudananta gagrirta ramoot pańan ki?”

<sup>34</sup> Ri, ma mana kambmo gáinda rutirinan, “U ndo an kambmo ndo mbuņa lamńica mbopre, ki? Co, kabena ramootta aukna moca unmo mboprinan ki?”

<sup>35</sup> Aında moca Pailatta mana kambmo gáinda rutirina, “Kaica? Na aku Iudana ramoot ki? Una wiwitnanapa taup ndamtair pańaında unmo auk ndambuń naanđica kípina. Na u kai ŋgoinna morina?”

<sup>36</sup> Karica Iesusa gáindopatna, “Aukna bubuoca gan tiacarpaiknanna wanaiń. Na aukna bubuoca gan tiacarpaiknan co, aukna mbaińa morena ramtaira ruń mbe, te, ramoot ianna aukmo Iudanangepta para mba tikitndai. Aınd aukna bubuoca gan tiacarpaiknanna wanaiń.”

<sup>37</sup> Ri, Pailatta manmo gáinda digiatna, “Na

---

**18:31** In 19.6-7, na Up 18.15    **18:32** Mt 20.19, na In 3.14, na 12.32-33    **18:33** Mt 27.11    **18:35** In 1.11    **18:36** Dan 2.44, na 7.14, na 1 Ti 6.13    **18:37** In 8.47, na 1 Ti 6.13, na 1 Io 3.19, na 4.6

anna gidikca, u gagrirta ramoot pañan ian ki?" Ri, Iesusa mana kammo gaimda rutirina, "Na an gagrirta ramoot pañanna kambca anna una kamb. Na aemma aukmo mirrinanna, aku gan tiacarpaik nakiprinanna, aku aij kabe ningikca mona kiprinan. Na anna kamb gidkara wi-witinan, te, meikramtaira muruñja waracnande. Ainda moca meikramtaira muruñcaminña kamb gidkara ranğairenanna, mina aukna kamma ranğainandet."

<sup>38</sup> Na Pailatta manmo mac madigiat, "Na kam gidikca anna kaina reac ngoin?"

*Pailatta Iesusmo ik nakeracna kam mambopat (Matiu 27.15-31 na Mak 15.6-20 na Luk 23.13-25)*

Na Pailatta an kamb topca maica ma nda laruca Iudanangep tambuñ matanggat, na ma minmo gaimdoprinan, "Aku mana makuk ianna mba watri.

<sup>39</sup> Na aukna ranğairena tipna kirara ne lamjirenan. Na an Pasowana Rana iarira aku memetmbaca kac ngoreacna ramoot ianmo wattacarica ma larurenan. Ainda moca ne tonğorinanna, aku nenmo gan Iudananta gagrirta ramoot pañanmo watcarica ma larua tanjit ki?"

<sup>40</sup> Ri, mina kamb keca aindoprina, "Ma wanaiñ co. U Barabasmu watcarica ma laru." Na Barabas tikca ma runduñja moa ngeprenanapa reik makimrena ramoot.

---

**18:38** Mt 27.24, na Lk 23.4    **18:39** Mt 27.15, na Mk 15.6, na Lk 23.17    **18:40** Lk 23.19, na Up 3.14

## 19

<sup>1</sup> Ainda moca Pailatta mbopca mina Iesusmo angica ruktuk mbuŋa pirina.

<sup>2</sup> Ri, lapoca ruŋrena ramtaira kun tocna ngatik angica, an mbuŋa gagrirta ramootna paŋanna tikrena reaca moca, mana paŋanna matikat. Na mina manmo tik ngapaoc laup ianna aocrina.

<sup>3</sup> Ri, mina mana kitim nakipca manmo gaindopatna, “Ra laŋ, Iudana gagrirta ramoot paŋan!” Na mina manmo maapat.

<sup>4</sup> Karica Pailatta mac nda laruca meikramtairmo aindopatna, “Ne wat, aku manmo nen ndambuŋa angica laruca ne watnandet, na ne lamŋinandet, aku man morina reac ianna wat ngocor.”

<sup>5</sup> Ainda moca Iesusa laruatke. Na an paŋanna tikrena reaca mina kunna ngatik mbuŋa morinanna, mana paŋanna eacrinan. Na an tik ngapaoc laupa anna manap eacri. Na Pailatta minmo gaindopatna, “Ne wat, gan ramootta gade.”

<sup>6</sup> Ainda moca taup ndamtair paŋaindapa piringa mamu watca kamb keca aindoprina, “Manmo mo menac! Manmo mo menac! Na manmo ik naanŋi kerac!” Ri, Pailatta minmo aindopatna, “Ne ndori, manmo angica ik nakerac. Aku man morina makuk ianna wat ngocor.”

<sup>7</sup> Ainda moca Iudanangepca mana kambmo ginda rutica aindoprina, “Aia tip wandik ianap, an tip wandikca ma aindoprina, an ramoot ma

---

**19:1** Mt 20.19, na Mk 15.15, na Lk 18.33    **19:2** Lk 23.11    **19:3** In 18.22    **19:4** In 18.38, na 19.6    **19:6** In 18.31, na Up 3.13  
**19:7** TN 24.16, na Mt 26.65, na In 5.18



menacnandet. Na anna miniņa ma aindoprina, 'Aku Raraņ Aetaniacna Nuoc.' "

<sup>8</sup> Na Pailatta an kamb mbaraca ma kocnaia nanambiacarica.

<sup>9</sup> Ri, ma ndona an kaca mbukca ma Iesusmo gaida digiatna, "U tenna auņnan." Na mana kambca Iesusa mba rutiri.

<sup>10</sup> Ainda moca Pailatta manmo gaindoprina, "Kaica? U aukna kambmo rutina karirinanna? Aku unmo wattacarica taņna gargarap, na aku umo ik naaņgi keracna gargarap. Na u anmo mba lamņire ki?"

<sup>11</sup> Ri, ma mana kambmo gaida rutirina, "Na tamuņna Raraņ Aetaniaca unmo gargara neaņ ņgocor te, u aukmo mo irikna gargar kocor. Ainda moca ramootta aukmo una para tikrinan, mana tip ņgoreacna makukca una tip ņgoreacna makukmo kunda tamuņmbai, na mananna bagaraniac ņgoin."

<sup>12</sup> Ainda moca Pailatta an kamb mbaraca ma Iesusmo wattacarica taņna taupembta korerina. Na Iudanangepnanna, gaidta kamb keca gaindoprina, "U an ramootmo watcaria ma taņ te, u Sisana aikndamootta wanaiņ. Na ramootta ndomo gagrirta ramoot paņan ndop te, ma Sisana puņdamoot."

<sup>13</sup> Karica Pailatta an kamb mbaraca ma Iesusmo raek naaņgia malaruri. Na ma ritri waparacna mbibiracna taupca mbiracri, an taupca mina gaid ņgacrenan, waturta taup. Na

---

**19:9** Ais 53.7, na Mt 26.62-63, na 27.12-14, na Lk 23.9      **19:11**  
Lk 22.53, na In 7.30, na 10.18, na Up 2.23, na Ro 13.1      **19:12** Lk  
23.2, na Up 17.7

Iburuna kam mbuŋa mina gaind ngacrenan, *Gabata*.

<sup>14</sup> Na an ra, anna amta reik ngobacrena ra, na ma Pasowana Ramo rambuŋairi, aintik mina anna reacmo kocrorenan. Na rana ngannganngica ramo rik ngoinna tikri. Pailatta ludanangepnanmo gaindoprina, “Nena gagrirta ramoot paŋanmo wat.”

<sup>15</sup> Ainda moca mina aindoprina, “Manmo ik nakerac! Manmo anŋi taŋca ik nakerac! Manmo ik naanŋi kerac!” Karica Pailatta minmo gaind madigiat, “Ne tonŋorinanna, aku nena gagrirta ramoot paŋanmo ik naanŋi keracait, ki?” Ri, taup ndamtair paŋainda mana kambmo rutica aindoprina, “Aia kabena gagrirta ramoot paŋan kocor, Sisa ndo kabe niŋgik!”

<sup>16</sup> Ainda moca ma Iesusmo lapoca ruŋrena ramtairta para tikrina, te, mina manmo anŋica ik naanŋi keracna.

*Mina Iesusmo ik naanŋia keracatna*

*(Matiu 27.32-44 na Mak 15.21-32 na Luk 23.26-43)*

<sup>17</sup> Karica mina Iesusmo anŋica matanŋat. Na ma ndo ngoinna ndona keracna ik mbukca anŋica matanŋri. Na ma an auŋ aniacmo tikcarica ma taup ianna taŋri, na an taupca mina Paŋan Tiangapna Gagar ngacrenan. Na Iburuna kam mbuŋa mina gaind ngacrena, *Golgota*.

<sup>18</sup> Na an taupca tikca mina manmo ik naanngica keracatna. Na ramoot mbuniŋmo

mina manap keracrina. Ianna waņembai, na ianna waņembai. Na Iesus tikmo rikca tikrina.

<sup>19</sup> Na Pailat toco mbopca mina kam tip ianmo tirca an ik naaņica keracrina. Na an kamma gaind, “NASARETNA IESUS, IUDANA GAGRIRTA RAMOOT PAÑAN.”

<sup>20</sup> Na ma minmo an kammo Iburunanapa Romnanapa Girikna kamb punğa tirca mbopri- nan. Na an taupca mina Iesusmo ik naaņi keracrinanna, ma auņ aniacmo rambuņmbai, aintik Iudanangepta wiť aniaci kipca watatna, na mina an turrina kammo watrinan.

<sup>21</sup> Ainda moca Iudanangepta taup ndamtair paņainda Pailatmo gaindopatna, “U ainda kai tir teac, ‘Iudana gagrirta ramoot paņan.’ Wanaiņ. U gainda tir, ‘Gan ramootta gaindoprina, “Aku Iudana gagrirta ramoot paņan.” ’ ’ ”

<sup>22</sup> Ri, Pailatta mina kambmo nda rutica gain- doprina, “Kaina kambca aku tireknan, ma eac- nandet.”

<sup>23</sup> Karica lapoca ruņrena ramtair paura manmo ik naaņgia keracatke, mina ndorimo kabe, kabea mana tik űgapaoca aņgiatna. Na mana aocrena tik űgapaoc rocotta mina raranjit kabe mbuņa morinan tocmo mina aņgiatna.

<sup>24</sup> Ainda moca an lapoca ruņrena ramtaira aindopatna, “Aia gan tik űgapaocmo kai titac teac. Aia matip rocotna gegerei točna gegerei mbuņa gereia, watna mandaia ndo aņgiit.” Na mina aind mamoať, na an tipna kirarira mina Raraņ Aetaniacna timbigta kapna kam ianmo,

---

**19:19** Mt 27.37, na Mk 15.26, na Lk 23.38  
Mk 15.24, na Lk 23.34

**19:24** űap 22.18

**19:23** Mt 27.35, na

moa minna tikrina. Na an kamma gaind, “Mina aukna tik ngapaocmo biñaiia mina anğiatnan. Ri, mina matip rocotna gegerei nagereica aukna kabena tik ngapaocmo watna, mandaia ndo anğiit.” Na an tipna kirar mbuñ a an lapoca ruñrena ramtaira aında morinan.

<sup>25</sup> Na Iesusna aemmapa, Iesusna aemna lap-nameac, Kilopasna meac Mariaapa, Makdala auñ tekerna meac Mariaapa, mina muruñ Iesusna keracrina ikna roumbca witikca eacrinan.

<sup>26</sup> Ri, Iesusa ndona aemmapa mana matñirena iña ranğairena ramtairta ramootta watri, na maniña mana kitim ndeacrina. Na ma ndona aemmo gaindoprina, “Abo, gan ramootta anna una nuoc.”

<sup>27</sup> Na ma an mana iña ranğairena ramtairta ramootmo gaindoprina, “Gan meaca anna una aem.” Na an minna tikca an mana iña ranğairena ramtairta ramootta, ma Maria anğica ndona kaca tañca manmo raupñinandet.

*Iesusa mamenacat*

*(Matiu 27.45-56 na Mak 15.33-41 na Luk 23.44-49)*

<sup>28</sup> Aında moca Iesusa lamñirinan, mana aiñira mamairi. Na ma gaindopatna, “Aku logotta magagrari.” Na ma an kam tipmo mbopatke, ma an Rarañ Aetaniacna Timbigta Kap ndeacrena kam ianmo moa minna tikatna.

<sup>29</sup> Na mambarina wain puk win ianna ma rambuñ ndeacrenan. Aında moca mina puk

---

**19:25** Mt 27.55-56, na Mk 15.40, na Lk 23.49, na 24.18    **19:26**  
In 2.4, na 13.23, na 21.7, na 21.20    **19:28** Ñap 22.15, na 69.21  
**19:29** Mt 27.48

wiņa utiņrena reaca, mina spans ņgacrena reacian aņģica an wain pukna inikca tikrina. Na wain pukca mbukca minna tikri, mina ik isopna ņaca leaca mina aņģica mana upa tikrina.

<sup>30</sup> Ri, Iesusa an mbuņa wain pukca ambatke, ma gaidopatna, "Mamairi." Na mandona paņanmo ramtukca mana ņeroņa manmo tikcamacariat.

*Lapoca ruņrena ramoot ianna Iesusna kanmbac waņembaia riņģatna*

<sup>31</sup> Na an ra, anna Wiktitikna Rana amna reac ņgobacrena ra. Na an Wiktitikna Ra anna ra aniac ņgoin, aintik Iudanagepca mina warirmo an ra ik naņģi keraca eacrenanna, mina mba tonģorenan. Ainda moca mina Pailatmo mbopa waraca mina an ik naņģi keraca eacrena ramtairta ourmo, mo rimbitca, mina tawi menacna, te, mina warirmo aņģica mutocna.

<sup>32</sup> Ainda moca lapoca ruņrena ramtaira tanģa an Iesusap ik nakeracrina ramootniņa ornijmo moa rimbitrina.

<sup>33</sup> Na an kidrikca mina Iesus ndambuņ nakipca, mina watrinanna, ma menacatna. Aintik mina mana ornijmo mba moa rimbitatke.

<sup>34</sup> Ainda moca lapoca ruņrena ramoot ianna Iesusna kanmbac waņembaia lapoc mbuņa riņrinan. Ri, tawi ņgoinna pukapa racainda mairikat.

<sup>35</sup> Na ramootta an reikca watrinanna, ma an reikta kambca ma wiwitorinan. Na an kambca ma wiwitorinanna, anna gidik, aintik ne ripac.\*

<sup>36</sup> Na an reikca mina Raraŋ Aetaniacna timbigta kapna inikna kam ianmo moa gidik malaruri. Na an kamma gaind, "Mina mana gagar ianna mba rimb̄it̄ndai."

<sup>37</sup> Na kabena kam tip toco Raraŋ Aetaniacna timbigta kap ndeacrenanna, ma gaindoprina, "An meikramtaira mina manmo riŋrinanna, mina watnandet."

*Mina Iesusna wairmo muk ŋgam ianna t̄ikatna*

*(Matiu 27.57-61 na Mak 15.42-47 na Luk 23.50-56)*

<sup>38</sup> Karica iŋmbaia Arimatia auŋna Iosepa tanŋa Pailatmo digia manmo laŋ ndop te, ma Iesusna wairmo aŋgina. Na Iosep tikca ma Iesusna iŋa ranŋairena ramtairta ramoot ian, na ma Iudanangepta nanambica ma ndona ritipacmo aŋgi iŋgorocrenan. Ri, Pailatta manmo laŋ ndopri, ma Iesusna wairmo aŋgirina.

<sup>39</sup> Na Nikodemusa an ramootta ŋgaua ma mouŋa kipca Iesusmo watrina ramoot, ma toco kiprina. Ma tabrir ndeidap aŋgica kiprinan, anna mina ik mbuniŋna manŋar puŋga kurica

---

**19:35** In 21.24 \* **19:35** Na ramootta an reikca watrinanna, ma an reikta kambca ma an wiwitorina. Na an ramootta anna Ion, ma gan timbigta kapca tiratna ramoot. **19:36** NA 12.46, na Ndu 9.12, na Ŋap 34.20 **19:37** Ŋap 22.16-17, na Sek 12.10, na KIEK 1.7 **19:38** Mt 27.57, na Mk 15.42, na Lk 23.50, na In 7.13, na 9.22 **19:39** In 3.1-2, na 7.50

morinan, na maniņna iņpaia laņ ņgoin. Na an tabair pukna makukca 30 kilogeremna min.

<sup>40</sup> Aında moca an ramootniņa Iesusna wairmo aņģica an tabrir puņga ndikrinan. Na an Iudanangepca menacrena meikramtairmo, morena tipna kirara raņgaica mana wairmo, maniņa raranjit laņ aņģica an mbuņa tamairinan.

<sup>41</sup> Na lapoca ruņrena ramtaira Iesusmo ik naaņģica keracrina taupca wariņ ianna anna rambuņa eacrenan. Na an wariņna inikca muk ņgam ianna eacrena, na mina wair ianna anna mba tikrinan.

<sup>42</sup> Na anna Iudanangepta Wiktitikna Rana amta reik ņgobacrena ra, na an mukca rambuņa eacrenan. Aında moca maniņa Iesusna wairmo aņģica taņa an mukca tikrinan.

## 20

*Iesusa mac nda ņgepatna*

*(Matiu 28.1-8 na Mak 16.1-8 na Luk 24.1-12)*

<sup>1</sup> Na raita ņgat kabena ra lacaua, Makdala auņna Maria, ma auņ raruna morina ņaņarmuņ ņgoinna ma mukca taņrina. Na ma watrinanna wautta tiņmo mboraca eacrenanna, anna tiņmo mba mboracri.

<sup>2</sup> Aında moca ma ootta taņa Saimon Pitaapa an Iesusna iņa raņgairena ramtairta ramoota, Iesusa manmo matjirenanmo, ma maniņmo aindoprina, "Mina Kacootmo mukca tikca aņģia

---

**19:40** Up 5.6    **19:42** Ais 53.9, na In 19.31    **20:1** Mt 28.1, na Mk 16.1, na Lk 24.1    **20:2** In 13.23, na 19.26, na 21.7, na 21.20, na 21.24

matan̄ri, na mina manmo tenna tikrinanna, aia mba lam̄jireke.”

<sup>3</sup> Ri, Pitaapa an Iesusna īña ran̄gairena ramootta, manīña n̄gepca aūñ tikcarica muk ndambuñ matan̄ri.

<sup>4</sup> Na manīña muruñnīña ootrinan, na an Iesusna īña ran̄gairena ramtairta an ramootta Iesusa mat̄jirenanna, ma Pitamo ootta kunda ma mukmo outta tan̄ga malaruat.

<sup>5</sup> Na ma ramtukca n̄aia watta mbukrinanna, na ma watrinanna, mina Iesusna wairmo tamairina raran̄gir laīñ kamndera ndori eacrina. Na ma mba mbukatke.

<sup>6</sup> Ri, Saimon Pita ma mana iñ nakipca laruca ma muk mambukat. Na ma watrinanna, raran̄gir tingikca ndoria eacrenan,

<sup>7</sup> na ma kabena raran̄jit motocmo watrina, anna mina Iesusna pañanna tamaiatnanna, anna mba eecatke. Na an raran̄jitta ma an ndeacrena raran̄girap mba eacri. Wanaiñ. Manmo ramootta an̄gica rukumbca an̄gica kabena taupca tikca eacrina kirar toc.

<sup>8</sup> Ainda moca an Iesusna īña ran̄gairena ramootta outta larurinanna, ma toco mbukrina. Na ma an reikca watca ma maripacat.

<sup>9</sup> Na an minna mina Raran̄ Aetaniacna Timbigta Kap ndeacrena kambca mba giwaca lam̄jireke, Iesusa muk n̄getacndiñ mac n̄gepnandet.

<sup>10</sup> Karica an mana īña ran̄gairena ramootnīña auñ aniac mac nda matan̄gat.



*Makdala auŋna Maria ma Iesusmo watrina  
(Matiu 28.9-10 na Mak 16.9-11)*

<sup>11</sup> Ri, Maria ma an mukmo raekmbaia aea eacri. Na ma ae mbuŋa ramtukca ma mukna inikca watta mbukatke.

<sup>12</sup> Ma tik ŋgapaoc gogok aoca eacrena mbaiŋna aiŋa morena ŋeroŋ mbuniŋ mawatri. Na an mbaiŋna aiŋa morena ŋeroŋniŋa an Iesusna waira eacrina taupca mbiraca eacrena. Ianna mana paŋanna eacrina taup, na ianna mana orniŋa eacrina taupca mbiraca eacrina.

<sup>13</sup> Karica maniŋa Mariamo gaimda digirina, “Meacmbitac, kaina moca u aerena.” Ri, ma maniŋmo gaimda rutiata, “Mina aukna Kacootna wairmo aŋgica tenna tikrinanna, aku mba lamŋireke.”

<sup>14</sup> Na ma aindopacarica, ma kumbakeca watinanna, ma Iesusmo mawatri. Na ma mba lamŋiri, anna Iesus.

<sup>15</sup> Ainda moca Iesusa manmo gaimda digirina, “Meacmbitac kaina moca u aerena? Na u mandaina ŋgorerena?” Na Maria anmo wariŋna aiŋa morena ramoot ndopca, ma manmo gaimdopatna, “Ramoot aniac, u manmo aŋgi taŋ te, u aukmo tikrina taup ndop te, aku taŋca manmo aŋgina.”\*

<sup>16</sup> Ri, Iesusa gaimdopatna, “Maria.” Na Maria kumbakeca manmo Iburuna kam mbuŋa gaimdopatna, “*Rabonai.*” Na an kam, “*Rabonai,*” mana miniŋa gaimd, “*Riripti.*”

---

**20:11** Mk 16.5      **20:14** Mt 28.9, na Mk 16.9, na Lk 24.16, na 24.31, na In 21.4      \* **20:15** *Wariŋna aiŋa morena ramoot* An mukca ma wariŋna inikca eacrena.

17 Karica Iesusa manmo gaindoprina, “U aukmo kai utiņ teac, aku ndona Aet ndambuņmo mba gacreke. Na u tanġa aukna laiplacarmo gaindop, aku tamuņ naganandet. Na aku ndona Aetapa nena Aet ndambuņa taņnandet. Na aku ndona Raraņ Aetaniacapa nena Raraņ Aetaniac ndambuņa taņnandet.”

18 Ainda moca Makdala auņna Maria ma ŋgepca tanġa, mana iņa ranġairena ramtairmo gaindopatna, “Aku Kacootmo watrina.” Ri, Iesusa manmo neaņrina kambmo, ma minmo mboprina.

*Mana iņa ranġairena ramtaira Iesusmo watrina*  
(*Matiu 28.16-20 na Mak 16.14-18 na Luk 24.36-49*)

19 Na mana iņa ranġairena ramtaira Iudanangepta moca nanambirina, aintik mina eacrena an kacna tiņmo kaptikica leacrina. Na an raipaikna ŋgatna ra lacaua maica ra irikca wigwacari, Iesusa kipca mina rik mawitikat. Na ma minmo gaindopatna, “Nena iroar inkara wetwet laņ ndeacraņ.”

20 Karica ma aindopacarica, ma minmo ndona parapa kanmbacarpaikna ndibmo minmo mawandacat. Na mana iņa ranġairena ramtaira Kacootmo watca mina iroar inkara tonġonġar koinda morina.

---

**20:17** Ŋap 22.22, na Mt 28.10, na Ro 8.29, na Epe 1.17, na Ib 2.11-12    **20:19** Mk 16.14, na Lk 24.36, na In 19.38, na 1 Ko 15.5

**20:20** In 16.22, na 19.34, na 1 Io 1.1

21 Ri, Iesusa minmo gaind mac mbopatna, “Nena iroar inkara wetwet laŋ ndeacraŋ, na Aetta aukmo mbagirica aku kiprinan, na an kirara aku nenmo mbagirica ne taŋnandet.”

22 Na ma aindopri, ma ndona watmo minmo wica taŋga, ma minmo gaindopatna, “Ne Neron Ratmo aŋgi.

23 Na ne meikramtairta tipemb ŋgorikta makukarmo, mo kecari te, mina tipemb ŋgorikta makukara mainandet. Na ne mina tipemb ŋgorikta makukarmo moi kecari ŋgocor te, mina an tipemb ŋgorikta makukarap eacraŋnandet.”

### *Tomasa Iesusmo watrina*

24 Na an minna Iesusa mana iŋa raŋgairena ramtair tambuŋ ndarurinanna, mina ramtairpaikna ianna ma minap mba eacri. Anna Tomas, na mana i tekera Didimus.

25 Ainda moca iŋmbai mbuŋa mana iŋa raŋgairena ramtaira Tomasmo gaindopatna, “Aia Kacootmo watrina.” Na ma minmo gaindoprina, “Aku mana lacna ndibca mina mana para tikrinanna wat ŋgocor, na aku ndona patŋitmo an ndibembta ge tik ŋgocor, na aku mana kanmbaca ndona par mbuŋa utiŋ ŋgocor tik, aku mba ripacitndai. Wanaiŋ ŋgoin.”

26 Na rai parmbaiapa mbut mbuniŋna iŋmbai mbuŋa mana iŋa raŋgairena ramtaira an kac inik ndeacrinan, na Tomas toco, ma minap eacrina. Na mina an kacna tiŋmo kaptikica

---

**20:21** Mt 28.18-19, na In 17.18, na 2 Ti 2.2, na Ib 3.1    **20:23** Mt 16.19, na 18.18    **20:24** In 11.16, na 14.5, na 21.2

leacrinan, na Iesusa kipca mina rikca witikrina. Na ma minmo gainoprina, “Nena iroar inkara wetwet lan ndeacraŋ.”

<sup>27</sup> Karica ma Tomasmo aindopatna, “U kipca ndona patŋitmo ganna tik, na u aukna para wat. Na u ndona parmo aukna kanmbacarpaikmo, u utiŋ. Na u iro mbuniŋa kai aŋgi teac, u ripac niŋgik.”

<sup>28</sup> Na Tomasa mana kambmo gaimda rutirinan, “U aukna Kacoot, na u aukna Raraŋ Aetaniac.”

<sup>29</sup> Karica Iesusa manmo gainopatna, “U aukmo watca u ripacri ki? Na meikramtaira aukmo wat ŋgocor, na ripacrinanna, an meikramtaira mina tonŋonŋar tiŋgik.”

*Ganna Ionna timbigta kapna miniŋ ŋgoi*

<sup>30</sup> Ainda moca Iesusa mana iŋa raŋgairana ramtaira lamnik ŋgoutmo ainta ŋgagatracar witta morinanna, aku anmo gan timbigta kapca mba tirri.

<sup>31</sup> Na an kambca aku tirrinanna, anna aku tirca ne Iesusmo ripacnandet, ma an ramootta Raraŋ Aetaniaca babuca mbagirica kipca aimo mac nda aŋgina ramoot. Na ma Raraŋ Aetaniacna Nuoc. Aintik ne ripac te, ne eteacna watmo mana i mbuŋa aŋginandet.

**Iesusa mana iŋa raŋgairana  
ramtair tambuŋmo mac  
laruatna**

---

**20:27** 1 Io 1.1    **20:29** 2 Ko 5.7, na 1 Pi 1.8    **20:30** In 21.25  
**20:31** Lk 1.4, na In 3.15-16, na 5.24, na Ro 1.17, na 1 Pi 1.8-9, na 1 Io 5.13

# 21

(21.1-25)

*Mana iņa raņgairena ramtair parmbaiapa mbut mbuniņa mina Iesusmo watatna*

<sup>1</sup> Karica iņmbaia Iesusa mana iņa raņgairena ramtairmo, Galili miar ndambuņ mac larurinan, na an miarna i ianna Taiberias miar. Na ma min ndambuņmo gaimda larurinan,

<sup>2</sup> Saimon Pitaapa, Tomas, mana i tekera Didimusapa, Nataniel, ma Galili pitrikna auņ Kanacnan, na Sebedina nuocniņapa, mana iņa raņgairena kabena ramootniņap, mina tumbun ndeacri.

<sup>3</sup> Karica Saimon Pita ma minmo gaimdopatna, “Aku ņgoaebta korena taņnandet.” Na mina manmo gaimdopatna, “Ai toco unap taņnandet.” Ri, mina manap embarta kor ian naņgabukca matanġat. Na an mouņ rocotta mina ņgoaem ianna mba aņġiatke.

<sup>4</sup> Na auņ raruca ra gaca Iesusa maņara witikca eacrinan. Na mina manmo mba watta garacri, ma Iesus.

<sup>5</sup> Ainda moca Iesusa minmo gaimda digirina, “Ramtair, ne ņgoaeb ndeidap ki?” Na mina mana kammo gaimda rutirinan, “Wanaiņ co.”

<sup>6</sup> Na ma minmo aindopatna, “Ne weaņmo korna par umbaia ke, te, ne ņgoaeb ndeidmo aņġinandet.” Ainda moca mina weaņmo keca mapukat, ri, mina ņgoaebmo mba weteica aņġirinan, na mina weaņmo wiņ ņgacna minna wanaiņ.

<sup>7</sup> Na an mana ija rangairena ramtairta ramootta Iesusa manmo matjirenanna, ma Pitamo aindoprina, “Anna Kacoot ningik.” Na Pita ma ndona tik ngapaoc rocotta pitukca tikcarica ma aiya moa eacri. Na ma an kamma waraca, “Anna Kacoot,” ri, ma ndona tik ngapaocmo leaca ma pukca, pukca manjara iria magari.

<sup>8</sup> Na an mana ija rangairena ramtair ndeida kor mbun nakipri, na mina ngoaebmo weanap winja makipri. Na mina manarmo tawan ngoinna wanain. Mina 100 mitana nganngina min.

<sup>9</sup> Na mina kipca tunduoca, mina watrinanna tac ianna wira eacrenan. Na ngoaem ianna an taca eacrenanapa tapac ian toco an ndeacrena.

<sup>10</sup> Karica Iesusa minmo gaindopatna, “Na an ngoaebca ne anjirinanna, ne ndeidmo anji kip.”

<sup>11</sup> Ainda moca Saimon Pita ma kor nangabukca ma weanmo manjara winja magari. Na ngoaeb anikca weanmo min ngoin, na mina nganngia 153na min. Na ngoaebca wit koind, na weana mba titacatke.

<sup>12</sup> Karica Iesusa minmo gaindopatna, “Ne kipca am.” Ri, mana ija rangairena ramtaira nanambia ianna manmo mba digiatke, “U mandai?” Mina lamjirina, ma Kacoot ningik.

<sup>13</sup> Ri, ma tac ndambuja tanga rambuica ma tapac anjica minmo neanrina. Na ma ngoaem tocmo anjica minmo neanngatna.

14 Na Iesusa muk ndiŋ nanŋepca eacrina minna, ma kidrik mbonkaca ma ndona iŋa ranŋairena ramtair tambuŋ ndaruatna.

*Iesusa Pitamo gaindopatna, u aukna sipsiparmo bubuoc*

15 Karica Iesusapa mana iŋa ranŋairena ramtaira amba mairi, na ma Saimon Pitamo gaindoprina, “Saimon, Ionna nuoc, u aukmo mamatŋi aniacap ki? Na una an mamatŋia an ramtairmo kundrinan ki?” Na Pita aindoprina, “Ore Kacoot, u lamŋirenan aku unmo matŋirena.” Ri, Iesusa manmo gaindopatna, “U aukna sipsipna mombonikmo wiram.”

16 Na kidrik keca Iesusa manmo mac digiatna, “Saimon Ionna nuoc, u aukmo matŋirinan ki?” Ri, ma gaindopatna, “Nat co Kacoot, u lamŋirenan, aku unmo matŋirena.” Ri, Iesusa aindopatna, “U aukna sipsiparmo bubuoc.”

17 Karica kidrikca mac keatke, ma mac digiatna, “Saimon Ionna nuoc, u aukmo matŋiri ki?” Na an kidrikca Pita ma maŋateat, ma manmo kidrik mbonkaca gainda digiatna, “U aukmo matŋiri ki?” Na ma Iesusmo gaindopatna, “Kacoot reikca u muruŋa lamŋirenan. Na u lamŋirenan, aku unmo matŋirena.” Ri, Iesusa manmo aindopatna, “U aukna sipsiparmo wiram.”

18 “Na Aku unmo gidik, gidik ŋgoinna aindopnandet, u ramoot ŋgamma eac te, u ndona weaond leaca u ndona toŋtoŋna taupca

---

**21:14** In 20.19, na 20.26    **21:15** Mt 26.33, na In 1.42    **21:16**  
 Up 20.28, na Ib 13.20, na 1 Pi 2.25    **21:17** In 13.38, na 16.30  
**21:18** In 13.36, na Up 12.3-4

tañrenan. Na u bagarai te, u ndona parmo anği ngepca kabena ramootta una weaond leaca una tonjo ngocorta taupca anği tañnandet.”

<sup>19</sup> Na Iesusa an kamb toprinanna, ma Pitana ngagatraca morinan. Titocna tipna kirara ma menac te, Rarañ Aetaniacmo i aniac neañnandet. Na inmbaia ma Pitamo gaindopatna, “U aukmo ranjai.”

*Iesusna inja ranjairena ramtairta ramoot ianna ma mana kambca matjirena*

<sup>20</sup> Ainda moatke, Pita ma kumbakeca watrinanna, an mana inja ranjairena ramtairta ramootta Iesusa manmo matjirenanna, ma maninap kiprina. Na ma ande an ramootta ndona pañanmo Iesusna rugut pañanna tikrinan, an minna mina ambrina taupca tikca ma Iesusmo madigiat, “Kacoot mandaia ndo unmo puñnangepta para tikit?”

<sup>21</sup> Ri, Pita manmo watca ma Iesusmo gaima digiatna, “Kacoot, na gan ramootta titoc?”

<sup>22</sup> Na Iesusa mana kammo gaima rutirina, “Na aku tonjo te, ma eaca tanja aku ndo nda kip te, na anna una reaca wanainj? U kipca aukmo ranjai.”

<sup>23</sup> Ainda moca kamb watta Iesusa ripacrena laiplacarmo gaima tañrina, “Gan mana inja ranjairena ramtairta ramootta ma mba menacitndai.” Na Iesusa ainda mba mboprina, ma mba menacitndai, wanainj. Ma aindoprinan, “Aku

---

**21:19** Mt 16.24-25, na Mk 1.17, na In 13.36, na 2 Pi 1.14    **21:20** In 13.23-25, na 20.2    **21:22** Mt 16.27-28, na 25.31, na 1 Ko 4.5, na KIEK 22.7, na 22.20



tongoca ma eaca tanga aku mac nda kip te, anna una reaca wanain?”

<sup>24</sup> Na anna an mana inja rangairena ramtairta ramootta mandeaca ma gan reikta kambmo wiwitirenan, na ma gan kambmo timbigta kapca tirrinan. Na aia lamjirenan, an kambca ma wiwitirenanna, anna gidik ngoin.

<sup>25</sup> Na kabena reik wit aniac toco Iesusa morinanna, mina an reikmo muruncamijna kabe, kabea timbigta kapca tir ndop te, gan aina tiacarpaikca an timbigta kaip tikna taupca minna mba tikitndai.

**Raraŋ Aetaniacna Kam Wemban Lan  
New Testament in Mborena Kam language  
Nupela Testamen long tokples Mborena Kam long  
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 18 Apr 2025 from source files dated 29 Jan 2022

8e1073ed-d2dc-5f3a-bb48-5406185123a7